

ЁШЛАР НАСРИДА БАДИЙ МЕЛЬЕР

Давр, замон ўзгаргани сайин инсон ҳам мохиятан ўзгарди, оламга муносабати, ўзига нисбатан талабчанлиги янада теранлашди, тафаккур доираси янада кенгайди, жамият тафаккури шаклланди.

Хар бир бадиий мукаммал асар миллий адабиетимизни умумжахон адабиёти мезонлари билан чоғиштиришга имкон беради. Миллий истиқол даври ўзбек насрини ёшлар ижодисиз тасаввур этиш мумкин эмас. Ёшлар насрининг бадиий олами билан танишиш мақсадида "Ёшлик" журналининг ўтган сонларини варактаймиз.

Нигина Ниёзининг "Сўнмас чўф" ҳикоясини, Анвар Собиржоннинг "Юлдуз тўла осмон", Муҳандисининг "Бегона шахарнинг намозшомлари" киссаларини, Тўхтамурод Рустамнинг "Капалаклар ўйини" романини бир-бирига мазмунан, услубан, шаклан ўхшамаган наср намуналари сифатида илмий ва бадиий таҳлилга жалб этар эканмиз, хар қайси асар имкон даражасида бугунги ёшлар насрини намоён қилиши билан бирга ижод психологияси нақадар мураккаб, серқирига эканлигига амин бўламиз.

"Сўнмас чўф" ҳикояси қандайдир бир самимияти билан одамни ўйлантириб қўяди. Ҳикоя қаҳрамони Лайло йиллар давомида бир-бири билан тортишиб, баҳслашиб яшаётган ўзининг ботиний иккинчи Лайлоси таъсирида яшайди. Ёзувчи уларни китобхонга гўё кўзгудаги қаҳрамон акси сифатида тақдим этади. Аслида эса улар нисбий тушунча, бу қаҳрамоннинг ўзи унинг онги, унинг аслияти, унинг руҳи, унинг қалби. Бири гоҳо маъюс, гоҳо мунис, Жавоҳир сўйган Лайло, бири эса йиллар давомида ўзини худбинларча севувчи жаҳлдор Лайло. Шу иккала Лайло ягона реал қаҳрамон Лайлонинг тафаккурида бир умр тортишиб яшайди. Муниса Лайло Жавоҳирни севади, унга ёмонликнираво кўрмайди: **"Кўйинг, — унинг йўлини тўсди мулойим Лайло. — Худонинг хоҳиши шу экан, кўнгил ишига аралашиб нима қиласиз".**

Ёзувчининг "Аммо шу дам фикрлар ҳам "тирик" эканини ўйламсадим. Ахир, ҳамма нарса ниятдан бошланади, деб бежиз айтмаганлар" деган хуласаси бизни ҳикоядаги воқеалар ривожига етаклайди. Бир Лайло Жавоҳирга яхшилик тиласа, иккинчиси ёмонлик. Биринчи Лайлони **"яъни яхшилик хоҳишини" иккинчи Лайло йўлдан "ойна парчасидай чил-чил синдириб"** олиб ташлайди. Қалбидан эзгулик сидириб ташланган Лайлонинг кўнглида фақат жаҳолат учритгувчи иккинчи Лайло қолади. Ниятлар тириклигини ёзувчи гўё илоҳий даражага кўтаради. Ёмон ният амалга ошади.

Жавоҳирнинг оёғига кўзгу тушиб кетади. Аслида Жавоҳирнинг янги уйига Лайло кириб келмайди, балки унинг ёмон нияти кириб келади.

Ҳикоянинг эътиборли жиҳатларидан яна бири унинг якуний интиҳоси. **"Ириб оққан"** Жавоҳирни кўрган Лайлонинг кўнгли асло таскин топмайди. У энди ўз кусурларини теранроқ англайди: **"Уша дамлари, қалбим илондай тўлғонган кезлари сукут сақлай билганимда эди... Ўзимиздаги беҳисоб Лайлолар эса биз билан бир умр баҳслашса..."** каби кўнгил оғрикларидан Лайло инсон қилган гуноҳлари учун жазони ўзи олади ва бу жазони тайинлашга яратгуввидан ўзга қодир эмас, деган маънени англайди.

Нигина Ниёз "Сўнмас чўф" ҳикоясида қаламга олган мавзунинг муҳимлигини эътироф этган ҳолда ёзувчи ҳикояда қўллаган услуб моҳиятига эътиборни қаратмоқчимиз. Ёзувчи шунчаки, йўлига ўз қаҳрамонининг **"моддий етишмовчилик бўлди, болаларни ёлгиз боқишига қийналдим"** деган фикрини айтиб ўтади. Демак, бу ҳикояда моҳиятан унчалик мухим эмас. Муаммо бошқа томонда: маънавий юпункликда, қалб изтиробида, руҳий исқанжада қолган онг талқинида, янгича реал ҳаёт, моддиюн дунё таъсирида эврилган онгида ҳаёт фалсафаси бадиий онг фалсафаси даражасига кўтарилиганида. Бир-бирига зид таълимотлар ("онг бирламчи" ёхуд "моддиюн дунё бирламчи" каби тушунчалар) бир-бири билан айқаш-уйқаш бўлиб кетаятими? Ҳудди шундай. Демак, таълимотлар ҳам моҳиятан ўзгаряпти.

Ёзувчи тасвирлаётган манбадан ҳаёт фалсафаси келиб чиқмас экан у оддий натуралист. "Келдикетди" қабилидаги асарларни ҳаётнинг реал тасвири сифатида қабул қилиш даври ўтгани шу биргина ҳикоя тимсолида аён бўлмаяптими.

Инсон амалга оширмоқчи бўлган ҳаракат ҳақидағи Фикр биринчи навбатда онгда туғилади (ҳақиқатан ҳам бу ҳаракат ўйлаб амалга оширилган бўлса), сўнг эса инсон руҳиятини эгаллади (Лайлонинг Жавоҳирдан ўч олиш нияти ва бу ният Лайло хоҳиши-иродасини эгаллаб олиши), онг ва руҳ "Фикр" билан қуролланиб бўлгандан сўнг қалб тизгинланади. (**"Ириб оқанини кўрмасам рози эмасман"** — мудҳиш тилакнинг билдириши). Мудҳиш ниятнинг амалга ошишининг биринчи босқичи Лайлога ҳеч бир таскин бермайди. Ҳатто ёзувчи ёзганидек локайдлик ҳам, хотиржамлик ҳам эмас, ўзининг, ўз ички оламининг нақадар паст, тубанилигини англаш моҳияти, ўзининг нақадар тубанлаш-

ганлигининг сабаби эса кейинроқ аён бўлади: “**аёлнинг кўзлари осмондай кўм-кўк эди. Шу дам гўё ўзимни кўзгуда кўргандай бўлдим**”. Аёлдаги болаларга хос беғуборлик Лайлого ўз қусурларини тушунишига ёрдам беради. Нима учун Жавоҳир уни тарк этганини англайди. Сўнгсиз армон юрагини қоплади.

Аёл келтирган хабар Лайло истагандек унга таскин бермайди. Жавоҳирга берилган жазода у ўзининг гунохини кўради.

“Сўнмас чўғ” ҳикоясини бадиий таҳлил қилас эканмиз, асарга хос бўлган ҳусусиятларни инкор этиш, унга хос бўлмаган жиҳатларни ёрлик каби ёпиштириш фикридан йирокмиз. Биз ҳикояни қандайдир бадиий мезонлар ўлчовида ҳам баҳолаганимиз йўқ. Ўзбек насли шу биргина ҳикоя тимсолида XX асрға янги эпкин олиб кираётганини, бу қандайдир қонуниятлардан ҳоли санъат руҳи эканлигини айтмоқчимиз, холос. Бу руҳда биз ҳали аниқлаб айтиб улгурмаган эстетик мезонлар уйғунлиги борки, бу янги ўзбек ёшлар насли янгиланиш, тикланиш, Уйғониш даврини ўз бошидан кечираётганини англатади.

Таҳлилни ҳикоядан қиссага йўналтирас эканмиз, бу мантиқий боғланиш ва юксалиш моҳиятини қайдаражада эканлигини айтиш мулоҳазаси ўзимизни ҳам ўйлантираётгани сир эмас.

Таҳлилга жалб қилинаётган икки асар А.Собиржоннинг “Юлдуз тўла осмон” ва Мұхандиснинг “Бегона шаҳарнинг намозшомлари” қиссалари. Биринчи қиссада олис ўтмиш воқеалари қаламга олинса, иккинчисида бугунги кунимиз, янги ўзбеклар мавзуси бадиий талқин қилинган.

“Юлдуз тўла осмон” қиссасининг бош қаҳрамони Дилмурод. Қарз эвазига ер-сувидан айрилган йигит шаҳарда Юнусбойга хизматга ёлланишга мажбур бўлади. Қисса билан танишар эканмиз, Дилмуроднинг тўғри сўзлиги, камбағал ночорлиги, яхши кунларга умид илинжида бойнинг барча шартларига кўниши, ҳатто муҳаббат мажаросида унинг бошига тушадиган синовлар истамаган ҳолимизда ҳам Ойбекнинг “Кутлуғ қон” романининг бош қаҳрамони Йўлчини хаёлимизга тушира беради. “Юлдуз тўла осмон” қиссаси анъанавий қиссанавислик йўлида ёзилгани учун ҳам анъанавий таҳлил услубига мурожаат қиласиз.

Қисса мазмунидан келиб чиқсан ҳолда айтишимиз мумкини, асардаги барча воқеалар Дилмуроднинг Юнусбойнинг қизи Ойсулувга кўнгил кўйинши ва унинг васлига етишиши арафасида кечади.

Қисса сюжетига олиб кирилган воқеалар (қарздор Дилмуроднинг қозихонага олиб келиниши, Юнусбой хизматига кириши, бойни қароқчилар кўлидан озод қилиши, бойнинг бебурдлиги оқибатида Дилмуроднинг зиндонбанд қилиниши ва унинг қароқчилар томонида озод қилиниши, Ойсулувнинг ўғирлаб кетилиши, қароқчилар ва навкарлар ўртасида жанг, Дилмуроднинг бойнинг қароли Жафъаралини ўз уйига олиб келиши) ёзувчи томонидан айланма курилиш услубида жойлаштирилган бўлиб, Дилмурод томонидан Ойсулувнинг ўғирлаб олиб кетилиши билан қисса бошланади. Ёзувчининг ушбу услугга мурожаат қилишидан мақсад битта — асар асосига қўйилган зиддият (конфликт)ни кучайтириш ва қиссанинг ўқишилилар даражасини ошириш. Қизнинг номаълум отликлар томонидан ўғирлаб кетилиши ва қолган воқеалар эса мантиқий тизимда

жойлаштирилиши китобхоннинг қиссага бўлган қизиқини бир мунча ортиурса-да, услуб сифатида ўзини оқламайди, негаки, ушбу эпизод айнан шу қисса қаҳрамонларига тааллуқли бўлиб, бир вақтнинг ўзида қиссани мутолаа қилиш давомида англаймизки, таҳлилнинг энг юқори нуқтаси айнан шу қиз ўғирлаш эпизоди ҳисобланади, аммо кейинги воқеалар ривожида шу эпизод билан мантиқий узвийлик етишмайди.

Қисса анча силлиқ, равон тилда ёзилган, аммо хотирангизда бирон ҳолат ёки бирон образ муҳрланиб қолмайди, негаки, яратилишидан олдин ёзувчи хаёлида шаклланиб улгурган бадиий тўқима чегараси бунга йўл кўймайди. Йигит ва қиз бир-бининг васлиги етиши, тинч, осуда ҳаётга эришиши, ёмонлар эса ўз жазосини олиши керак. Қиссадан келиб чиқадиган маъно шу. Аммо қиссада шундай бир эпизод борки, бу қиссадаги зиддиятлар кучайишини таъминлайдиган ва қиссадаги воқеалар ривожини ўз тизимида бўйсундирадиган эпизоддир. Бу Қилич қора сўзлаб берган чавақлаб ташланган ўғли ва ўз жонига қасд қилган аёл фожиаси, мана нима учун Қилич қора “ёвузлик” йўлини танлади, мана ким сабаб Дилмурод ниятига эришди.

Қиссага даҳлдор бўлган “оловли” нуқталарни биз четдан изламадик ва ўзимизча ўйлаб чиқармадик, фақат ёзувчи ўзи олиб кирган, аммо назаридан четда қолган тафсилотни эслатдик, холос.

Биз таҳлилга тортаётган иккича асар Мұхандиснинг “Бегона шаҳарнинг намозшомлари” қиссадидир. Қиссанинг бадиийлик савиясини таъминлайдиган ҳусусиятлардан бири — қиссанинг икки овозлилик асосида қурилгани бўлиб, бу икки овозлик қисса қаҳрамони Муродилланинг ички диалогидир. Ёзувчи қиссага олиб кирган мавзу “янги ўзбеклар” талқини. Қиссани мазмунан ижтимоий-маиший ёки психологик-фалсафий деб ҳам аташ мумкин, ҳатто детектив-авантюра услубларига ҳам қисман мурожаат этилган. Демак, қисса бир ёқламалик дараҗасидан йирок.

Ёзувчи кўллаган услубнинг аҳамиятли томони шундаки, таҳлил Муродилла томонидан олиб борилади. Аслида Муродилла ҳам ёзувчи асарга олиб кирган foя талқини учун хизмат қиладиган образ бўлса ҳам, ёзувчи ўзини четга олади, қиссадаги воқеалар тизимини бошқариш жиловини Муродилла кўлига тутади. Демак, образ сифатида Муродилла ёзувчи бадиий тўқимасининг маҳсулни бўлса ҳам, унинг ички психологик таҳлили, дунёқараши, одамларга бўлган муносабатида ёзувчи муносабатини эмас, қаҳрамон дунёқарашини англаймиз, қаҳрамон ўй-хаёли, фикри сифатида қабул қиласиз.

Қаҳрамон онгидаги шахсий худбинлиги оқибатида ниш урган баҳиллик, кўролмаслик иллати унинг ҳарактерини шакллантируви омилга айланади. Қаҳрамон ҳарактерининг мураккаб томони шундаки, у Алишернинг ҳаёт тарзида йўл кўйган хатолари ва қилган гуноҳлари жавобсиз қолганини кўради. Фақат асарнинг якунидагина Муродилла амалга оширган қабиҳлик аслида Алишернинг манман худбинлигидан келиб чиққанини англаймиз. Зотан Муродилла бир бўйраги йўқ Мусурмонни эсласада, Мусурмон учун бирон эзгулик қилганини кўрмаймиз. Ўзининг ҳатти-ҳаракатларини айнан бемор йигит хотираси билан хаспўшлаши эса унинг асл башарасини кўриш учун монелик қилмайди.

Шаҳар манзараларини тасвирлашда, инсон руҳий холатининг чизгиларини яратишда анча муваффакиятга эришган ёзувчи характер яратишда баъзан ишончсизликка йўл қўяди.

Бир мақола имконияти даражасида таҳлилни хикоядан қиссага, қиссадан роман жанрига йўналтирас эканмиз, эътиборимизни Тўхтамурод Рустамнинг "Капалаклар ўйини" романига қаратамиз.

"Капалаклар ўйини" романи мутоласи жараёнидаётқ ноанъанавий мураккаб талқин услуги на-моён бўла боради.

Эътироф этган ҳолда айтишимиз мумкин-ки, бунгига ўзбек китобхонининг ўқишилик даражаси кўпроқ оммавий адабиёт билан белгиланар экан, мураккаб модерн талқин услуги қийинчилик билан қабул қилинади, ёки аксинча қабул қилинмайди. Ушбу мулоҳазамизни "Капалаклар ўйини" романига нисбатан ҳам билдириш мумкин.

Модерн романининг ўзига хос хусусиятларидан бири шундаки, китобхон талқинга жалб этилган манбадан (вокеа тасвири, инсон тақдири ва ҳ.к.) четда кузатувчи бўлиб тура олмайди, беихтиёр роман ҳаётига синггиг кетади. Шунингдек, қаҳрамон онгида кечайтган эврилишлар бетизгинлиги роман стилистикасида узундан узок чўзилган таҳлил-абзац билан ифодаланади. Ҳатто бир абзац бир неча сахифани эгаллаши ҳам мумкин. Бундай стилистик баён услуги "Капалаклар ўйини"га ҳам хосдир.

"Капалаклар ўйини" бош қаҳрамони Бадал Армон онгида рўй берәётган эвришлар таъсирида "катарсис ҳолати" кузатилади. Маълумки, "катарсис" Арасту таълимотида "покланиш" маъносида кўлланилган. Мана шу катарсис-покланиш мантиқи модерн роман қаҳрамонлари ўзлари покланишга хосдир. Шу сабабдан ҳам "катарсис" модерн романни услубининг шакллантирувчи асосий бадиий компонент сифатида юзага келади.

"Капалаклар ўйини" романида вокеа-ходисалар талқини гарб модерн романларига баъзи бадиий услубий жиҳатлари билан яқин турса, вокеликка муносабатда ўзбек анонавий романларига яқин туради. Бирон тизимга асосланмаган модерн роман тузилиши "сюжетсиз" ҳолатда оптик асбоб кўринишидаги тасвирдек таассурот ўйфотса, Т.Рустам романга жалб қилган вокеалар назаримизда сувга томиб ёйилиб кетган сиёҳ тасвирини эслатади. Бу ҳол асло "Капалаклар ўйини" романини модерн роман поэтикаси моҳиятидан келиб чиқиб таҳлил қилишга монелик қilmайди, шу билан бирга ҳар бир романга хос индивидуалликни ҳам таъминлайди.

Шунингдек, роман қаҳрамони Бадал Армон онгида кечайтган хотиралар тизими қаҳрамонни гўё ҳар хил ҳолатлар, ҳар хил кайфиятда ҳам тушунишимиизга ёрдам беради. Модерн роман қаҳрамони бошидан ўтказадиган катарсис-покланиш Бадал Армон руҳиятида ҳам юз беради. Қаҳрамон онгининг эврилишиларида намоён бўлган дўсти Сардорнинг ўлимида айбордлик ҳисси Бадал Армон руҳан азоблайди, Сардорнинг фожеасини таҳлил килар экан, ўзини оқлаш учун важ-карсон изламайди, балким унинг ўзи айбловни ўзига қўяди. Сардор бор-йўғи ҳужжатсиз машина ҳайдашда айбланиди ва муқаррар жазога хукм килинди. Аммо Сардорни фожеага олиб келган сабаб ва моҳият ҳеч

ким томонидан ўрганилмайди, шу билан бирга ҳеч ким жазоланмайди. Бадалнинг айблови жиноят қай кўринишда бўлмасин жазосини олиши шарт деган мантиқни келтириб чиқаради.

Романдаги вокеалар талқини тизимида мутолаа жараёнида узвийлик йўқдай туюлади, аммо ўқиши жараёни қийин кечган роман тафсилотлари хаёлингизни чулғаб олади. Бадал Армон руҳий изтироблари китобхонни таъқиб эта бошлайди. Романда бир яқдил форя талқини эмас, форялар тизими мавжуд, аммо Бадал Армон хотираси чиғириғида таҳлил этилаётган вокеалар бари бир тугунда бирлашади-ку, деган мулоҳаза тарқ этмайди. Романга олиб кирилган, таҳлил этилаётган вокелик замирида қандайдир фожеа ётади. Ҳатто Бадалнинг отаси ҳам, онаси ҳам кўнгли бошқада бўлиб юриб, болалар (Ғолиб ва Бадал — З.П) улғайишганида туғилиб ўсган болалар ҳаётида, хаёлида рўй берәётган фожеалар сабаби анан шу муҳит таъсири эмасми.

Афғонистон фожеаси Қўчқор Норқобилнинг "Дарё ортидаги йиғиси"да, Ў.Хошимовнинг "Тушда кечган умрлари"да турли хил инсон ҳаёти, ўтмиши, ҳозири, келажаги фожеасида талқин этилса, "Капалаклар ўйини"да афғон фожеаси бошқа усулда талқин этилади: Кескир, шиддаткор, биз сўзли қатъиятли Ғолиб "фарзандсизлик" оқибатида муте бир шахсга айланади.

Бадал Армоннинг хотиралари, уларнинг таҳлили баёнида ҳар сафар муқаррар бир вокеа тафсiri келиб чиқади. Гўё эгасиз, сўровчиси йўқ Бадал "фарбона" ҳаёт тарзи кечириши-ю ўзбек қизларининг "тунги капалаклар"га айланishi замирида аччиқ реал ҳақиқат ётади.

Модерн йўналишида яратилган Т.Рустамнинг "Капалаклар ўйини" романини таҳлил этар эканмиз, модерн романининг манбаси ҳам аслида реал ҳаёт эканлигини англаймиз, ҳаётнинг фалсафий мушоҳадасига асосланган полифоник кўп овозлик моҳиятини психологик таҳлил меъёрига етказади.

Тўғри, "Капалаклар ўйини" романи поэтикасида бир мунча мавҳум фализзиклар мавжуд. Романда мантиқий таҳлил баъзан "модерн" йўналишига таассуб билан алмашинади. Нокерак тақрорлар роман моҳиятига факат салбий таъсир кўрсатади, холос. Модерн талқин услугига хос "бир бадиий нафас олишилик" абзацларда ёзувчи "нафаси" етмаётгани, абзац давомийлиги зўраки бўлаётгани сезилади.

"Капалаклар ўйини" романининг асл моҳияти шундаки, айнан шу роман орқали ўзбек романчилиги ноаънавий жанр йўналишида модерн талқин услугига бир мунча яқинлашган. Бу эса, табиийки, роман жанри тараққиётидаги ранг-баранглилини таъминлайди.

Янги адабий мезонлар таъсирида шаклланәётган янги ўзбек насрини хусусида сўз юритар эканмиз, модерн романни қаҳрамонларига хос катарсис бугунги кунда ўзбек наср бадиий оламида ҳам кечайтганига амин бўламиш.

**Зулфия ПАРДАЕВА,
Ўзбекистон Фанлар Академияси,
Алишер Навоий номидаги тил ва
Адабиёт институти докторанти.**

Гўзал БЕГИМ

юлдуз хурсиниги тул қичқириғи
кўзининг ичидаги кўзи бор

У баъзан қўғирчоқ мисоли
ўтиргиси келар тахмон устига
болалар ясаган қорбобо каби
қишини тўхтатгиси келар бир лаҳза

Кўзимнинг ёнидан
ҳар кун ўтиб кетар у қиз қайгадир
тўлқинланиб кетар мовий эртаклар

2000 й.

* * *

Нега йўлингизда гулламайман мен
кўлингизда очилаверар
одмигина кундалик гуллар

МЕН СЕВМОК ИСТАЙМАН

Декиз таъвужига...

ёки

Ёки чумчук овозига монанд бир фасл
ёки томчидаги учкур ҳаракат
ёки ёмғирга тушаётган аёлнинг акси
ёки учеб кетаётган сўзлар

Ёки сув

ёки сувдаги жароҳат
ёки сувга чўкиб кетган туйгулар
ёки денизнинг дениз ҳақидаги ўйи
ёки бармоқ изи кул остидаги

Ёки сабо

ёки сабонинг енгил кулгуси
ёки қозоз қавиётган бир қавм
ёки кўрпа остидаги иссиқ фикрлар
ёки изтиробнинг мия пўстлоғи

Ёки қуёш

ёки қуёш олдидаги мавхум табассум
ёки эшигимнинг қалин товуши
ёки томчи бўйлаб чопаётганлар
ёки ҳаводаги қўл ишораси

* * *

Кўзимнинг ёнида ухлаб ётибди
соchlари оқариб туғилган бир қиз
унинг ўйкусига йиги тирмашар
кор учкунлар кўзидаги мудом

Кўзининг ичидаги мусоғир ранглар
кўзининг ичидаги бош узилган дор

юрагингиз ёнидан ўтаркан
уйғониб кетмайди нега кўнглингиз

гуллар саралайсиз
нега қўлингизда гулламайман мен
нега бу бошимни силкисам
савол ёғилади қўлимга

чангиг ётар бир бўлак жоним
бу синиқ руҳимни чалганча
айтинг сизни ўйғотдим нега

1999 й.

* * *

Япроқнинг томири уриб турибди
менинг кулгум келар жуда ҳам
япроқ жимлигига соямни ташлаб

Оутгум келади ўз бошимни мен
даражатга суюниб турган кўлкамга
сен дараҳт эмассан дегим келади

Кейин бармоғимнинг хўрсинигида
лабларинг изини сақламоқ учун
қадимий сас келар тирноқларимдан

Менинг кулгум келар жуда ҳам
самонинг кўксига
соchlаримнинг соясин ташлаб

2001 й.

Шапалоқ тортади соямга мезон
ёмғир ёғар унинг устига
ва ниҳоят нам тутунлардан
соямнинг кўзлари ачишиб кетар

Майдагина қумурсқа
аввал сувратимга
сўнг соямга тишин уради
енгилгина кулсам
кулгумдан семира бошлар
чу-мо-ли

Денгиз бўйлаб чопар бир япроқ
кулгусида қиши ухлаяпти
табассуми оғир чайқалар
Денгиз бўйлаб чопар бир япроқ
ҳижронимдан таҳорат олиб
дил тогининг этакларида
кузга кетиб борар
бир Одам

2000 й.

2001 й.

* * *

Ёмғир ёғса сенга яқин бўламан
томчи ҳаяжони ҳамда кўзларинг
узайтириб тураг умримни

Соябон остида учрашдим сен-ла
тасвир орқасида шитирлаб секин
ёмғирнинг сувратин ушладим

Гулнинг ифорига термулдим
оламдаги жаъми жамликка
сенга қарагандай қарадим бу кеч

2000 й.

Кузга бораётган одам

1

Мен сенга етишга бораётган одам
вақтнинг устидаги қорларни кураб
йўл сўраб турибман йўлимда
қизлик уйим кузнинг титроғи
Кетяпман
Товонимнинг ёриғин ёриб
кетяпман
илдизида чатнайди руҳим
яшил денгиз устида чайлам
урилиб кетади куз ифорига

2

Ёздан қувилган майса
кўзларимга қарап ботинмай
аллақандай күшнинг
қадар кунидаги ним табассуми
кўзимдан кўзимга қазииди қабр

3

Йўл йўлга бошлади
фарқимни тўғрилаб
титроғимни денгизга отдим
Ортиқ буғижирлаш
ортиқ буғунғиллаш
ортиқ бу увиллаш
киргизимдан ўтмас мен сари

ЎТГАН КҮНЛАРГА АТАЛГАН ШЕЪРЛАР

1 Онамнинг кўлларига
келар эди ҳар йили баҳор
Баҳор бу йил қайдан бошланасан айт

2 Деразамни ҳар кун очиб қўяман
бир парча булатни
ӯчоққа ташлайман барибири

3 Онамнинг болалиги
деразамни чертган вақтида
қарадим кўзимдан ташқарига мен

4 Болалигим кечган соҳилда
хотирамни ювдим кун бўйи
Идилнинг паришон сувлари билан

5 Япроқлардан
баҳор келмадими дея сўрасам
лабимда кўз очар булоқлар

6 Энди мени ҳеч ким
шафтоли гулига бошлаб бормайди
Онамнинг кўзи билан

7 Онамнинг елкалари оша
қарагандим тунги осмонга
титраб кетди чексизлик

8 Ойнинг ўн беши қоронғу
дэйди Онам сирли жилмайиб
ботаётган кўнглим ичинда

9. Қамишзор ёнида
хассага суюндиқ онам иккимиз
жим ютиниб бокди булатлар

10. Онамнинг кўзларидан
келар эди бинафша ҳиди
тиклигандан ён атрофига

11. Кудуқнинг тубида
онамнинг тушлари ялтиллаб кетар
яхшиликка бўлсин дейди дараҳтлар
12. Онам тутган игна учида
бирлашади қум зарралари
чиганоқлар куйлайди сағиз
13. Кун кўрмаган Онам сочини
силкитаркан бойчечак ёди
хотирасин титдим шамолнинг
14. Денгизнинг тубида
кўринганда Онамнинг қизи
ёду кулаб кетди кўзимдан
15. Уйғонади кўлларим ҳар тун
хат йўллайман она тупроқса
Онам менинг соғ-омонми
16. Олис тонг ортида
Онам юзин чаяди тошга
ёнимда оқ қилинган қувончлар
17. Чирилдоқнинг оқиши ноласи
сайр этганда мунгли чайқалиб
гул ҳидини босдим кўзимга
18. Онам умр бўйи ибодат қилди
соғинч тўла кўзини
қадаб ёттанича осмонга
19. Синиб ётган дараҳт шохини
кўтарсан
Онамнинг нигоҳи тегди қўлимга
20. Девордаги сой сувратига
Онаммасми дея қарасам
шарқирайди сувнинг сояси
21. Шабнамнинг хаёлини
овутаркан бойчечак ёди
араванинг изи хўрсинди
22. Олча гули тўкилган кунда
одимлайди ёшлигим
Онамнинг кулгуси осилиб турар
23. Ҳовлимиznинг бир чеккасида
Онам тонгни ямаб ўтирас
қалтирайди қорачиқларим
24. Кучли аёл эди Онамнинг изи
ҳатто тонглар
ҳайиқади уни босишга
25. Қўзиқорин ҳасрати
куйлаб ўтди бир умр
кўнгли ажин кўрмаган Онам

26. Онамнинг қўйлагида
бала очар эди ҳар куни қайғу
еちなрди тонг
27. Зулматни пайпаслайман
Онам табассумини
ҳидлайман ойда
28. Онам ўқимаган китобнинг
бетларини очқилаб бир-бир
қайтиб кетди тонгги шабада
29. Йўнғичқа орасига
бекинганди гул ҳиди
Онамнинг алласи эшитилди
30. Мен севмоқ истайман
денгиз товушида Онамни
дунёдан ўтмай
31. Тасаввурим чайқалди сокин
бирор япроқ шивирламади
куз келади деб
32. Онамнинг кўлларини
тутсам эшитилди бирдан
дарёнинг шовуллаши
33. Ялпиз ҳиди поездга чиқиб
кетиб қолди олис юртларга
баҳор кунида
34. Эгилмаган гулнинг ҳидлари
пайпаслайди тунги хонами
Онам рўмол тўқиёди Ойга
35. Юрагимда энг оғир гулни
тутқазганда Онам қўлига
бирашади сув синиқлари
36. Умр бўйи уй қурди Онам
мажруҳ умидларни
кўтариб
37. Онамнинг тарофидан
тўкилганда олма гуллари
Онам қўй йиғлама деди дараҳтга
38. Ҳеч ким билмайдиган сўқмоқдан
кетар эдик Онам иккимиз
изимииздан чопди булатлар
39. Япроқларда
мавжланаркан улкан бир денгиз
Онам борми дея қарайман
40. Кўзимдаги учқур азобга
тасалли бераман гудраниб
Онам олис тонгни олиб қайтади



2001 й.





ИККИШ ИЗКУВАР

Кисса*



*Журнал варианти

Исмена ШЮМУРОЛОВ

Исмоил ШОМУРОДОВ

REVIEW — **ANSWER**

CONRAD WOOD

THE WOODWARD

KWIK KARP

GRANADA

THE CLOTHES LINE - **THE CLOTHES LINE**

10. The following is a list of the most common types of errors found in the field:

Зиёд ака билан бирга ишләётганимга унча күп бўлгани йўқ. Шунга қарамай, ўтган қисқа вақт ичидаги киши ўнгимда кал бўлиб бормокла.

Зиёд aka менинг бакрайиб қолғанимдан сал ҳадик-ландими, у ёғи-бу ёғига қараб олдию, шубҳали нарса-ни күрмагандан кейин күзларимнинг олдида кўллари-ни силкитди:

— Хей, ухлаб қолдингми, нима бало? Ёш бола шундай котиб қолса, меҳмон келади, дегич эди бизнинг қариялар. Шу ўтиришингда битта-яримтани чақириб ўтирма яна.

- Құзім очиқ-ку, – унинг түзсіз саволидан ҳайрон бўлиб, кўзларимни олайтирдим. – Ким айтади сизни опер, деб. Тузукроқ савол беришни ҳам билмайсиз. Умуман олганда, сочингиз нега бундай тўкилиб кета-япти?

Зиёд ака мавзунинг бу тарзда чаппа айланиб кетишини сира кутмаганди. Беихтиёр панжаларини тарок қилиб, сочларини таради. Мен эса ич ичимда шу ишни бекор қилди, хозир қолган сочлар ҳам қўлига илашиб, юлиниб кетади, деган хавотирга тушдим.

— Аҳмок сочлар, ақлли бошни тарқ этаяпти, — дея Устоз эски гапни кидли.

— Тескаримасмикин, деган хаёлга ҳам бориб қолади киши, — дедим мен тиржайиб.

— Хаммаси шампундан бўлса керак, — деди Устоз жиддий. — Эроннинг олма ҳиди келиб турадиган шампуни билан юваётгандим. Ўзимнинг ҳам назаримда кўп тўкилаётгандай туолганди... Сезиларлими?

— Бу нима деганингиз? Сезиларлими? Кўзни қамаштириб юбораяттику, саволингиз қизиқ. Айтишларига қараганда Москвада оркадаги сочларни олиб, пешонага ўтқазишашётганмиш. Яқинда бизгаям келиб қолса керак. Бу ишдан яхшигина пул ишлаб олиш мумкин, чунки бизда сизга ўхшаганлар жуда кўп. Тем более,

халқимизда каллик масхара ҳисобланади... Биласизми, бизда калларга песя гарагандай мумомала қилишади? Ўзиям бўлмаган нарса-да, бошнинг ялтираб юриши... Ёқимсиз.

Тилимнинг ёмонлигидан ҳар доим азият чекиб юраман. Ўйламай гапириб юбораман-да. Бўлмаса ҳозирги ниятим жуда холис эди. – Устозни кўнглига тасалли бермоқчидим. Бироқ ҳар 'доимигидай тескариси бўлиб чиқди. Охирги айтган гапларим унга чаён чаққандай таъсир қилди. Бир-икки сония нима дейишни билмай калавланиб турди. Уришмоқчи бўлса, ёпишмайди, чунки мен бу гапни шунчалар мулойим ва у кишига ачинаётгандек оҳангда айтгандимки, ниятим аслида нима эканини тушунолмай ҳам қолди.

- Жа унчалик эмас, - деди Зиёд ака ниҳоят бироз ўйланиб тургандан кейин. – Кўпинча каллик ақллиликни белгилайди. Кўп ўқиган, кўп билган кишининг бошидаги соchlари тўклиб кетади. Аҳмоқларнинг бошида жун кўп бўлади, деб эшитгандим бир машойихдан.

Унинг бу тарзда, безбетларча фикр юритиши менга сира ёқмади. Агар бу ёғини сўраб келадиган бўлсангиз, мен фирт аҳмок эканман-да? Унинг гапидан шундай хulosага келиш мумкин. Чунки сочим жуда куюқ. Ҳатто тараб ҳам бўлмайди, ҳала-хула тароқлар икки-уч кун ичида тишлилари тўклиб, синиб кетаверади. Бу одам жуда узокни кўзлаб, тагидан олиб гапиради. Бу билан менинг шаънимга тил теккизмоқчи, чамаси. Мен ҳам зўр бериб қофоз титкилаётгандай кўринишимига қарамай, хаёлан Устозга кучли зарба бериш учун калламнинг пучмоқларини ковлаштириб, чиройли гап қидира бошладим.

Устоз эса бироз нафасини ростлагач, нимадир ёдига тушдими, менга савол назари билан термулиб қолди:

- Орқадан олиб экишаётган экан, дедингми? Қизиқку. “Орқа” деганларининг маъноси кенг бўлса, айнан қаердан олишаркан? Бизга Олий Мактабда криминалистикадан дарс беришганида бошдаги соч билан бошқа жойлардаги жунларнинг шакллари бир-бирига мос тушмайди, дейишганди. Бирининг шаклси юмалок, бошқаси учбурчак, яна бири эса япалоқроқ бўларкан... Соч деганлари бошда буралиб турса қизик кўринса керак, а?.. Барibir суриштириб кўриш лозим экан.

Зиёд аканинг бу гаплари қизик, ўзининг бошида қолган тўртта сочи буралмай нима қилиб турибди экан? Одам деган ҳар-ҳар замонда ойнага қараб қўйгани дуруст экан-да. Билмадим, бу инсон эрталаб соқолини кўз юмб оладими.

Сездимки, илмий техник тараққиётнинг бу ютуғи Устозни қизиқтириб қолди. Лекин сочни айнан қайдан олиб экишлари хусусида аниқ бир тасаввурга эга эмасдим. Аслида бу гапни ўтган куни Содик деган бир милиционер боладан эшитгандим. Айтишига қараганда Москва телевидениеси ҳар куни реклама қилаётган эмиш. Менинг эса ижараҳонамда телевизор йўқ. Баҳтга қарши Устоз ҳам кўрмаган экан бу реклами. Қайдан ҳам кўрсинки, ҳар куни уйга ярим кечаси борса. Россия телевидениеси у ёқда турсин, хотинини ҳам ҳафтада бир марта кўрса керак (тўғри маънода, албатта). Бундан ташқари хотини рус тилини билмайди эмасми, русча кўрсатувларни умуман томоша қилмас экан. Шу сабаблар туфайли Зиёд аканинг бу саволи очиқ коладиган бўлди.

- Қайдан олиб экишларини билмадим. Менга айтган хабарчи, орқадан, деди. Бунинг маъноси нимани англатишини эса ўзингиз яхши билсангиз керак, деб ўйлайман. Лекин сочнинг бошда буралиб туриши хусусидаги фикрингиз нотўғри. Ана, бизнинг қишлоқда Ақтам жипала дегич бўларди. Сочи жингалак-жингалак.

Ҳеч ёмон кўринмаган. Ҳамма негрларнинг ҳам сочи буралиб кетган, аммо сизга ўҳшаб нолиб ётгани йўқ.

Устоз яна жимиб кетди. Ўтириволиб мулоҳазага берилганди. Бошида не ўйлар кечаетганидан хабарим бўлмади-ку, бироқ қошларини чимириб, кўзларини қисиб олаётганига қараганда унчалар ҳам ёқимли нарсалар хусусида хаёл қилаётгандга ўҳшамасди.

- Бўлмайди, - деди ниҳоят у. - Куюқ сочли бўлиб, айрим жойларга азоб бергандан кўра, мана шундай юраверган дуруст. Якинда қиши келади, ўтган или бир кепка олгандим. Ўшани кийиволаман, бошнинг каллиги ҳам билинмай кетади. Худди бундан йигирма йил аввал қандай бўлса, шундай тураверади.

— Йигирма йил бурун қандай эди? – бу мен учун қизиқ эди.

- Телпак кийиб юардим, – деди Устоз бамайлихотир. – Телпаккинанг теридан, энанг кўрқар эридан, деган гаплар худи ўша замонларда биздан қолган.

Бу одамни ўла қолсангиз шунга ўхшаш ҳалқ дононлигидан парчалар билади, деб хаёл қилмайсиз. Ўзим ҳам унинг бу шеъридан тахта бўлиб қолдим-ку. Лекин унинг дағалроқ ва беўшов овозига шеър жуда ёпишиб тушди. Оғзимнинг таноби қочиб, бироз мақтовга берилдим:

- Шоир бўлиб кетинг, эй. Бунақасини, ўлай агар, умрим бино бўлиб эшитмагандим. Раззоқ бованинг ҳам етти ухлаб тушига кирмаган бўлса керак бу гап. Яна бир қайтаринг... Жуда чиройли, мазмуни ҳам зўрга ўхшаяпти. Эт-бетда тост гапирганда қўшиб юборилса, ёпишиб қоларкан.

Менинг мақтовим Зиёд акага майдай ёқиб тушгани шундай кўриниб турарди – бироз бурнини жиририб, қувончдан илхайиб бораётган юзини буриштиришга ҳаракат қилардию иложи бўлмасди. Лаб курғур кулоқ томонга чўзилиб бормоқда эди. Устоз ўтириб қолган танноз қари қизлар каби лабини чўччайтириди:

- Мақол деганлари бир марта айтилади. Менинг карлар учун икки марта тақрорлаб ўтирадиган одатим йўқ. Бундан кейин мен бир нарса деганда дикқат билан эшитиб ўтира ва тезда ёзиб олишга ҳаракат қил, кейин армонда қолиб юрмайсан...

Индамадим. Ўзимни хафа бўлган кўрсатиб қовоқни уйиб, ўтиравердим. Одамнинг икки оғиз гапдан дарров бурни кўтарилиб кетгани ёмон-да. Зиёд аканинг эса туриб-туриб, яна мақтов эшитгиси келиб қолди чамаси, секингина томоқ қириб, менинг дикқатимни ўзига тортомоқчи бўлди. Мен эса унинг ниятини яхши англаб турганим сабабли ҳам тўмтайганча қофоз титкилаб ўтиравердим. Устоз ўрнидан қимирлади, бўлавермагач, ўрнидан туриб, тап-тап қилганча хона бўйлаб у ёқдан бу ёққа юра бошлади, кейин ерда ўтган йигмажилларни йигишириди. Без бўлганча калламни кўтартмай ўтиравердим. Биламанки, Устозга кўзим тушиб, кулиб юбораман. Унда менинг хафа бўлганим қайда қолади.

Билиб турибман, Зиёд аканинг ёдига яна бир мақол келиб қолди ва ҳозир шуни айтиб, мақтаниб олмоқчи. Менинг бу тарзда эътиборсиз ўтираверишим эса унинг жинини қўзғай бошлади. Йўтали борган сари баландлаётганига қарамай, ўзгариш бўлмайтганди.

- Ишимда унум, кетимда қўним йўқ, деган гапни эшитганмисан? – деди ниҳоят Зиёд ака чидаб туролмай. Уни боядан бўён қийнаб турган гап шу экан.

- Тўйда кетим тўхтамас, ҳеч ким мени мақтамас, деганини эшитганман, – дедим мен совуқконлик билан.

Шу билан унинг бу орқали нима демокчи бўлганини ҳам англомадим. Назаримда у мендан яна мақтов кутаётганди, лекин уни эшитмагач, бироз довдиради.

- Лекин сен айтганингнинг маъноси бошқа, — деди Устоз ўзини ўнглаб олишга ҳаракат қилиб. — Мен айтганим бутунлай ўзга масала. Мен боғдан, сен тоғдан деганларидай.

Демак, Устоз ўзи эшитган қайдаги бўлар-бўлмас гаплар билан менга хужум қилмоқда эди. Бўш келмадим:

- Кал, кал – какиён, хүрэс билан макиён, деган гап-ни эшитгэнмисиз? – дедим мен ҳам хаёлимга келиб турган биринч гапни қайтармай.

Зиёд аканинг афт-ангари ўзгарди. Ўзимнинг ҳамтилим ёмон, бўлмаса айни пайтда шуни айтиш керакмиди? Фирт ахмокона чиқди. Аммо бўлар иш бўлиб, бўёғи синганди. Энди бу ёғига мардона туриб, ўзими химоя қилиш имкони лозим эди, холос.

- Ё сен эсингни еб қўйгансан, ёки атайлаб менинг жигимга тегаяпсанки, бунинг остида қандайдир ғайри мақсадинг бор. – Устоз бу сафар ростакамига ранжи-ди.

- Караб туриб, ҳайрон қоламан, эй, – дедим ниҳоят тиржайиб. – Сиз мақол айтдингиз, мен жавоб қайтардим, икки ўртада яна қандай файир мақсад бўлиши мумкин? Бирпасда велвит иштонга ўхшаб ёнингиздан ўтган барча нарсани ўзингизга тортаверасиз. Тузук-роқ ҳазиллашиб ҳам бўлмайди.

Зиёд аканинг тишлари газиллаб кетганини англаб қолдим. Назаримда унга ўзини иштонга ўхшатганим ёкмаганди. Яна ўша – гап танлашдаги бефаросатлигим панд берди. Шу ерда иштон эмас, кўйлак дейиш керак экан, чамаси. Сих ҳам куймасди, кабоб ҳам.

Бу дилкаш сұхбатнинг оқибытты нима билан тугасы мүмкін экан, деб ўзимча тамин қилип турғанимда, рақам тергичи йўк, ички телефонимиз жиринглаб қолди. Бундан қаттік чўчиб тушиш баробаринда, роса хурсанд ҳам бўлдим. Энди ўзимни оқлаб ўтирасам ҳам бўларди. Бу хойнаҳой навбатчи. Тадбирга чиқиш вакти етиб келган бўлса керак.

Зиёд ака бу күнгироқни мендан-да интизорлик билан кутуб ўтирган экан. Ток ургандек ўрнидан сапчиб туриб кетди. Гүшакни күтартганди, у ёқдан кимдир нимадир дедио, бундан мен бехабар қолдим. Устоз ёнидаги түппончасини түғрилаганча, эшикка томон юрди. Унинг бу ҳолати кишини йигирма йил қамокда ўтирган киши озодликка чиқиш түғрисидаги хабарни эшитиб, мана шундай кувонч ва тезлик билан ҳаракат қылса керак, деган хулоса чиқаришга ундейди. Мен нима қилишимни билмаганим ҳолда, бироз ўртада какқайиб турғач, Устознинг кетидан эргашдим. Ўзга чора йўк.

一〇六

Ез оеклаб бораётган пайтлар. Энди ҳаво илгаригидек қызитмас, қүёшнинг илик нурлари кишига ўзгача хузур бағышларди. Беихтиёр ташқарига чиқиб, офтобнинг кўзига ўтириб олгинг келади. Енги калта кўйлаклар узўни билан алмаштирилган. Бунинг натижасида Зиёд аканинг маймунницидан сал беҳроқ бўлган кўллари, унинг жунлари кўздан панада қолганди. Ўзиям узун енгнинг ичидаги жунлар баданни роса қичитса керакда. Устознинг кўтириб бўлиб кетмагани қизиқ. Орқасидан эргашиб борар эканман, беихтиёр калламга шубеттуруқ ўй келди.

Устозни пастда, навбатчилик қисманинг ёнида узун, ялтур-юлтур қилиб турган күйлак кийган, ўрта ўшлардан каттароқ, бир пайтлар жуда гўзал бўлган, эндиликда бироз буришиб қолган юзларига зўр бериб ула чапланган, иягининг иккинчи қавати билинар-билинмас бўлиб кўриниб қолган бир жувон кутиб турган экан. У Зиёд акани кутаётганини дастлаб хаёлимга келтирганим йўқ. Устознинг ўзи-да буни билмаган, чамаси, жу-

воннинг ёнидан ўтиб, навбатчилик хонасига кирди. Мен ундан ўн одимча орқада қолиб, эргашиб борардим. Ичимда уни бекорга хафа килдим, энди уч кун аразлаб юрадиган бўлса ким билан гаплашаман, зерикиб ўлиб қолмасам гўргайди, деб ўзимни койиб бормоқда эдим.

Зиёд ака тезда орқасига қайтиб чиқкан эди, мен унга рўпара келиб қолдим. У индамай ёнимдан ўтиб кетиб, ялтур-юлтур қилиб турган жувонга томон юрди ва ундан сўради:

-Сиз сўраб келганмидингиз мени?

-Зиёд ака деганлари сиз бўлсангиз керак, а? Менга ёнида ёш йигитча ҳам бўлади, дейишганди? – Жувон ерга қаради. – Сизларга бир иш бор эди, агар рози бўлсаларингиз...

-Қанака иш экан? - Зиёд aka мен томонга бир ола-
қараш қилиб олғандан сүнг ундан сүради.

Бу пайтда менинг ҳам номим қайд этилмаган бўлишига қарамай, эслаб ўтишганларидан бурним бир пофона кўтарилиб, тўрт одим нарида энди бу ёғи нима бўлар экан, деган хавотир билан серрайиб турардим.

-Бу ерда, ҳамманинг кўз ўнгида айтадиган гап эмас-да... – жувон у ён-бу ёнига қараб олгач, кўзларини мъя-ноли кисиб кўйди.

Унинг бу гапидан Зиёд аканинг юраги ҳапқириб кетди, чамаси, кўзларини яширишга жой тополмай қолди. Назаримда кўнглимда кечган ўйларни улар билдириб кўшиши мумкин, деган хавотирга тушиб қолганди. Устоз орқасига ўғирилиб, менга кўзи тушди ва “кўрдингми, жулдирвоки, мени қандай аёллар сўраб келишади?” дегандай килиб калласини баландроқ кўтарди. Унинг бу мағрурлиги менинг шаънимга текканди, шарт орқамга бурилдиму, хонага чиқиб кетдим. Тўғри-да, серрайиб турган билан бир фойдаси бўлмаса, ҳолбуки Устознинг исми ёнида мен ҳам эслаб ўтилган бўлишимга қарамай, Зиёд ака мени сухбатга яқин ҳам йўлатмокчи эмасга ўхшайди. Шундай бир ҳолатда етим кўзига ўхшаб, бакрайиб тураверган билан бирор бу ёққа ўт демаса.

Хонада ўтирган эдим, орадан унча күп ўтмай, тиржайганча, орқасидан бояги жувонни эргаштириб Зиёдаканинг ўзи хам келиб қолди:

- Келаверинг, шу ер холироқ, бемалол гаплашиб олиш мүмкін... Лекин хонанинг ахволига унча эътибор беравермайсиз, фаррошимиз уч йиллик таътилга чиқиб кетган. Шундан бүён йигиштирилгани йўқ. Бунинг устига кунига ўн-ўн беш жиноятчи келиб кетади. Уларни эса биласиз-ку, қанақа халқлигини, маданиятнинг даражаси канлайдигини.

Устоз шу ерга келгандан кейингина гапининг мазмунини ўйлаб кўрди, шекилли, бирдан жимиб қолди. Орқасини тўғрилаб юбор, деган илинж билан менга қаради, мен эса аразлаб ўтирган эмасманми, тескари қараб олдим. Жувон оstonада ичкарига киришини ҳам, кирмасини ҳам билолмай қотиб турарди.

- Кираверинг, - деди нихоят Устоз ўзига келиб, назаримда унинг калласига олдинги гапини текислайдиган яна бирор-бир бетайин фикр келиб қолган бўлса керак. – Кўп жиноятчи келади, деганимга хавотир олманг, сизга ўхшаган яхши инсонлар ҳам келиб туради. Ҳар хил масалаларда ёрдам кутишади-да бизлардан... Ўтиринг.

Устоз құллари билан менинг рўпарамдаги латтаси йиртилиб кетган, зўрға илашиб турган стулни кўрсатиб, ўзининг – тўрда кўндаланг қилиб қўйилган столининг ортига бориб ўрнашди. Жувон эса оҳори тўкилмаган, қиматбаҳо кўйлаклари билан бизнинг манави стулимизга ўтиришни хушламаётганди. Бироз тараддуздланиб қолди. Бирор нарса деса керак, деган умид

билан мен томонга қаради.

- Ўтираверинг, ҳеч хавотир олманг, — дедим мен ҳам жувонга тасали беріб, - Агар қимирламай ўтирадиган бўлсангиз, сочилиб кетмайди. Бу аслида жиноятчилар учун кўйилган стул — бирор қалтис ҳаракат қилдими, мушти бизнинг башарамизга етиб келгунича ўзи йиқилиб тушади... Ҳаммаси ҳисобланган.

Менинг бу оҳангда гапиришим Устознинг ғашини келтирди. Бурнини жийирди:

- Танишинг, бу менинг шогирдим. Бироз қанкувроқ бўлишига қарамай, яхшилаб уқтирилса гапни тушунади. Бунинг олдида ҳар қандай изкувар номаъкул еб қолади.

Устоз бу гапни шубҳасиз менинг шаънимга тегиш учун айтгандио, айни пайтда унга ётироz ҳам билдириб бўлмасди. У кесатиқ оҳангидага гапирган бўлишига қарамай, мазмунан қайсиdir маънода мени мақтаётганди-да. Шу сабабли ўзимга ўзим: ке, бир сафар индамай кўя қол деганча, нафасимни ичимга ютдим. Бугун ё Устоз ёки мен чап ёнимиз билан туриб келган бўлсак керак, ҳеч гапимиз қовушмаяпти. Мен нима демайин, у киши инкор қилади, унинг гаплари эса менга чаён чаққандай таъсир қилаяпти.

Аслида Устоз иккаламиз деярли ҳеч қачон бир хил фикрламаганмиз, ҳар доим бир-биримизга қарши бориб, инкор этиб юрамиз. Лекин бу кўпинча хизмат юзасидан бўларди.

Жувон бошқа иложи йўқлигини англаб, эҳтиёткорлик билан ўтириди. Стул бир фижирлаб олганини айтмаганда, деярли шубҳали ҳолатлар кузатилмади ва оғир оқибатлар келиб чиқмади. Бундан мен бироз хафаям бўлдим, Зиёд aka эса севинди. Аёл кимга қараб гапириши билмай қолди. Устоз тўрга чиқиб ўтириб олган бўлишига қарамай, мен унга шундай рўпара бўлиб турардим. Унга қараб гапирай деса, менинг қирғий бурнимдан ўтиб кетолмаяпти, чамаси.

- Гапиринг, - деди Устоз ўртага тушган совук сукупнатни бузиб. - Бизга қандай хизмат бор. Арзингизни қоғозга ёзиб келдингизми, ёки шу ерда битасизми?

- Мен, умуман, шахсий масалада, — деди жувон Зиёд акага ўғирилиб. - Ўйлайманки, мен айтадиган гаплар шу ерда қолади ва эримнинг қулогига етиб бормайди...

Устознинг юзида ҳайрат аломатлари кўринди. Унинг эр ва хотин ўртасига тушадиган одати йўқ эди ва бу ишни дунёдаги энг жирканч ва ифлос ишлардан бири ҳисобларди.

- Гап ўзаро жанжаллар хусусида кетадиган бўлса, адашдингиз, — деди Зиёд aka ҳафсаласи пир бўлиб. - Биз загса ишламаймиз, оиласи масалаларни кўриб чиқадиган судялар ҳам эмасмиз. Бизнинг ишимиш фақат жиноятни қидириш, топиш, жиноятчини ушлаш.

- Менга ҳам айнан шу нарса керак-да, — жувонни иши орқага томон кетиб қолиши мумкинлиги хушёрлантириди. - Аслида бу масала, жуда нозик масала. Сизларга мурожаат қилишимни эса дугонам айтди, Турсуной деган, билсангиз керак. Бир марта унинг ўйида ўғирлик бўлганда топиб берган экансизлар. Оғиздан бол томиб мақтади. Айтдики, шулар иккиси, - жувон мен томонга ҳам ишора қилиб кўйди, — ҳар қандай жиноятчини бир деганда топиб беради...

-Ха-а, - деди Зиёд aka чўзиб, — гап жиноятчи хусусида боради дэнг, бу бошқа масала. Ёрдам берамиз, кўлдан келганча. Албатта.

Сезиб турибман мақтос унга ёғдай ёкиб тушаяпти. Умуман, бу нарса менга таъсир қилмади, дейиш ҳам ёлғон бўларди. Юрагим бирозгина ҳалқириб олди, холос.

- Аслини олганда, жиноятчи хусусида ҳам эмас... —

Жувон бироз ўйланиб қолди. - Лекин шундай деса ҳам бўлади... Мени ҳам тушунишларингизни истайман... Қолаверса, милиция ходимлари ёрдам сўраб келгандарнинг кўкрагидан итармаслиги керак-ку.

Мен Зиёд акага, Зиёд aka жувоннинг ҳаяжондан кўтарилиб тушаётган кўкрагига термулганча, унинг мақсади нима эканини тушунолмай гаранг бўлиб ўтирадик. Иккаламизнинг ўртамиздаги бояги совуқонлик худди сув билан ювиб ташлангандек ўз-ўзидан йўқолиб кетганди. Аёл эса ниманидир айтмоқчи бўлардио, нимадир гапиришга ҳалақит берив турарди. Пули йўқ пиёниста дўкон атрофида гирдикапалак бўлгани каби мавзунинг тегарасида ўралашганича, мақсадга кўчолмай турарди.

- Агар сизга милициянинг ёрдами керак бўлса, маҳрамат, навбатчилик қисмига тушиб, ариза ёзинг, бемалол ёрдам берамиз, - деди ниҳоят Зиёд aka.

- Сизлар мени тушунмаяпсизлар, - деди жувон. - Менинг илтимосим бирор жойда қайд этилишини истамай турибман. Эл-юртчилик, бирор эшитиб қолса уят бўлади.

Унинг бу гаплари қизиқишимизни ошириб юборди. Иккаламиз ҳам башарамизда савол аломатини ифодалаб, жувонга бақрайиб қолдик. Жувон ўнғайсизланди:

- Исимим Замира... Эрим "юрадиган" чиқиб қолди...

Жувон шу гапларни айтдио, елкасидан тоғ ағдарилигандай енгил тортиди ва "уфф" деб юборди. Билсам, у қийналиб айтольмай ўтирган масала шугина экан, холос. Шуям муаммо бўлдио.

- Эй, - деб юборди Зиёд aka ҳам беихтиёр. - Шунга куйиниб ётибсизми? Кетиб қолган бўлса, агар унчалар зуғум ўтказиб юбормаган бўлсангиз, бир куни қайтиб келади. Куйиниб ётиш шарт эмас... Бизлар фақат жиноятлар билан шуғулланамиз. Одам ўлдириш, машина олиб қочиш, деганга ўхаша. Эрнинг "юриши" ҳозирча жиноят кодексига киритилгани йўқ. Шунинг учун бу нарсага бурнимизни сукмаймиз. Бизга ўз бурнимиз қадрлироқ. Шундайми, Олим?

Унинг бу шаъмаси нотўғри бўлди. Менинг бурним катталигини шусиз ҳам жувон жуда яхши кўриб, сезиб турганди.

- Тўғри, - дедим мен ҳам ўйлаб ўтирамай. - Сочларимизни битталаб юлиб олмасинлар, деймиз-да.

Зиёд aka тескари қаради, унинг бу ҳаракатидан сенга гапирган менинг ўзим аҳмок деган маънони англаш мумкин эди. Жуда тўғри, дедим ичимда.

- Сиз тушунмадингиз, — деди жувон — Мен сизлардан милиция ходимлари, мутахассислар сифатида кўмак сўрайлман.

- Шундай қилиб эрим юради, дейсизми? — деди Зиёд aka, унинг кўнглида негадир ушбу ишга қизиқиши ўйона бошлаганди. - Биздан сўраган ёрдамингиз нималардан иборат бўлади? Бу қанақа иш?

-Буни иш демаса ҳам бўлади. - Замира опа овозига сирлилик тусини бағишлиб, шипшиб гапини давом эттириди. - Айтдим, эрим "юриб" кетди... Шуни аниқлаш керак...

- Нимани?! — беихтиёр менинг оғзимдан шу савол чиқиб кетди.

-Юришини-да. - Замира опанинг ҳайратланиб берган жавобидан саволим аслида ноўрин бўлганини англадим.

- Ким билан юришини аниқлаб беришимиз керакми? — ўзининг саволи билан Зиёд aka ўртага аниқлик киритиди.

-Нафакат ким билан, балки, қайда, қачонлар бўлишларини, шунингдек ўша қанжиқнинг, кечираисизлар, кимлиги, қайда яшашини ҳам билиб беришларингиз ке-



рак.

Жувоннинг буйруқ оҳангидаги гаплари Зиёд аканнинг иззат-нафсига тегди:

-Кечирасиз-ку, буларнинг барчаси бировнинг шахсий ҳаётига аралашиш эмасми, сизнингча? Бунга эса бизнинг ҳаққимиз йўқ. Бунақанги шубҳали ишларга аралашиб юришимизга бошлиғимиз ҳам сира рози бўлмайди.

-Қанақа милисасизлар ўзи, - жувоннинг бироз жаҳли чиққандай бўлди. - Дангал гап қилмайсизларми? Мен сизларга ҳеч ким билмасин, десам, бошлиғимиз, дейсиз. Агар эримни қамаш керак бўлганда эди, мен сизлардан ёрдам сўраб ўтиргаган бўлардим. Менга чин инсон сифатида тушуниб, яқиндан ёрдам берадиган изқуварлар лозим. Тушундингизми?

Жувоннинг бу тарзда осмондан келиши менинг жигимга теккан бўлишига қарамай ўзимни босдим. Қарамас бу гаплар Устозга унчалар ҳам таъсир қилаётгани йўқ. Унинг хәёлини нимадир ўтиргаган кўринади – оғир ўйга чўмган, назаримда ўзи билан ўзи курашмоқда.

-Эрингиз нима билан шуғулланади? – сўради Зиёд ака. - Агар “юрадиган” одат чиқарган бўлса, демак бирор-бир жиноятга аралашиб қолгандир-да?

-Билмадим. - Замира опа дадилланди. - Эримнинг топиш-тутиши яхшиланиб қолганди кейинги пайтларди.

-Эрингиз пулни қайдан олади? – Зиёд ака ўзининг оператив ходимлигидан барибир чиқиб кетолмайди.

-У кишининг пулни қандай қилиб топишларидан ха-барим йўқ.

-Хим-м, - деди Зиёд ака ва бошини чангллаганича жимиб қолди, бироздан сўнг хириллаган овозда кўшиб қўйди: - Жуда оғир ва нозик вазият... Ҳали бунақасига дуч келган эмасдим... Дабдурустдан нима дейишингни ҳам билмайсан, киши... Олим, бу борада сенинг фикринг қандай? Ҳар ҳолда бир ўзим киришмайман-ку бу ишга?

Тўғрисини айтганда ҳайрон бўлиб тургандим. Бир томондан бунақа ножиддий ишлар билан шуғуланиш уят. Иккинчи томондан эса ишнинг қизиқарлилиги ва унга бирозгина романтиканинг аралашгани эди. Қачонлардан буён ўғриликлар хусусида ахборот йиғавериб, зерикиб қолгандик.

-Менимча, - дедим ўзимни сипо тутишга ва тиржайиб қўймасликка ҳаракат қилиб, - опага ёрдам бериши керак... Шундай оғир пайтларда кишини ёлғиз ташлаб қўйиш яхши милиция ходимининг иши эмас.

-Демак бундай, - Устоз менинг розилигимдан севиниб кетиб, жувонга мурожаат қилди. - Бизнинг бир шартимиз бўлади: сизга барча ахборотларни аник, лўнда ва ишончли қилиб тўплаб берамиз ва бу хусусида ҳеч қаерда миқ этиб оғиз очмайсиз... Бизларнинг ҳам жонимиз битта. Кейин, эрингизнинг жазмани билан, агар шунақаси ростдан ҳам мавжуд бўлса, жанжаллашиб ётмайсиз. Яна унинг сочинию юзини юлиб, майиб қилиб қўйсангиз, гапничувалаштирадиганлар топилиб қолади, бунинг эса оқибати яхшилик билан тугамайди. Шунга розимисиз?

-Албатта! - жувон хурсанд бўлиб кетди.

Келишув шу тарзда амалга оширилиб, Замира опанинг эри хусусидаги маълумотларни бизга билдириши билан якун топди. Биз ҳар эҳтимолга қарши унинг ўзи хусусида ҳам айrim нарсаларни сўраб, суриштириб олдик.

-Оқаҳон, сиз адашмасам эски оперлардан эдингиз-ку, “қонун ва буйруқ талблари барча нарсадан улуф!” дейдиганлардан. - Замира опа чиқиб кетиши биланоқ

Зиёд акага кесатиқ қилдим.

-Биринчидан мен ҳеч қаҷон сенга бунақа деб мақтамаганман. Сен бу сассиқ гаплар билан менинг шаънимга тегаяпсан. Иккинчидан, ушбу ишни боягина ўзинг маъкулладинг. Учинчидан эса бир нарсани билмасдан, валдираб ётаверишнинг оқибати яхшиликка олиб келмайди. Менинг болаликда бир кучугум бўлгич эди. Шарик деган. Худди шу жонивор ҳам айримларга ўхшаб бир нарсани фаҳмига чукур етиб олмасдан, вакилаб ётарди. Оқибати нима бўлди, де?

-Хўш, нима бўлди?

-Ўша менинг севимли, бироз лақироқ кучугум - Шарик машинанинг аслида нима эканини фаҳмига етмай, уларнинг орқасидан қувиб юрарди. ГАЗ-51 деган юқ машиналари бўларди у замонларда. Тумшуғи сенинг бурнингга ўхшаб ўткир бўлгич эди. Кучугум машиналарнинг гизиллаб кетиб қолишини уларнинг кўркоклигидан, деган хулосага бориб қолганди ва бир куни ўша - бурни узун ГАЗ-51 автомашнасига олдиндан хужум қилмоқчи бўлибди. Оқибатини эса ўзинг фаҳмлаб турган бўлсанг керак, агар шу нарсадан озроққина бўлса.

Устознинг менга айтмоқчи бўлган гапларини жуда яхши тушунганимга қарамай, бақрайиб, юзимни савол белгиси каби буриштириб қараб туравердим. Зиёд ака “шундай...” деб сўзига якун ясагандан кейин ҳам менинг афтимда ўзгариш бўлмаганини, ҳиссиз термулиб ўтирганимни кўриб, каловланди. У ўзича қойиллатиб қўйдим бу жулдирвоқини, ҳозир терлаб-пишиб менга ташланиб қолади, деган ўйда эди. Жинни эмасман, орадан ўтган қисқа, аммо анча сергалва вақт ичida унинг хусусиятларини жуда яхши ўзлаштириб олгандим. Ҳозир яна уч дақиқага чидаб беролсан, ўзининг юраги торс ёрилиб кетишини аниқ биламан.

-Нега буқага келган бақага ўхшаб бақрайиб қолдинг?

-Устоз ҳикоясидан кутилган натижка чиқмаганини ҳис қилиб ва бундан ўнгайсизланиб, ўзини йўқота бошлади. - Ёқмаган бўлса айт, бундай эмас, мана бундай де. Бўлмаса бунақа, менга тегиб сен куруқ қолгандай олайишингни бас қил.

-Кизиқсиз-да, - дедим ниҳоят бундан ортиқ ўзимни ҳиссиз қилиб кўрсата олмаслигини сезиб колганимдан кейин. - Бир қараса туппа-тузук ходимсиз, яна бир қараса ким билади, аллақандай кучуклар, машиналар ҳақида чўпчаклар тўқиб, ёш болага ўхшаб қоласиз...

-Бердисини айтганча уриб ўлдирма-да, сен ҳам. - Устоз ўзига келиб, баланд овозда гапирди. - Сен ўйла-япсанки, мен анави аёлнинг чиройига, чиройли кўзла-рига учиб унинг шартларига кўндум. Бекорларни айтиссан.

У шундай деганча кўлларини мушт қилиб, калласига урди. Ундан аллақандай бўғиқ тўқиллаган овоз чиқди:

-Каллани ишлатиш керак, каллани. Чирой нишолда бўлса экан, нон ботириб есанг. - Устоз ҳазил қилмоқчи бўлганди, фиштдай буришган башарасига ярашмади. Жиддийлашди. - Эркак, хотинни иккита қилдими, жиноят билан шуғуланиб юрибди. Ҳозирги кунда ким ҳам кетмон чопиб, заводда ишлаб, хотинни иккита қилади, деб ўйлайсан? Демак бориб турган жиноятчи. Лекин у бизнинг қора рўйхатимизда йўқ. Демак янги жиноятчилардан, ёки усталик билан бизнинг таъсир доирасидан чиқиб кетаётган туллаклардан. Бизнинг таҳминлар тўғри келмай қолган тақдирда ҳам, унинг иккита хотин олишининг ўзиёқ жиноят, шуни биласанми? Шундай экан, уни кўлга олиш учун энг аввало ён атрофидан ишончли вакиллар топишмиз лозим бўлади. Бундай одам эса ўз оёғи билан келиб турибди

Агар аёлга ҳозир рад жавобини бериб юборганимизда битмас-тұғанмас гунохға қолиб кеттән бўлардик, тушундингми? Ўйлайсанки, Зиёд аканг арзимаган нафс ёки кўнгил учун аёлларга хизмат қилишга кўниб ўтирадиди? Асло. Мана кўрасан, аслида улар мен учун хизмат килади.

Устознинг бу гаплари мени чўчитиб кўйди. Касбим оператив ходимлик ва жиноятчиларни тутиш бўлишига қарамай, аёлга, унинг эрига раҳмим кела бошлади. Мен учун Устоз айни пайтда, жувоннинг ожизлигидан фойдаланиб, унинг эрини қамоққа тикиб кўядиган ёвуздай кўринди. Жувон ҳам биздан ёрдам сўрагани учун мингдан минг пушаймонлар қилса керак, кейинчалик.

Лекин, боя, Замира опа билан суҳбатлашаётган пайтимизда Устозга эътибор бергандим, лаб-лунжи тортишиб, кулоғи томонга кетиб қолгандай бўлаётуди. Кўнғир тусли, офтобда ялтиллаб турган сочини калта – эркакча қилиб олдирган, ингичка лабли, бироз қизғиш, юмалоқ юзли бу жувоннинг қай томонлари Устозга ёқаётганини тушунмагандим. Аммо тан олишим лозим, мен аксарият ҳоларда чиройли аёлларнинг фарқига бир қарашданоқ етавермайман. Илк кўрганда, дастлаб жувоннинг иккинчи ияигига кўзим тушганди. Кўлинча қиз-жувонларни икки-уч марта кўрганимдан сўнггина ёқтириб қоламан. Буларнинг барчаси менда оператив кобилиятнинг, хотиранинг пастлиги сабабли бўлса керак. Аммо бу айбимни бирорларга билдирамасликка ҳаракат қиласи, чунки ҳар икки-уч йилда бир марта бизда навбатдан ташқари шаҳодатлаш, деган тадбирни бошлаб қолишади, ўшандай пайтларда, агар кадрдагилар менинг оператив хотирам пастлигини билиб қолишгудай бўлишса, тавсифномага киритиб юбоишлари мумкин ва бу билан ишни расво қилишади, мен қайдасан қўриқлаш хизмати деб, жўнаб қоламан.

Зиёд ака жиноятчилик хусусида гапираётган бўлишига қарамай, унинг кўзлари бошқача бир тарзда ловиллаб турганини сездим. Уларнинг бу тарзда ўйлаши нимани англатишини ҳозирча ўнглаб етмаган бўлишигага қарамай, бунинг хизмат вазифамизга сира алоқаси ўйклигини ички бир туйғу билан ўнглаб турардим. Чунки кишининг кўзлари хизматга алоқадор ишларни бажариш чоғида бу қадар ярақлаб кетмайди. Ўйнамайди ҳам.

-Бу, кўнгилда бошқа нарса яширинми, дейман? – сўрадим сирли кулиш қилиб.

-Кўнгилни ишга нима алоқаси бор экан? – Устоз бироз ўзини ўйқотиб кўйгандай бўлди. – Мен бунақа нарсаларни хизматга келишдан бурун уйга ташлаб келаман.

-Кеннойига-да, демак.

-Шундай десак ҳам бўлади.

-У киши ахлат кутига отиб юборгандарни йўқми, ишқилиб? Охирги марта қачон кўргандингиз кўнгилни? Менинчя унинг қолган-күтганини ҳам Замира опамизга бериб юборган кўринасиз.

-Кўйсангчи, шу сассиқ гапларни. Бирорнинг хотинига кўз олайтирадиган аҳмоклардан эмасман, агар билсанг. – Устознинг юзлари бироз қизарди.

-Барibir қаранг, дейман-да. Менинг ишим огохлантириб кўйиш. Ҳаракатларига, юриш-туриши ва кийинишига қараганда, бизнинг нима десанг хўп дейдиган мазлума, хокисор аёлларимизга ўхшамайди. Қармоққа тушиб қолиб, эртага кеннойимизнинг олдида алфавитни биринчи ҳарфидаги ишни қилиб кўйган bogча боласидек қизарип, бўзарип турманг.

Зиёд ака “сен билан гаплашгандан кўра, тилимни ютиб юборганим яхши”, дегандай қилиб, тескари ўрилиб, хаёлга берилиб, дераза орқали ташқарини кузата бошлади. Шу пайт навбатчилик қисмига уланган

бевосита телефон асабий жиринглаб қолди. Бу Зиёд аканинг ҳовлиқиб қолишига сабаб бўлди. Устоз бу сафар ҳам бирор-бир чиройлироқ жувон мени сўраб келган бўлса керак, деган хаёлда эди. Устознинг ҳовлиқиқани беҳуда кетди: гўшакни кўтариши билан унинг афтидаги ширин орзуларнинг излари – лабнинг билинار билинмас тиржайиши, кўзнинг чақнаши ва юздаги ҳаловат излари йўқолиб борди. Сездимики, биз учун бирорта ёқим-сизрок иш чиқиб қолган. Бўлмаса, Устоз унча-мунчага афтини буришитириб, ўзини оввора қилиб ўтирадиган одам эмас.

-Пастга тушишимиз керак экан, — деди у гўшакни жойига кўйиб, менга томон яхшилаб хўмрайиб қараб олгач. Унинг бу ҳаракатидан худди бизни брезовта қилган ўша номаълум жиноятни мен содир этгандману, бу билан унинг чойхона паловига пашша туширганман.

-Яна нима бало бўлибди? – ичим қизиб кетаётганимдан унга эргаша бориб сўрадим.

-Борсанг кўрасан. – Устоз ўзига хос совуқлик билан жавоб берди. Шундай пайтларда унинг ўзича жиддий одам бўлиб қолиши мени кўйдиради.

Навбатчилик қисмida ҳеч ким бизни кутиб ўтиргани йўқ экан.

-Ҳамма жўнаб кетди, — деди навбатчи ҳиссиз бир тарзда бизга қарамай. – Сизларни кутиб ўтиришга вақт йўқ. Биринчи микрорайонда кимнидир ўлдириб кетишганмиш. Боринглар, мана манзили.

Навбатчи ёрдамчиси шу гапларни айтиб, бизга бир парча оқ қофоз узатди.

Ташқарига чиқдик. Устоз бугун яна аллақайси бир танишининг машинасини бир кунга сўраб, миниб келган экан. Қизил тусли “Жигули” - “нўл бир” дейишиди бизлар томондан бунақасини. Ўшанга миниб, манзил томонга жўнадик.

Устоз иккимиз ҳеч машинага ёлчимадик. Устознинг “Запарож” моторини катта йўлда тушириб қўйганимиздан кейин бу борада омадимиз сира юришмади, ишимиз ўнгланмади. Устоз машинасиз оператив ходим масхара, деб ҳисоблашига қарамай, машинасини таъмиглашга тоқати келмади. Ўша тушиб қолиш жараённида мотор деганимизнинг абжаги чиқиб кетган экан, одам бўлмайди, дейишиди усталар. Янгисини олишга эса на менда ва на Зиёд акада пул бор эди. Эскироғини олиб босайлик десак, “Запарож”нинг мотори бир марталик бўларкан. Шунинг учун ҳам Устоз бу борада мендан умид қилиш товуқдан сут талаб қилишга тенг бир нарса бўлишини яхши англагани ҳолда машина топиш учун ҳар доим ўзи киришарди. Лекин бирор марта ҳам бу борада менга миннат қилмаган. Қайдан ҳам қўлсинки, менинг томоркамда ишламаётган бўлса.

Хуллас, Устоз эски кинода айтилган: трубка, от, хотинни сўрашга ҳеч ботинма, деган қоидага зид ўлароқ учраган одамдан машина сўраб юрарди. Бугун ҳам мана шундай илтимосларнинг натижаси ўларок, ушбу машинани миниб келган экан. Буни у эрталабдан менга мақтаганди.

Қотиллик етти қаватли бетон уйнинг тўртинчи қаватида содир этилган экан. Биз бу ерга етиб келганимизда уйнинг олдида майдончага одам тўлиб кетган эди.

Бошлиғимиз ҳам шу ерда экан, биз машинадан тушаётганимизда подъезддан чиқиб келди. У кўпинча бўладиганидек фуқаро кийимида эди. Катта қорни камарига сифмай, отилиб чиқаётган пуфакдек шишиб, бўртиб турарди. Оқ кўйлаги йиртилиб кетгудай таранглышган. Унинг катта гавдасида нисбатан жуда кичик кўринадиган оёқларидаги туфлиси жуда ихлос билан тозаланган, ялтираб турарди. Мен унинг туфлисига термулар эканман, шундай катта гавдани бу қандай қилиб



кўтариб юрибди? - деган хаёлни қандай қилиб бошимдан ҳайдасам экан деган йўда қолдим. Бошлиқ бизларни кўрсаткич бармоги билан имлаб чақирди.

-Борларинг, кўшниларни суриштириб чиқларинг. Сенларга икки соат муҳлат, шу вақт ичида қотилни аниқламасанглар билдиригиларинг билан келларинг.

У кетди. Устоз учун эса бошлиқ томонидан айтилган кўрсатмани бажаришдан кўра, бориб, воеа жойини кўриш қизиқроқ туюлди. Унингча асл воқеанинг нимадан иборат эканлигини билмай туриб, одамларни суриштирган билан бирор нарсани аниқлаш мушкул. "Нимани сўрашни ҳам билмайсан бундай пайтларда", - деди пилапоялар бўйлаб тепага кўтаришлар экан. Менга эса нима, индамай орқасидан эргашавердим.

Жабрланувчи уч хонали хонадонда истиқомат қиласкан. Бу ерда шу куни навбатда бўлган тезкор гурух ва бошқа яна тўрт-беш киши бутун хонани тўлдириб, ўзларича нималар хусусидадир қизғин баҳс қилиб туришарди. Хоналарнинг ҳолатига қараганда жабрланувчи анча бадавлат яшаганга ўхшайди. Бўлмасам-чи, "Самсунг" деган катта экранли рангли телевизор унча-мунча одамнинг ўйида йўқ-ку. Оловдай ёниб турган гиламларни айтинг. Залдаги гиламларга мос тусдаги юмшоқ мебеллар.

Биз Устоз иккимиз эргашиб ошхонага кирдик. У ерда бўлимимиздаги қотилликларга карши кураш гурӯхи катта оператив вакили Восит ака. Унинг лақаби Чалпак эканлигини эшитгандим, аммо айнан нега шунақа эканлигини сўраб, суриштириб, тагига етолмадим. Устоздан "нега Чалпак, дейлик Патир эмас?" - деб сўрасам, у киши оддийгина жавоб берди: "Чунки Патир экспертизининг лақаби".

Зиёд ака атрофга бир кўр назар ташлаб чиқди:

-Ўликни қайга яширдиларинг?

-Мана, сенинг хизматга яроқлилигинг қай даражада. — Восит ака севинди. — Уч хонали ўйдан ўликни тополмагандан кейин, катта бир мамлакатдан тирик жиноятчини топаолармидинглар. Милисаям бола боғча бўлиб кетди.

У шундай деганча ўрнидан турди ва ичкарига томон юрди. Биз эргашдик. Ўлик ётоқхонада экан. У ердан аллақандай қўланса ҳид анқиб турарди. Бизга криминалистимиз қаршилик қиммоқчи бўлганди, Восит ака "ўлик бир сенини эмас", деганча нарига суриб қўйди.

Кароватда қонга беланиб ётган марҳумнинг кўриниши киши баданини жимиirlатиб юборарди. Унинг жони узилганига анча бўлган, нимкорону хонада ўзига хос қўланса ҳид анқиб турарди, вифиллаганча пашшалар ҳам ўралашиб қолганди. Лекин марҳумнинг танаси ҳали бўшашиб улгурмаганди - оқ ҳалатли бир киши, врач бўлса керак, унинг қўлини кўтармоқчи бўлганди, бутун танаси қимирлаб кетди, лекин қўли кўтарилимади. Марҳум шафқатсизларча ўнг пешонасига ов милтиғидан, сочма ўқ билан отиб ўлдирилгандики, ўқ теккан жойдаги юз ва бош қисмининг анчагина жойи гўштга айланиб, синган суюклари чиқиб ётарди. Устидаги оқ кўйлаги бутунлай қонга беланган. Қон марҳум чалқанча ётган яшил тусли икки ўринли кароватга оқиб тушиб, шимилиб кетганди.

Ўзимни мажбуrlаб, марҳумга қарадим. Бу ёши 20-25 лар атрофидаги, озғиндан келган, соchlари куюқ, қора ва калта қилиб олдирилган йигит экан. Ранги тириклигига қандай бўлганлигини англомадимки, юзининг қон сачрамаган қисми аллақачон мурда тусига - оқиши-сарғиш рангга кириб қолганди. Айтидан у ўлимидан бурун кўчадан келган ёки эндигина ташқарига чиқмоқчи бўлиб турган пайтида қотил келиб қолган. Чунки кийимлари уйники эмас. Тўқ яшил рангдаги яхшилаб дазмолланган шим, оқ кўйлак, оппоқ пайпоқ -

буларнинг барчаси хонада кийилмайди.

Булардан ташқари марҳумнинг ҳолатидан хуласа қилдимки, марҳум қотилни жуда яхши таниган бўлиши керак, бўлмаса унинг шу ергача киришига йўл кўймаган бўларди. Бошқа хоналарда кураш излари кўринмайди. Ўгрилик аломатлари ҳам йўқ.

Хона дид билан безатилган экан: деразага зарли гуллар тикилган, оқ дарпарда осилган, ўнг томондаги деворга катта, кўк тусдаги гуллар устунлик қиласдан гилам осилган. Полга эса қизил пояндоz тўшалган. Шифтга эндиғина русумга кириб бораётган - ганчдан нақшлар солинган ва тилла суви югуртирилган. Қандилнинг ўзи эса бутун бошли эртак - мен шу пайтга қадар ҳали бунақасини учратмаганман.

Устоз ўртада туриб олганча, ҳеч кимга ҳалақит бермаган ҳолда синчковлик билан атрофни кўздан кечирарди. Менинг эса негадир ташқарига чиққим келиб қолди. Нафасим сиқилиб, ўзимни бехузур сеза бошладим. Зиёд аканинг енгидан тортдим:

-Кетдик, бошлиқнинг айтигандарини қиласлик.

Ўликдан кўрканимни, кайфиятим бузилганини сезидирмаслик учун шу баҳонани топгандим, бўлмаса бутун бўлим менинг ожизлигимдан кулишга тушиб кетиши мумкин. Бизда ахлоқ масаласи жуда қаттиқ - кўнгилчан кишиларни унчалар хушлашавермайдилар. Шундай одамларнинг ишлайдиган жойи ҳам эмас-да, бу жиноят-қидируг деганлари. Фақат жиноятчилару ўликлар билан муюмала қилиш кишини жуда асабийлаштириб юборади ва кўнгилчанлик охир-оқибатда киши учун рўхий жиҳатдан оғир оқибатларни келтириб чиқариши мумкин.

Қотиллик жойидан бир парча куйган қофоз топилган экан. Бу милтиқнинг ўқига тиқин вазифасини ўтаган бўлса керак. Ушб қофоз залдаги столнинг устидаги айрим нарсаларни олдига ёйиб кўйилганди. Эксперт уни суратга олмоқда эди. Мен яқин бориб, катак дафтарнинг бир варагидан юлиб олинган бу қофозни қизиқиши билан кўздан кечирдим. Унда нималардир ёзиб ташланганди. Уларни ўқиб кўрмоқчи бўлдим, лекин сўзларнинг ярми куйиб кетганлиги сабабли аниқ ўқийолмадим ва бу машғулотга кўл силтадим.

Худудимизда қотиллик жиноятининг содир этилиши анча ташвиш келтириди. Бундай пайтларда барча куч ва зътибор қотилликни очишга қаратилади. Шу сабабли Замира опанинг буортмаси уч-тўрт кун давомида умуман бизнинг эсмизига ҳам келмади. Фақат юқоридаги ҳолатнинг тафсилотларини аниқлаш учун елиб югурдик. Маълум бўлишича ўлдириб кетилган йигит бундан уч йил бурун шаҳарга қўшни туманлардан биридан кўчиб келган, исм-шაърифи Назаркулов Абди экан. Унинг њаёт фаолиятини ўрганар эканмиз, тузуккуруқ бир жода ишламаганлигини, уйини бу тарзда безатиб қўйиш учун етарлича қонуний даромадга ҳам эга бўлмаганини аниқладик. Зиёд ака у бугунги кунда барча учун одатий тусга кирган - бозорда савдо-сотик билан шуғулланган бўлиши мумкин деган тахминнинг ўртага сурганди, бўлмади. Фикрнинг тасдиғини тополмадик. Иигрима етти ёшга кириб ҳали уйланмаган бу йигитнинг қишлоқда яшайдиган қариндош-уругларидан сўраб-суриштириб билсақ, у умуман бозорга чиқиши ёқтиримайдиган, консерватив йигитлардан экан. Бу маблағларни (унинг ўйидан катта миқдордаги пул ҳам чиқканди) қаердан олган бўлиши мумкин, деган саволимизга барчаси бирдай елка қисишиди. Бир балоси бўлмаса шудгорда куйруқ на қилур, деганча, ҳайратдан ёқа ушлашдан ўзга чорамиз йўқ эди. Ҳали Устоз иккимиз кўни-кўшниларни суриштириб юранимиздаёқ бу

холат бизнинг бошимизни жуда кўп қотириши мумкинлигини англаб етгандик. Чунки йигитни кўшнилари тузук-куруқ билишмас, унинг уйига кимлар келиб, кимлар кетишидан бехабар эканлар. Шунинг билан бир қаторда у жуда сирли тарзда яшаркан. Ҳеч кимга аралашмаган. Оддийгина салом-алик билан чегараланган, холос. Имкон қадар кўни-кўшнилар билан учрашишдан кочган.

Хуллас, марҳум жуда сирли тарзда ҳаёт кечирган эди. Ҳатто ота-онаси унинг нима ишлар билан шуғулланганидан мутлақо бехабар бўлишган. Билишганлари шуки, ўғилларининг омади юришиб, анча-мунча бойлик тўплаган. Уларга мунтазам равишда ёрдам бериб турган. Ўз навбатида ота-онаси бу пулларни қайдан оляяспан, деб сўрашмаган. Сўрашганда ҳам жавоб бермаскан, чунки марҳум жуда ичимдан топ кишилардан бўлган.

Шундай қилиб ушбу қотиллик жуда мураккаблиги билан ажralиб турарди. Мархумнинг бирор-бир файриқонуй хатти-ҳаркатлари бизга маълум эмас, мұқаддам судланмаган. Унинг яқинлари, таниш-билишларини ҳеч ким билмайди. На ота-оналари ва на кўшнилари.

Мана шундай мавҳум бир ҳолатда Замиранинг алдамчи таклифи бизнинг хаёлимиздан умуман кўтарилиб кетган экан. Бир куни пешинга яқин Устоз иккализмиз навбатдаги топширикни бажариб, ҳориб-чарчаб хонага кириб келганимизда телефон жиринглаб қолди. Гўшакни кўтаргандим, ундан аёл кишининг жуда ёқимили овози эшитилди:

- Алло, бу ким?

Ўзимни йўқотиб қўйдим.

-Олимман! - дедим ҳаяжон билан. - Ким керак эди?

-Мен Замираман, эсларингизда бўлса бундан уч кун бурун бориб, айрим масалаларда гаплашиб олгандим. Шунинг натижалари нима бўлди деган мазмунда кўнғироқ қилаётгандим. Уч кундан бўён уринаман, ҳеч ким жавоб бермайди.

Гапингнинг мазмунидан ўргулдим, дедим ўзимга ўзим. Бу рашикчи жувон бошиданоқ менга ёқмаганди. Юрса юрибида-да, эр деганларининг бирор жойи камайиб қолармиди. Бунақаларни сира жиним сўймайди, жуда қаттиқўл оиласда тарбия топган эмасманни, аёл деганлари уйда эрини кутиб ўтириши лозим, деган фикрдаман. Шаҳарнинг бу каби чаққон жувонларини эса кўргани кўзим йўқ. Зиёд aka хусусида эса бундай деб бўлмайди. Биринчи кўришиданоқ Замира опа унинг хушини ўғирлаб кўйганини англагандим. Кўзлари сузилиб-сузилиб кетганди ўшанда. Мен гўшакни кафтим билан беркитиб, "Замира опа, нима дейин?" дейишим билан отилиб келиб, қўлимдан уни тортиб олди. Зиёд аканинг бу ҳаракати кал бошига унчалар ярашмаса ҳам, индамадим. Назаримда у жувоннинг кўнғирогини, киши билмас кутиб юрган экан. Устознинг шу тешик хотираси билан ҳеч бўлмаганда, беихтиёр бир тарзда "ким?" деб сўраб кўйиши керак эди. Бунақа қилмадими, юракдан урган. Товба, эри бор жувонларни ҳам севиб қолиш мумкинмискин?

-Ха, нега йўқ бўлиб кетдингиз? - томдан тараша тушгандай Устоз жувонни сўроққа тутди. - Бир марта келиб, айтиб кетсан бўлди, ҳаммаси ўз-ўзидан ҳал бўлиб кетаверади, деб ўйлайсизми? Биз бу ерда, манави шогирдим иккимиз уч кундан бўён кутиб ўтирибмиз. Ишга киришолмай турибмиз... Нималарни аниқладик?! Сиз бу иш олма пиш, оғизмга туш, дегандай ҳал бўлиб кетаверади, деб ўйлайсизми? Иши кўп... Телефонда айтиб бўлмайди бунақа гапларни. Вақт то-пиб, бир келиб кетмасангиз бўлмайдими, дейман. Қа-чон келасиз?

Устознинг бунақа хотинбозлиқ одати йўқ, эди чамаси. У ҳар доим аёллар хусусида гапирганда, гапининг мазмунидан аллақандай нафрат ҳиди уфуриб турарди.

Мана энди эса биринчи бор аёллар хусусида гапирганда унинг кўзлари "Нексия"нинг чироқлари каби ёниб турганини кўриб турибман. Бу жуда жиддий ўзгариш эди. Чунки унда, бир марта бошлигимиз ийиб кетиб, бизга бир ойлик иш ҳақимиз миқдорида мукофот ёздирганида ҳам у бунчалар қувонмаган. Ойлик иш ҳақи миқдоридаги мукофот деганлари нима эканини биласизми ўзи? Бу дегани амал маошига унвоннинг ҳам пули қўшилгани дегани бўлади ва у ҳар кимга ҳам насиб этавермайди. Қувонса бўладиган ҳолат. Аммо Зиёд aka унчалар севинмаганди. Умуман олганда у жуда жиддий одам. Аммо унинг бу башараси кўпинча жиноятларни очишишимизда кўл келади. У ўзини шайлаб, гумондорга шундай бир ола қараш қиласиди, бечора ўзини кўярга жой тополмай қолади. Бошлиқнинг шахсий таркиб билан ишлар бўйича ўринбосари эса сенлар гумондорни қўрқитаяпсанлар, деган гаплари билан бизни ҳоли жонимизга кўймайди. Ахир ҳеч кимда гумондорлар биздагичалик тез жиноятларини бўйнила-рига олмайди-да. Кўпинча ўзим ҳам ҳайрон қоламан, бу дўстдан бўлдими, душмандан деганча, ёқамни ушлайман. Назаримда, гумондорлар Устознинг хўмрайган башарасига бир қарашдаёқ бунга қаршилик кўрса-тиш беҳуда деган хulosага борсалар керак. Мен сўрай-даган бўлсам, улар гапни тоғдан, боғдан қилиб, мени бурига ҳалқа солинган хўқиздай у ёқдан бу ёққа судраб юраверади. Зиёд aka келиб, бизнинг дилкаш суббатимизга қўшилдими, тамом, уларнинг дами ичига тушиб кетади.

Шунақа қилиб, Зиёд aka кўринишдан ҳам аёлларга ёқадиган, уларни ёқтирадиган одамга ўхшамасди. Бироқ бу сафар икки ўртада нимадир бўлгани шундайгина сезилиб турарди. Ўйлаб, ўйимга етолмайман.

Мен ўйлаб турганимда, Устоз бугун, соат кечки бешларга яқин Замира опага "Баҳор" кафесининг рўпарасида учрашишга таклиф қиласи.

- Сиз яна у-бу нарсани ўйлаб, кўнглингизга ҳар хил нарсаларни олиб юрманг. Қасбимиз шуни тақазо қиласди. Махфийликни таъминлаш лозим. Шусиз ҳаммаси барбод бўлиб, мўлжалланаётган тадбир ошкор бўлиб кетади. Мени ҳам ишончли ходимлар билан ишлай билмасликда айблаб, ишдан ҳайдаб юборишади.

Нима бўлишидан қатъий назар, Устоз бу борада сал ошириб юборганди. Мен гапининг сўнгги жумласи хусусида айтаяпман. Бошлиқнинг кўзи учиб турибдимики, шу бирортасининг эрини орқасидан пойлоқчилик қиласман, деб сирини ошкор қилиб кўйсаю, мен уни ишдан ҳайдасам, деб. Билишимча буларнинг барчаси "иш"га сирлилик баҳш этиш, унинг аҳамиятини ошириш учун қилинайти.

- Икки дона сурат ҳам олиб келинг, олдидан ва ёнидан бўлса янайм яхши... Йўқ, ўзингизни эмас, эрингизни. Умуман олганда, сизниким халақит бермайди. Хизмат юзасидан айрим масалаларни ўз вақтида ва тезкорлик билан ҳал этиш учун яраб қолиши мумкин. Олиб келаверинг, рангли бўлса янада яхши. Каери оқу, қаери қизиллигини билиб тўрамиз, бирорлар билан аралаштириб юбормаймиз.

Зиёд aka беармон гаплашиши мумкин эдию, бироқ навбатчилик қисмининг телефони асабий жиринглаб қолгандан сўнг, сесканиб ўйғонган кишидай, ялт этиб менга қаради ва кўли билан телефонга ишора қилди: "ол!"

Бахтга қарши бизни бошлиқ сўрамаётган экан. Навбатчи хоналарингда шахсий таркиб билан ишлар бўйича ўринбосар йўқми, деган савонни бериб, ижобий жа-

воб ололмаганидан кейин, алоқани узиб кўйди.

Пешиндан кейин Зиёд aka учун вақтнинг ўтиши се-зиларли тарзда секинлашди. Кўриб турибман, кўли бирор ишга бормай қолди. Хар икки дақиқада бир соатига қараб олади, юраяптими, йўқми, дегандай афтини буришишиб, кўлини силкийди, соатни кулогига олиб келиб эшитади. Унга қараб менинг юрагим сикилиб, зерикиб кетдим.

- Тадбирга мени ҳам жалб этасизми, ёки бу сафар ўша эски – учинчиси ортиқча, деган қоидага амал киласизми? Лекин айтиб кўй, жувон билан учрашувга бир ўзингиз чиқиб, унинг ярамас эрининг орқасидан кузатишига бирга олиб бормоқчи бўлсангиз, тўппа-тўғри бориб, бошлиқдан розилигини сўраб чиқаман.

Аслини олиб қарайдиган бўлсангиз, буларнинг учрашувида, сассиқ алафга ўхшаб менга бало борми, бироқ мен ҳам мустақил бир йигит сифатида ўз сўзими-ни айтиб кўймоқчи эдим, ахир булар бугун учрашиб келишадио, эртага мени кузатувга юборишади. Буни-сини аниқ биламан.

“Баҳор” қаҳвахонасининг сал нарироғида адл қоматли бир жувон атрофиға олазарак термулиб турарди. Шубҳасиз бу бизга тегишили инсон бўлиши керак, оператив ишда салгина тажрибаси бўлган, умуман шунақа иш борлигини сал-пал тушунган кимсаларнинг ўзиёқ унинг туришидан кимнидир шубҳа ва хавотир билан кутаётганини дарров англаб олиши аниқ эди.

- Мижозингизга бунақа борада озроқ дарс бериб кўйсангиз бўлмайдими, туришига қаранг, бургут ёки тулки келиб қолишидан чўчиётгтан юмонқозиқча ўхшайди, – дедим Зиёд аканинг тирсагига туртиб.

- Ростдан ҳам келипти! – Зиёд aka уни ҳали кўрмаган эканми, мен кўрсатган томонга қараб, кўзлари чақнаб кетди. Овозидан ҳаяжонни англаш мушкул эмасди. Кейин менга бир қарадио, ўзини босишига ҳаракат қилди. – Сен бола, бирор хусусида гапирганда, тилинга эхтиёт бўл. Бу нима деганинг – юмонқозиқ? Шуям гап бўлдими? Бунинг устига хунук, бадбашара аёл бўлганда ҳам майли эди, унинг қоматига қара, рандалаб кўйиландай.

Дарҳақиқат Замира опа қомати кўзни ўйнатиб юборар даражада тик ва гўзал эди. Бунинг устига у бу сафар атайлаб қилганда, баданига ёпишиб турадиган, мен номини ҳам билмайдиган оч жигарранг, ялтироқ матодан тикилган кўйлак кийиб олибдики, қўёшнинг нурларида кўкраклари, сони ялтираб, кўзни қамаштиради.

- Адабиётда шунақа бир ибора бор, ўхшатиш, дейишади. Еттинчи синфдалигимда Актам малим ўргатганди, – гапни бошқа томонга буриб, ўзимнинг оғзимдан чиқиб кетган бояги сўз учун Устоздан уэр сўраган бўлдим. – Бу дегани, ҳали ҳеч кимни юмонқозиқ, деганим йўқлигини ифодалайди. Тағин олдига борганимиздан сўнг, оғзингиздан гуллаб ўтиранг, гап топган киши бўлиб.

Аслини олганда, “юмонқозиқ” деган гапни беихтиёр айтиб юборгандим, кейин бундан ўзим ҳам роса ҳайрон қолдим. Дарҳақиқат Замира опанинг ўзи чиройли бўлишига қарамай, айни ҳолатда ўхшатиш жуда ўринли эди. Биринчидан, устидаги оч жигарранг кўйлак, шу жонзотнинг рангига жуда ўхшаб кетаркан, иккинчидан бу жонивор ҳам иссиқ пайтда инидан чиқиб олиб, олдинги икки оёғини кўтариб, тик турганча атрофга аланг-жаланг қилини хуш кўради.

Биз машина билан унинг ёнига бориб тўхтадик. Устоз бироз довдираб қолиб, олдинги фидиракни ариққа тушириб юборишига бир баҳя қолганини эътиборга олмаганда, деярли ҳеч қандай саргузаштларсиз машинани тўхтатдик.

- Замира опа, машина ўтиринг, – дедим мен эшини очиб. – Битта-яримтаси кўриб қолса гап-сўз кўпайиб кетади.

У шошиб орқа ўриндиқча ўтиридио, хе йўқ, бе йўқ, сумкачасини ковлашга тушди. Икки дона сурат чиқарип, Зиёд акага узатди:

- Мана, поччангизнинг суратлари. Ёнidan олингани йўқ экан, тополмадим, ўрнига мактаб пайтида, ўртоқлари билан тушгани бор экан, шуни олиб келавердим. Бўладими?

- Бўлади, - деди негадир тўмтайиб олган Устоз кўлига суратларни олиб, айлантириб қарар экан. – Ранги анча заҳил экан... Ўглингизнинг суратини ҳам олиб келибизми, адашиб?

Зиёд aka иккинчи суратни орқага қайтарди.

- Айтдим-ку, - Замира опа ажабланди. – Поччангизнинг мактабда тушган сурати, деб.

- Буларнинг барчаси болалар-ку. – Зиёд aka суратни қайтариб олиб, синчиклаб қарашга тушиб кетди.

- Мактабда ўқиган пайтларида ҳали бола бўлган. – Замира опа бунинг учун ўзи айбдордай бироз довдираб қолди. У суҳбатнинг оҳангини, руҳини англаб ололмай сарсон эди.

- Ҳақақатан ҳам ёш бўлган экан... – Устоз суратни кузатишда давом этди. – Аммо мен уни таниёлмаяпман. Манави бақалок бўлмаса керак, ўхшамайроқ туррибди. Буниси эса, телпак кийиб олиби, менингитдан кўрқадиганлардан эканми, ёки аллақачон бу касалга йўлиқиб ултурганими, билмадим. Манави тарашадай бўлиб тургани, аниқ сизнинг эрингиз бўлиши мумкин эмас, башараси жуда аҳмоқона. Қарашлари ҳам жинниларнига ўхшайди. Манавинисини қара, Олим, почаси кенг шим кийиб олиби, бунақаларнинг русумдан чиқиб кетганига роса йигирма йил бўлаяпти. Бу эса кийиб олиби. Ёнидагининг пойабзали эса менга бир пайтлар “платформа” деб аталадиган туфлини эслатапти – тумшуғи тўмток, ости етти сантиметрлик қалинликда бўларди. Раса аҳмоқона туфли эди. Эгнидаги чарм костюми ҳам модадан қолган, ҳозирги замонда кастимнинг устидан ёпишириб кўкрак чўнтаги тикишмайди... Бу русумдан қолган одамларни қайдан топиб келдингиз бизга. Музейдан ўғирладингизми?

Замира опа тушунмай бир менга, бир Зиёд акага бақрайиб қарай бошлади. Вазиятдан чиқиб кетишининг бирор-бир йўлини қиласам, Устоз ўзининг довдиравордир-совдир гаплари билан янада бадтарроқ шарманда қилиши мумкин.

- Зиёд aka, сиз менимча масаланинг янада чукурроқ моҳиятига етиб бормоқчисиз, чамаси, – дедим Замира опага термулиб, аслида ҳам бу гап қизим сенга айтаман, келиним сен эшит, услубида айтилаётганди. – Ҳамма гап шундаки, почча ёшлигига негадир ўша замонларда яшаган экан. Буни эса сиз ҳазм қилолмайсиз. Шунинг учун болалиқдаги суратни бир чеккага йигишириб кўявверсак ҳам бўлади. Барibir биз поччанинг ёшлигини қидирмаймиз.

Устоз кўзларини суратдан олиб, уни орқага қайтарди. Лекин барibir нимадир дейиши кераклигини ҳис қилиб турарди. Аммо, назаримда унинг бу қовоқ бошига тузукроқ гап келмаётгандай эди. Чунки оғзини бир-икки марта кумга чиқиб қолган балиқдай очиб, ёпдио, сас чиқмади. Ўйлаётганди. Чунки унинг оғзи калласидан тезроқ ишлар, ҳаракат қиларди. Бундан сездимки, Устоз бу жувонни ҳақиқатан ҳам ёқтириб қолган. Бўлмаса унча-мунчага довдирайвермайдиган, совуқкон ва эътиборсиз бу катта оператив вакил ўз ҳаёти давомида озмунча жиноятчилар билан дуч келмаган дейизизми. Эҳ-ҳей. Сочларнинг тўклилиб бораётгани ҳам шундан дарак берса керак. У шубҳасиз Замира

опага ёқадиган гап қилмоқчи бўляяпти, аммо бир умр жиноятчилар билан мумомала қилиб келган милиция ходимининг гап заҳираси жуда кичик бўлади ва унда аёлларнинг кўнглига мос тушадиганлари деярли бўлмайди. Устоз айни пайтда шу ҳолатдан қўйналаётганди.

-Керак бўлмайди, деб ўйлайсанми? - деди у ниҳоят менга. Унга шогирди билан гаплашиш осонроқ ва ўнғайроқ эди.

-Шусиз ҳал қиласиз, — дедим мен ташаббусни ўз кўлимга олишимиз лозимлигини англаб.

- Манави паспортга тушган суратни олиб қолсак бўлди. Бир марта таниб олсак кейин келаси сафар хотирамиздан фойдаланиб кетаверамиз, сурат ҳам лозим бўлмайди.

Устоз "мана масала қайда" дегандай қилиб қошлирини учириб, пешонасини буриштирди ва иягини чап томонга қараб бурди.

- Шундай қилсак ҳам бўлади, — деди Устоз. — Жуда ўнғай усул эмас-ку, чидаса бўлади.

Бу гап менинг жаҳлимни чиқарди. Бу ўзича мени ерга урмоқчими, ёки гап топган киши бўляяптими, англаш мушкул бўлганилиги сабабли унга жавоб қайтармадим. Яхши кўрган қиз билан гаплашиш нақадар оғир эканлигини ўзимнинг тажрибамдан билганилигим сабабли ҳам уни тушунишга ҳаракат қилдим.

Замира опа энди нима қилиш лозимлигини тушунолмай, каловлана бошлади, бу томонда эса Устоз меровга ўхшаб, нима дейишини ўйлаб, режалаштириб ўтиради.

- Сиз бизга поччанинг иш жойини, уйини кўрсатиб кўйсангиз яхши бўларди. Кузатувни эртадан, имкони бўлиб қолса, шу бугундан бошлаб юборамиз.

Замира опа бизга иккита манзилни берди, биринчилари, иккинчиси аллақандай ташкилотники, бу хўжайнлари ўша ерда бош ҳисобчи эканлар. Ҳар эҳтимолга қарши, машинасининг рақамини, русумини ҳам ёзиб олдик. "Жигули" минаркан, 06-сидан.

- Менимча бизга шунинг ўзи етарли, узоги билан икки кунда бу йигит бизнинг кўлимиизда балиқдай потирлаб туради, — деди устоз шавқ билан кўлларини бир-бирига ишқалаб. — Энди бизга, Замирахон ўзингизнинг ҳам адресингизни берсангиз, ҳар холда зарур бўлиб қолса сарсон бўлиб, бутун шаҳар бўйлаб излаб юрмайлик.

Унинг бу гапидан Замира опанинг кўзларида ҳайрат аломатлари чақнаб қолди. Негадир у мэнга термулаётганди. Мен ҳам "хайронман" деган маънода елка қисишидан нарига ўтмадим. Зиёд ака эса айб иш қилиб кўйган боладай, тараффудланиб қолди.

-Мен эрим билан бирга яшайман, — деди Замира опа ниҳоят.

-Яшасангиз ҳам бераверинг, хавотирланманг, булар келиб, тўполон қиласи, эрим билиб қолади, деб. Махфийлик тартибини жуда яхши биламиз ва қатъий роия қиласиз. Бу ёғи бехавотир.

-Бердим-ку, - деди ниҳоят Замира опа ҳайратини яшиrolмай. — Шу манзилда мен ҳам яшайман-да. Телефони ҳам ёзилган.

Устоз қовун туширганини англади. Нима дейишини билмай, ўтирилиб, яна бояги расмга термулишига тушиб кетди. Унинг бу ҳаракати мени асабимга тега бошлади. Одам деган нокулай вазиятга тушиб қолгандан кейин, бирор-бир гап қилиб ундан чиқиб кетишнинг йўлини қилиши керакми, йўқми. Бу эса индамай сурат томоша қилишга ўтиб олди.

-У киши ишхонангизнинг манзилини сўраётганди, — орадаги ноҳуш ҳолатни бироз юмшатмоқчи бўлдим.

-Ха, шундай демайсизми, мен тушунмабман. — Жувон ҳам анча кўнгилчан эканми, ҳаммасини билиб турган

бўлишига қарамай, айбни ўз зиммасига олмоқчи бўлди.

- Аслида ҳозир уйда ўтирибман, ишламайман. Керак бўлиб қолсан уйдан топасизлар. Ўйлайманки, бу менинг шахсий ҳаётимга халақит бермайди ва қўни-қўшнилар орасида гап-сўзнинг кўпайишига олиб келмайди.

Биз Замира опани шу ерда қолдириб, орқага қайтидик. Ишхонага кириб келар эканмиз, Устоз енгил нафас олди. Мен унинг севигига мубтало бўлган кўнглини бироз масхара қилмоқчи бўлгандим, чиқмади, бурнимнинг пачоқ бўлиб кетишига бироз қолдию, бу қизикишимни бас қилишга тўғри келди.

Эртаси куни эрталабдан биз бекорчи эдик. Шунинг учун ҳам ишни Мақсад билан сиртдан танишиб олишдан бошламоқчи бўлдик. Бунинг учун Замира опанинг уйи жойлашган кўчанинг бошига ижарага олинган машинамиз билан эрталаб соат еттидан бориб турдик. Бу бош ҳисобчи деганларимиз анча интизомсиз чиқиб қолди. Пешинга қадар кўча бошида ўтирган бўлишишимизга қарамай, ундан дарак бўлмади. Жаҳлимиз чиқиб, тўғри ишхонага бориб, Замира опага кўнгирик қилдик. Тўғрироғи Устоз мени шунга мажбурлади. Гўшакдан Замира опанинг кўнгириқдай овози эшитидио, пешинга қадар кўёшнинг кўзида шишиб ўтирганимиз ҳам ёдимдан кўтарилиб кетди. Аслида унга бақирмоқчи бўлиб турган бўлишишимга қарамай, бошлиққа қилинган ишлар тўрисида ахборот бераётгандай, дедим:

-Замира опа, бугун эрингиз ишга бормади, уйдан чиқмадиам.

-У киши кечаси уйга келмагандилар. Ишга борган бўлишлари керак.

Шунда мен Устоз иккимиз бориб турган аҳмоқ эканлигимизни англаб қолдим, аммо буни унга маълум қилмадим — эси бўлса ўзи англаб олгандир. Ахир бу жувон бизга шикоят қилганида ва эримнинг ортидан кузатиб беринглар деганида кечалари уйга келмайди, қайларгадир сандироқлаб юради, бирортасига уйланниб олган бўлса қарак, демаганимиди. Агарки эри кечалари уйида тунайдиган бўлса, бизнинг нима керагимиз бор эди.

-Демак ишхонасини ҳам кузатишга тўғри келади, - дедим вазиятга ишчанлик тусини бериш учун босик ва дўриллаган овозда. — Буниси бизга семичка чаққандай бир гап, бир деганда қалпоқ қилиб ташлаймиз.

-Калпоқни билмайманку, лекин у кишини ушлаб, азоб бериб юрмангизлар, тағин. Менга қаерда, қаочон, ким билан бўлганлиги тўғрисида ахборот бўлса етарли.

Шу гапдан кейин Устоз гўёки мен унинг севимли аёли билан аллақандай хиёнатнинг режасини тузаетганимдай чида буролмади, кўлимдан гўшакни шундай тортиб олдики, хизматим давомидаги илк ва охирги мижозим билан хайрлашолмай қолдим. Бундан унчалар хафа ҳам бўлмадимку, эҳ-ҳэй, ҳали у киши билан қанча марталаб учрашишимизга, гаплашишимизга ва шарманда бўлишишимизга тўғри келадиганга ўхшаб туриди. Алам қилгани эса Устознинг гўшакни идао билан силтаб тортиб олгани. Ростакам келинойи билан гаплашган пайтимда ҳам бунчалар ҳовлиқиб қолмайди бу инсон. Замира деган гапни эштиши билан қалпоқ уч кундан бўён вино ичмаган ароқхўр каби кўллари қалтираб, ўзини кўярга жой тополмай қолади. Катта оператив вакил деган номи бўлса, бунинг устига менинг бўйруқ билан тайинланган устозим саналса, шу килган иши яхши эмас, деган ўйга бораман.

Устоз менинг нигоҳларимга нафрат ифодасини уфуртиришга ҳаракат қилиб қараганимга аҳамият бермай,

гўшакка ёпишиб кетдики, гўёки у ердан ана-мана Замира опа, "ассалому алайкум" деб чиқиб келаётгандай. Бунинг устига шу жувон билан гаплашганда унинг овози беихтиёр суюлиб кетадиган одати бор. Негадир унинг шундай пайтлардаги гаплари менга янги туғиб, боласини ялаётган сигирни эслатади. Нега? Ҳозирча аниқ моҳиятига етиб боролганим йўқ-ку, бироқ бу бор нарса. Аслида бундай пайтларда кишилар сукъ талаб қилган кучук боласидай ялтоқланади, дейишади. Бу ўхшатиш бир қараганда, жуда мос тушадигандай кўринадио, менинг қайсар тасаввурим буни тан олгиси келмайди. Барибир сигир билан бузоқ кўз ўнгимдан нарига кетмай тураверади. Зиёд акани хўл бўлиб ётган нимжон бузоқчани ялаётган сигирга ўхшатаётганимдан анча қийналаман. Виждоним азоб чекади. Бироқ не илож? Барибир бунинг учун мен ўзимни айборд санамайман. Ўхшашлик томонлари бўлса керакки, эсимга келади. Қолаверса жиноят қонунчилигига ният учун жиноий жавобгарлик йўқ, дейилади. Демак, тасаввур учун ҳам жазо бўлмаса керак. Аммо Устозни гап ўзининг шаъни хусусида кетадиган бўлса, жиноят тугул, процессуал қонунчиликини ҳам тан олмайдиган одати бор. Шу сабабли унга ўзи хусусида калламга келган тасаввурни, жуда-жуда хоҳлашимга қарамай, сира айтмайман. Бир қўшиқда айтилганидай, "биз тинчлик истаймиз".

Хуллас, Зиёд ака тилини кўёвнинг пойига ташланган поёндоздек тўшаб, эркаланиб гапиришга киришиб кетганди, ўзимни зўрга тутиб туришга ҳаракат қилиб, олдин тилимни, кейин эса лабимни тишладим.

Устоз Замира опа билан анча пайтгача эркаланиб гаплашиб турди. Улар иккиси қари кампирларга ўхшаб гапни анчачувалаштирган бўлишларига қарамай, аниқ бир хулоса ва тўхтамга келишолмагандилар. Негадир менга уларнинг иккаласи учун ҳам ишнинг битиши унчалар аҳамиятсизга ўхшарди. Иккалови учун ҳам нима бўлишидан қатъий назар гапни чувалаштириб ўтириш хуш ёқаётгандай эди. Бу дунёда ҳар нарсанинг охири бўлгани сабабли булаар иккисининг ҳам Тошкентни лафмонидай чўзилган маъни-матрасиз сұхбатлари ниҳоят якун топиб, бироз енгил нафас ола бошладим. Ахир уларнинг бу тузсиз сұхбатларини якунлашнинг имкони йўқдай, туюлаётганди-да менга. Бунчалар мужмал сұхбатни шу пайтга қадар эшитмаганим сабабли, уни қайтарзда якунлашга ҳам ақлим етмай турганди. Йўқ. Жуда унчалар қийин эмас экан бу. Оддий элакка чиқкан аёллар мусоҳабасининг якунига ўхшаб кетаркан: ҳозир эрим келиб қолсалар, жаҳли чиқади... Хотима мана шунга ўхшаш гап билан бошланди, чамамда. Бундан кейин ҳам Устоз оператив ходимларга ярашмаган бир қилиқ билан, бироз чучмал гапларини қилдио, кўнишдан ўзга чораси йўқ эди. Шу пайтга қадар Зиёд акани бу ҳолатда кўрмагандим: хонада ўтириволиб, ўзининг буйруқ билан тайинланган шогирдига йигмажилларни иргитиши билан машхур экан, деб ўйласам, ҳали бунақа - аёлларни олдида ёш болага ўхшаб ўзини йўқотиб кўядиган одати ҳам бор экан. Ниҳоят гўшаклар қўйилди.

Бу дилкаш сұхбатдан сўнг Устознинг юзи қизариб, кўзлари ёниб, ярим соатга яқин менинг кўзимга қаролмади. Бояги гапларидан энди уялаётганди.

- Кечки пайт Мақсаднинг ишхонасига бормасак бўлмайди, — деди у ниҳоят. — Бирорнинг ишончини сунистеъмол қилиш яхши эмас.

Шу гапнинг кучи билан биз бошлиқнинг олдига, амалга оширишимиз мумкин бўлган иш учун расмий рухсат олишга кирдик.

- Бир жиноят изидан тушганмиз, — деди Устоз биринки кириш сўзи қилиб, тамомлаганидан кейин юзи ҳам қизармай. — Гиёҳвандлик жинояти. Ички бир туйғу

билан ҳис қилиб турибманки, шахримизга гиёҳванд моддалар келтирилаётган асосий ва йирик бир канални аниқлаб, ушлатётганга ўхшаймиз. Агар шу ишни яхшилаб охирiga етказадиган бўлсак шаҳар янгитдан ҳаммомдан чиқкан қиздай топ-тоза ва покиза бўлиб қолади, мана мени айтди дерсиз. Шунга сиздан уч-тўрт кунга, таг-туғи билан жавоб сўраб киргандик. Ишдан озроққина чалғисақ, жиноятчиликнинг муҳим ҳаракатларини назардан қочириб қўянимизми, дейман. Шунга... жавобингиз керак.

- Мен уч кун эмас, уч соат рухсат бераман. Соат саккизда шу ерда бўлиб, қилинган ишлар хусусида ёзма ахборот берасанлар. Бўладими?

Тоғдай сўрасанг томдай беради, деган иборани бизнинг бошлиққа нисбатан ҳам кўлласа бўлади. Кўлласа-маса-да бўлади-ку, бироқ бу унинг асосий шиорини белгилайди, яъни ҳар доим ўзидан сўралган нарсанинг ўндан биригагина рози бўлади.

Иккимиз йўлакка чиққанимиздан сўнг Устознинг юзларига мамнунлик аломатлари югорди:

- Жавобни олдик. Муддат масаласини эса ўз холимича ҳал қилаверсак бўлади.

Шундан кейин биз Устоз қайдандир, кимнидир алдабми, ялинибми топиб келган "Жигули"га ўтириб "иш-га жўнадик.

Мақсад аллақандай курилиш муассасасида бош хисобчи бўлиб ишлар экан. У ишлайдиган ташкилот билан қизиқиб ўтирадикки, бунинг бизга алоқаси кам. Қолаверса қолган кутганларини йўл-йўлакай аниқлаб кетаверамиз, деган фикримиз ҳам йўқ эмасди. Ўзи аслида ҳар доим шундай бўлади: барча нарсани бирданига билиб олмоқчи бўласанку, бироқ ҳеч вақони билолмай қоласан, ёки эшитган барча ахборотларингни ёдингда сақлаб қололмайсан. Сақлаган тақдирингда ҳам, калланг бунча кўп маълумотларни қабуллаб, таҳлил қилолмайди. Бош деганлари ҳам Салимнинг компьютерига ўхшаган бир нарса бўларкан. Унинг олдига бирор нарсани ёзиб бер деб борсак, уч қатор ёзиб, анча пайт кичкинагина экранга термулганча, жимиб қолади. Сабабини сўрасанг, ахборот кўплик қилаяпти, ўйлаяпти, дейди. Шундай пайтларда принтери бўлмасаям, барибир ўзимнинг каллам яхшироқ экан, деган тўхтамга келиб қоламан. Ўйлаб ётмайди. На осилиб ётган симлари бор ва на электр керак. Кечаю-кундуз баҳоли қудрат ишлайверади.

Зиёд ака икки қаватли гиштили бинонинг ёнига келиб тўхтаганимиздан сўнг, мени тепага чиқариб юборди. Унга бунчалар очиқ-ойдин иш қилмайлик, деганимга қарамай, бошқасига кўнмади.

- Бирор баҳона топиб, жойида ўтирибдими, йўқми, билиб кел. Бўлмаса эрталабки иккита аҳмоққа ўхшаб, ярим кечагача эшикни пойлаб ўтирамайлик... Бу ишда бир марта чув тушдик, шуниси етарли. Эшитган кулоққа ҳам яхши эмас.

Фуқаролар ишлайдиган ишхоналарнинг ёқтирадиган томоним шуки, эшикнинг ёнида ҳеч ким ўтирамайди ва сен қайга кетаяпсан, деб сўрамайди. Бемалол кириб чиқаверасан. Бизга ўхшаганларга эса жудаям куляй, ҳар ҳолда энди баҳона тўкиш учун кириш эшигигача етгучалик эмас, балки янаям ичкарироққача имкон яратилади. Вақтдан ва масофадан ютамиз. Ҳозир ҳам кетиб борар эканман, нима деган баҳона тўқисам экан, деган хаёлда эдим. Бизнинг расмий тилда бунақа гапларни "афсона", дейдилар. Лекин шу сўзга менинг хушим йўқ. Кишини ёлғончига чиқариб қўяди. Баҳона деганлари дурустрок бўлади, бегараз ва хокисорроқ туюлади.

Бинонинг иккала қаватидаги барча эшикларни бирма-бир кўздан кечириб чиқдим. Аксига олгандаи "Бош хисобчи" деган тахтача осилган эшик иккинчи қаватнинг энг чеккасида экан. Унинг рўпарасига келиб, ўпкам-

ни босиб олишга ҳаракат қилаётган пайтимда ҳам ҳали тузукроқ баҳона топмагандим.

Мен эшикни очар эканман, каловланиб қолган бўлишимга қарамай, тилим бу сафар панд бермади:

- Ассалому алайкум! – дедим бурро қилиб. – Садир домла... Кечирасиз, ўша киши йўқмиди бу ерда?

- Йўқ экан-ку! – шундай дегунча, шарт эшикни ёпиб кўйиб, орқага қайтдим. Мақсад деганлари гап нимада эканлигини англомай ҳам қолди. Бадтар бўлсин.

Ўзини қийнаб турган саволга ижобий жавоб олганидан кейин Устоз бироз нафасини ростлади ва енгил ҳаво чиқарди. Ўпкадан, албатта. Кейин томдан тараша тушгандай сўради:

-Ранги қанақа экан у ярамаснинг?

Савол кутилмаганда берилгани учун, довдирадим:

-Тушунмадим, қайси маънода?

-Одамнинг рангини қанча маъноси бўлиши мумкин? – саволга савол билан жавоб берди Зиёд ака.

-Оддий, - дедим ранжиган бўлиб. – Монголоид. Ҳабаш эмас ҳар ҳолда.

Менинг жавобим Устознинг асабига тегди. У тишларини қаттиқ ғижирлатди, аммо ич-ичидан ўзига "қўй, шу аҳмоқнинг бўлари бўлган, энди бундан ортигини кутиш мумкин эмас", деган ўйда индамади. Ўзимнинг аҳмоқлигим даражасини бироз ортиқча қилиб кўрсатаётганингимни англаб қолиб, гапимнинг орқасини тўғрилашга киришдим:

- Ўша – суратдаги кишига айнан ўхшаб кетаркан. Бирок рангли. Туси буғдорянгинг соядга ўтиравериб оқаргани, заҳилроқ. Қанақалигини аниқ билмайман, криминалистика дарсида бунақа туслар тўғрисида аниқ бир нарса дейишгани йўқ. Қўзлари қисиқроқ, сочи нимжон ва сийрак. Пешонаси кал, десаям бўлаверади, аммо сизничкачлик эмас. Сал беҳроқ.

Мен аҳмоқ яна довдирилгимга бориб қўйдим. Айтилган гап – отилган ўқ, қайтариб олиб бўлмайди. Кечирим сўраш эса айни вазиятни икки баробар оғирлаштириб юборади. Буни бір-икки бор тажрибадан ўтказиб, синааб кўрганман. Шу сабабли индамай, бақрайиб туравердим. Аслида жағим тинмай, саннаб турганимда Устоз ўзининг шахсига тегиб кетилганини пайкамай, қулогининг ёнидан ўтказиб юбориши ҳам мумкин эдику, бироқ аксига олгандай айнан мана шундай ҳолларда гап анқонинг уруғига шафе бўлиб кетади. Каллаю ақл ўзларининг борлигини, тўғрироғи йўқлигини эслатиб қўядилар.

- Сен бола ҳаддингдан ошаяпсан. – Устоз тишларини яна бир бор ғижирлатди. - Неча марта айтдим, менинг олдимда соч, калла ва ҳатто жун ҳақида ҳам гапирма деб. Сен галварс эса билганингдан қолмайсан. Билиб қўй, агар яна бир марта шулар хусусида менинг олдимда маҳмаданалик қиласиган бўлсанг, бошлиқка айтиб, қўриқлаш хизматига ўтказдириб юбораман, юрасан хина кетди, сақич кетди қилиб. Бу борада ҳазиллашаётганим йўқ. Расмий устозинг бўлганим сабабли ҳам гапимга бошлиқ ишонади ва айтганимни қиласиди. Шунга мажбур. Синов муддатинг тугаши билан мен билдиригি орқали ахборот беришим керак, шуну биласанми?

Шу одамни тушунмадим – билгани мен билан тортишиш. Бекор қолди дегунча, топгани шу. Гоҳо тушумай қоламанки, мен келмасимдан бурун у ким била мана шундай майман-чаллак айтишиб юрган экан. Энди аста-секинанглайманки, бу киши асосий вазифаси кутиш бўлса-да, шу нарсага тоқати йўқ экан. Шу сабабли бўш қолди дегунча менга сассиқ гапларни қилиб, айтишиб ўтираркан. Ҳам саёҳат, ҳам тижорат деганларидай ҳам вақт тез ўтади, ҳам айтишиб оламиз.

Шундай қилиб, анча вақт бир биримизга навбат бер-

май, саннашиб ўтиридик. Бу орада қаттиқ огоҳлантирилган бўлишимга қарамай, гапнинг мавзуи Зиёд аканинг калласига тўрт марта келиб тақалди. Менинг синов муддатида эканлигим беш марта эсланиб, икки марта ишдан эртагаёк ҳайдалиб кетишим мумкинлиги эслатилди. Бир марта эса инсоннинг шахсини топташ учун жиноий жавобгарликка тортилиш мумкинлиги хусусида эслатиб ўтилди. Гап айнан мана шу – Жиноят кодексига келиб тақалганда жиноий ҳуқук мавзусида мен ўқимоқчи бўлиб турган маърузанинг қоқ белига тепиб, пиллапоялардан Мақсад тушиб келди. Кўз қиrim шу томонда бўлганли сабабли уни дарров кўриб, эгнидаги оқ тусли, енги калта кўйлагидан танидим. Чап кўлим билан жағларини икки ёнга обориб-опкелиб мускулларининг чигилини ёзиб, янги ҳужумга шайланётган Зиёд аканинг биқинига туртдим ва кўзларим билан эшик томонга ишора қилдим. Бундай пайтларда бизнинг сұхбатларимиз дарров ниҳоя топадио, иккимиз бир хил фикрлай бошлаймиз. Бу сафар ҳам шундай бўлди.

Мақсад ўзининг "Жигули"си билан еттинчи микрорайонга келиб, 15-уйнинг иккинчи подъездига кириб кетганда Устоз иккимиз анча нарида, қари терак орқасида машинани тўхтатганча, бармогимизни тишилаганча қолавердик. Мен Зиёд акага қарадим, у киши менга. Бунақа ҳолатларга биринчи марта тушишимиз эмаску, бироқ ўзимизча ҳозир бу бирор-бир гўзални олиб, ресторанами, кафегами, бирор ерга майшат қилгани боради, деган ўйда эди. Бирон бунинг нияти ўзгачага ўхшайди. Машинани бир чеккага қўйиб, кулфлаганидан тез орада қайтиб тушадиганга ўхшамайди. Бундай кузатишлар қанча узоқ давом этаверса аниглаш мушкул бўлган саволлар шунча кўпаяверади. Энди биз бу подъездда турувчиларнинг барчасини ўрганиб чиқшимизга ва Мақсад кимнинг олдига келганини аниқлашмизга тўғри келади. Ана ундан сўнг бу миссиянинг мазмун-мақсадини билиш мумкин. Бу эса айтишга осон.

-Бориб палакатнинг балонини төшиб келайнми? – дедим жаҳл билан Устозга.

Зиёд ака ушбу таклифда аллақандай пухта ўйланган тадбирнинг бошланишини кўрдими, умид билан термулди:

-Хўш?

-Нима "хўш"? Фақат бизлар қийналиб ўтирамизи бу ерда, анатиям жазосини олсин-да, — дея таклифи изоҳладим.

-Бунақа аҳмоқона ишларни хизматдан чиққандан кейин қилиш керак, шундайм ишхонадан узоқроқча бориб. – Зиёд аканинг ҳафсаласи пир бўлганди. Сенинг гапларингга қулоқ осган менинг ўзим аҳмоқ, дегандай ҳафсаласизлик билан кўл силтади. - Бўлмаса одамлар милиса жинни бўлиб қолиби, дейди. Тушундингми?

-Бўлмаса анати чинорга чиқиб, хонадонларни бир кўр кўздан кечириб чиқсан қандай бўларкин? Ҳар ҳолда учинчи қаватгача кўриб чишик имкониятига эга бўламиз, — яна бир таклифни муҳокамага ташладим.

-Одамлар нима дейди? Ҳали ҳатто қўёш ҳам ботмади-ку?

-Қўёшга қараб иш тутадиган бўлсак уч ой ёзда бирорта ҳам жиноятчани тутмаслигимиз керак эди... Одамларнинг эса биз билан неча пуллик иши бор, сантехникман, японларнинг усулини кўллаб, канализацияни дарахтдан олиб тушиш имкониятларини қидирайпмиз, дейман. Бўладими?

-Нима, ростдан ҳам японлар канализацияни дарахтдан туширишадими?

Бу қанақа одам ўзи? Ҳозиргина айтиб турибман,



одамларни чалғитиши учун деб. Бунинг эса дарров лакқа тушганини қаранг. Одам деганлари ҳам шунақа содда бўладими? Яна менга жиноят-қидириув фаолиятининг ўзига хос томонларидан дарс бермоқчи бўлади.

-Японлар тентак бўлибдими, дараҳтни саситиб. Айтдимку, шунчаки гап, деб.

-Билмасам, худди ростдай гапирасан-да ўзинг ҳам.

-Шундай қилиб, нима дейсиз?

-Менимча бўлади. Дараҳтга чиқиш процессуал қонунларни бузиш ҳисобланмайди-ку, тўғрими? Мабодо товоқ бориб қошиққа тегадиган бўлса биз айборд бўлиб қолмаслигимиз лозим.

-Йўғ-э. Бир жойда бу хусусида ўқиганим йўқ, домлаларимиз ҳам лом-мим дейишмаган.

-Бўлмаса олға! - деда Устоз жарангдор оҳангда. Кейин фамгин ҳолда кўшиб кўйди. - Агар битта яримтаси пайқаб, бошни қотирмоқчи бўлса, орқага ўгирилу, яна олға! Мен бу ерда машинани шайлаб тураман... Ҳар эҳтимолга қарши, пока сен дараҳтдалигингда анави буғалтирингнинг машинасини филдирагини дамини чиқариб кўйсан ҳам бўларди. Орқамидан кувадиган бўлса, масала чуваллашиб кетади... Майли сен кетаверчи, менинг ўзим бу ерда, каллам ишлаб қолгудай бўлса, бундан ҳам ақллироқ бирор иш қилиб кўярман.

Устознинг мана шунақа ўзини катта олиб гапириши менинг кўнглимга сира ўтиришмайди. "Каллам ишлаб қолса..." эмиш. Бир-икки марта ишлагандай гап қила-ди-да шу матаҳни.

Дараҳтга чиқиб, тўртинчи қаватгача барча уйларга мўраладим, шубҳали нарсани кўрмадим.

Пастга тушиб, уст-бошимга қараб ўзим кўрқиб кетдим: ҳаммаёк ҳозиргина тракторнинг тагида қолиб кетгандай бир неча қават чанг. Шу ҳолда мени ҳеч ким, ҳатто туккан онам ҳам оператив вакил демаслиги аниқ... Айнан шу фикр мени янада хавфлироқ foяни ишлаб чиқишига ва амалга оширишга туртки бўлди: нариги томондаги хонадонларга ўзим кириб чиқаман. Телевизорларнинг антенналарини текшириш учун келгандим, десам бўлади. Одамлар ўйлаб, гапнинг тагига етиб бўлгунларича керакли ахборотларни олишига улгурман.

Ушбу ажойиб foяни Зиёд акага тасдиқлатиб олмоқчи бўлдим-ку, бироқ у киши мингирилаб, ўзининг тажрибасидан мисоллар келтириб, аллақандай маслаҳатлар бериб, рози бўлгунича вақтдан ютқазишмиз аниқ. Колаверса менинг бу ўзбошимчалигим, иккимизнинг ўзбошимчалигимизнинг бевосита мантиқий давоми сифатида тадбирга жойлашиб кетаверади.

Ўзимнинг фикрлаш қобилиятимга қойил қолганча биринчи қаватдаги эшикни қаттиқ тақиллатдим. Жуда илҳомланиб кетган эканманки, хаёлим ҳам бироз қочиб, ўзимни қаерда эканлигимни унутиб кўйибман. Ичкаридан "ким?" деган овоз келди. Ўзим ўйлаб топган тадбирдан руҳланиб кетибману айнан унинг моҳияти нимадан иборат эканлигини ёдимдан чиқариб кўйган эканманми, файриихтиёрий бир тарзда "милицияданмиз, очинг" деб юборибман. Бошимга бир бало келадиган бўлса албатта тилимдан келса керак. Буни илгарироқ англаган эдимку, бироқ айни пайтда яна ёдимдан кўтариған экан.

Ичкарида қарас-курус қилиб нималардир синди, пачоқланди. Гап нимада эканлигини англаб олгунимча, гуппиллаб айвонча деразасидан кимдир ўзини пастга ташлаб юборди. Зудлик билан ташқарига чиқиб, милициядан қоммоқчи бўлган кишини ушлаш чорасини кўришим лозимлигини англаб, орқага ўгирилиб, бир чоммоқчи бўлдим-ку бироқ бўлмади, оёғим ерга тўшаб кўйилган пол латтага илашиб, юзим билан бетонга йиқилдим. Яхшиям вақтида қўлларимни ўнглаб олдим, бўлмаса Зиёд aka ҳар икки гапнинг бирида эслаб ўта-

ётган - бурундан айриларканман. Шунга қарамай, чап оёғимнинг тиззаси оғир лат еди чамаси, ҳали ўрнимдан туришга ҳаракат қилмасимданоқ бирор мих қоқиб кўйгандай зириллаб оғрий бошлади. Беихтиёр қаттиқ сўқиниб юбордимки, овозимнинг баландлигидан кўни-кўшилар телевизорларини ҳам ўчириб, жим-жит бўлиб кетишиди. Барчалари оғир жиноят содир этилаётганини хис қилиб, гувоҳ бўлиб қолмаслик илинжида эдилар. Одамларнинг бу борадаги фалсафаларини жуда яхши ўрганиб олганман. Аммо бундан менга айни дамда сариқ чақалик ҳам фойда бўлмагандан кейин, нима қиламан. Ундан кўра пол латтага ўралиб йиқилганда қандай қилиб тиззани эҳтиёт қилишни ўргансам бўлмасмиди. Фойдаси кўпроқ тегаркан. Фалсафа эса ҳар доимгидай, ўзининг онг бирламчими, материя? - деган аҳмоқона саволларига кўшилиб, бир пулга қиммат нарса бўлиб чиқаяпти. Ўзи шу фан билан сира чиқишолмайман, ўрта милиция мактабида ҳар доим "қониқарсиз" кўйишгандари етмагандай, қаерга бормайин, ҳар доим бошимга оғир савдо тушди дегунча уни эслайман. Мана ҳозир ҳам ўзим тиззамни чанглаб думалаб ётибману, хаёлимда фалсафа. Бунақа бетайнин, бунақа сур фанни умри бино бўлиб учратмаганданман. Қайга борма, нима иш қилма, албатта суқилиб кираверади. Бўлмаса айни пайтда шунинг мавриди? Тиззамнинг кўзи тарс ёрилиб кетгандай бўлиб турибда хаёлимга. Оғриқдан кўрқаяпман. Бундан ҳам зўрайиб кетса нима қиламан, деган ўй билан ўзимни чўчигатапман.

Мен ўзим билан ўзим курашиб турган бир пайтда деразадан ўзини ташлаган жиноятчи жуфтакни ростлаб қолди чамаси, ундан сас ҳам эштилмай қолди. Тўғри-да, Зиёд aka ҳар доимгидай анқосираб ўтирган бўлса қочиб қолмай, олдига борармиди, мени кўрдингми, деб. Жиноятчилар сизга чироқча талпинган майкўнғиз эмас, лип этиб қочиворади. Ҳолбуки, Устознинг ҳам ялтиллаб ўзига тортадиган нарсаси йўқ, мода кўнғизларга ўхшаб орқа томонидан нур таратмас...

Мен амаллаб ўрнимдан туратиб пайтимда ташқаридан машинанинг вариллаган овози эшитилди. Билолмадимки, бу боя биз орқасидан кузатиб келган Максуднинг машинасими, Устозники. Овозига эътибор бермаган эканман. Менимча, менинг овозимни эшитган Мақсад, ёки Мақсадни кўрган Устоз жуфтакни ростлаяпти. Ҳар иккала ҳолатдаям мен ҳеч кимга керак бўлмаган матаҳдай бу ерда қолиб кетаяпман. Кўнглим шуни сезиб туриби.

Бироқ кўнгил деганлари ҳар доимгидек мени алдаган экан, ўрнимдан турар-турмасим, Зиёд aka ҳаллослаб етиб келди:

-Сенга нима бўлди, пичоқлаб ташладими? - деди келгани ҳамоноқ елкамдан олиб, туришимга кўмаклашар экан, — Қаердан?

-Сизга қолса дарров пичоқлаб кетишса, камига рози эмассиз, — Оғриқдан афтиим буришиб кетаётганилигига қарамай кесатиқ қилишни унутмадим. Буям сут билан кирган шекилли. — Лорсиллаб, қоринни айронхалтадай чайқатиб юрганча, жиноятчининг орқасидан кувсангиз бўлмайдими? Кўлдан чиқариб юборамиз.

Зиёд aka менга жиноятчилар кўл ҳам теккишишмаганларини англаб етгунича анча вақт ўтди. Унгача зинхор қочиб қолган Максуднинг орқасидан боришига рози бўлмади. Ақли етганда эса кеч бўлганди. Икаламизнинг сувга тушган мушукдек орқага қайтишдан ўзга чорамиз қолмаганди. Бу орада тиззамнинг кўзи ҳам синмагани маълум бўлди — оғриқ секин-аста босилганди. Тезда ўз ҳолимга қайтдим. Бу эса Зиёд aka анча газаблантириди. Унга қолса менинг тиззам синганда хўп иш бўларди. Бундан унга сариқ чақалик наф йўқ. Аммо у машинаси-

дан мөнинг олдимга қадар чопиб келганча күнглидан ўтган хаёлларни ёлғон бўлиб чиққани билан сира чиқишли маётган ва менга нисбатан беҳудага кўрсатган озрок раҳмидиллиги учун ўзидан уялаётганди.

Зиёд ака майдончада туриб, уйнинг эгаларига эшикни очинглар, деганча анча бақирди. Ичкаридан ҳеч ким жавоб бермади. Сезиб турибмиз, кимдир бикиниб олганича, нафасини ҳам чиқаришга кўркиб ўтирибди. Далилий ашёлари бўлса, барчасини йўқ қилаяпти. Устоз балкон томондан бориб ҳам бақириб кўрди, бўлмади. У ернинг очиқ деразасидан эса ичкарига киришга кўркдик. Палакат босиб прокурорнинг қўлига тушиб қолгудек бўлсак, бу қилиғимиз учун икки қават теримизни шилиб олади.

-Боя анавининг машинасини дамини чиқарып кўяман, деганга ўхшаш ақлли гаплар қилаётгандингизми? – сўрадим Зиёд акадан ноилож бизнинг бакир-чакиришимизга ҳеч ким жавоб бермагандан кейин орқамизга қайтиб, машинага ўтириб олганимдан кейин, — Ўзим ҳам ишонмагандим, сизнинг каллангизга бунақа ақлли гаплар сифаслигига. Айтганимдай бўлиб чиқибди.

-Шу калла билан қандай килиб қишдан чиқсансан? – Устоз кимдандир эшитган гапини тақрорлади. – Яхшиям дамини чиқарип қўймаганим, бўлмаса Мақсуд қочиб кетмаганида нима деган одам бўлардик. Ўладиган хўкиз болтадан тоймайди, деган гапни эшитмаган-мисан? Худди шундай бўларди. Гап чувалашиб кетиб, ҳаммасининг ости очилиб кетса, ана унда кўрардинг томошанинг каттасини. Унинг қочиб кетгани бизнинг омадимизнинг юришганидан бошқа нарса эмас.

Эртаси куни арталаб ишга келганимда телефон ҳеч ким гүшакни кўтармаётганидан асабийлашган, жаҳли чиққандай берилиб-берилиб жиринглаётганди. Эгангга ўхшамай ўл, дедим ичимда. Устознинг столи устида эмасми, мен телефонни уники деб ҳисоблардим ва шу гап билан сўкканда уни назарда тутаман.

Гүшакни күттаргандым, нариги томондан таниш жувоннинг майингина овози эштилди:

-Алло, бу сизлармисизлар?

-Бизлар! – Ахмоқона саволга ахмоқона жавоб бўла-ди-да.

Бу Замира опанинг овози эди. Буни жавобни бе-
риб қўйганимдан кейин, бироз калламнинг пумкокла-
ридаги хотира қатламини титкилаб топдим.

- Кечи нима иш құлдиларингиз? – жувоннинг овози-
дан аллақандай вахиманың хиди уфуриб турарди. –
Поччангизларни жуда күркитибсизлар. Мен сизлар
билин бу ҳақда келишмагандым-ку.

Қарасам Замира опа бундан бошқа яна алламба-
лоларни гапириб юборадиган. Бизнинг алоқа қанақа-
лиги ҳаммага маълум, бир гапни айтадиган бўлсан-
гиз, бутун маҳалла эшитиб ўтиради ва сиз гўшакни
кўяр-кўймасингиз, ўнта қилиб шаҳар бўйлаб тарқатиб
юборишади. Айнан шунинг учун бўлса керак, трубка
сўзини нуроталиклар тилидаги миш-миш “ӯшак”нинг
олдига “г” ҳарфини кўшиб таржима қилишган. Шуни
эътиборга олган ҳолда ва айби борнинг тиззаси қал-
тирайди, деган мақолга амал қилиб, дарров оғзига ур-
дим:

- Бўлди, яхшиси сиз ҳозир бизнинг ишҳонамизга келинг, қолганларини кейин айтиб берасиз. Телефонда ҳар нарсани бир нарса деб гапириб бўлмайди. Американинг марказий разведка бошқармаси эшитиб қолиши мумкин.

Албатта, бу ҳазилга йүғирилган гап эди. Аммо Замира опанинг ўтакаси ёриладай деди:

-Вой ўлай, мен айтиб кўйдимку, энди нима бўлади? Энди улар сизларга эримининг орқасидан кузатишни сўраганимни хам билиб олишдиларми?

-Йўқ, ҳали билишгани йўқ. Яна бир марта айтсангиз, кейин билишади, — дедим мен ҳам кесатиб, бирор жуда жиддий охангда.

-Худога шукр-эй, – енгил нафас олди Замира опа. Аёл халқи ҳақиқатан тубсизликдан иборат экан. – Бўлмаса мен бир соатдан кейин ишхоналарингизга бораман. Ўша ерда бафуржга гаплашиб оламиз... Зиёд акангиз келганларми ўзи? Лекин эримни бекорга чўчи-тибсизлар, бечора шаҳардан қочиб кетмоқчи. Энди мен нима қиласман? Бошим қотиб қолди. Ҳозир у ишига ариза ёзгани кетган. Менга нарсаларингни тайёрлаб кўй, кўчиб кетамиз, деди.

-Сиз келаверинг-чи, унгача Устоз ҳам пайдо бўлиб қолади. Ўшанда гап нимадалигини ва масалани қандай ҳал қилиш кераклигини келишиб оламиз.

Устоз келганидан кейин унга бўлган гапларни оқизмай-томизмай, бироз пуфлаб, шишириб етказгандим, у кишининг афт-ангори ўзгариб кетди. Ўтирган жойидан туриб, хона бўйлаб юра бошлади. Уни нима бунчалар чўчитганини англаб етолмадим. Одам ўлгани йўқ, тушиб кетибдими, деб қўрқадиган осмон ҳам жойида турибди. Менинг тасалли бермоқ учун айтган тўрт-беш гапим, Устозга ари чаққандай тез ва тескари таъсир қилди: бир шаппат уриб, мажақлаб ташлашга тайёрдай бўлиб, эпчиллик билан мен томонга бурилиб қардию, бармоқларини асабий ўйнатганча (дарвоҷе, унинг шу ҳолатини узокроқдан – дераза ортидан кузатиб турган одам бўлса, Зиёд aka лазигига рақсга тушаяптими, деган тахминга борарди) фикридан қайтиб, сассиз термулиб қолди. Кейин яна юришини давом эттирди. Унинг

бу ташвишини минг хил қолипларга, хулосаларга солиб күриб, барибир тушунмадим. Ҳар ҳолда мен учун юзага келган ҳолатнинг ҳеч қўрқинчли, нафакат қўрқинчли балки, ўйладиган ҳам жойи йўқ эди – бир ҳисобчи хотини билан шаҳарда яшаб юрганди. Бир кун келиб улар кўчиб кетишга аҳд қилдилар. Шу. Бу ерда икки оператив вакилни ташвишлантирадиган, ўйлантирадиган ҳеч вақони кўрмаяпман. Тўғри, шу ҳолатга биз ҳам озгина аралашиб қолдик. Аммо бу аралашувни бошлиқнинг шахсий таркиб билан ишлаш бўйича ўринбосари компьютердаги мукофотланадиган ходимлар рўйхатидан бизнинг исм-шарифларимизни олдин қора қилиб, кейин Delete деган тұғмачасини бир босиб учирив ташлаганидай йўқ қилиб юбориш мумкин, изи ҳам, хиди ҳам қолмайди ва ҳудди онаси аслида шундай туққандай бўлиб тураверади. Аммо мен ушбу ҳолатни Устозга уқтиrolмадим. Менинг компьютер ҳақидаги гапим шахсий таркиб билан ишлаш бўйича ўринбосарга уйғун ҳолда келганлиги сабабли унинг бир жаҳлини ўн қилди, кўркуви эса бадтар кўпайди. Авваллари ҳам Зиёд aka шу лавомзни эшитди дегунча сержун кўлларидаги туклар тикрайиб кетардики, мен ҳам шуни унугиб, айни пайтда мисол келтиришда бироз адашдим. Бу тўғрилаб бўлмас хато эди. Чунки Устоз энди бундан кейинги ҳар қандай гапни ўша Фикрнинг кетини суваш учун айтиляпти, деб қабул қиласкеради. Шу сабабли жим ўтиришдан ўзга чорам колмаганди.

Кейинроқ англаб етдимки, Зиёд ака бунақа ишларда таъжрибали ходим сифатида иккимизнинг ўзбошимчалик билан тутган ҳаракатимиз керакли одамларнинг кулогига етиб борса, ёки ошкор бўлиб кетса балога қолиб кетамиз деган хавотирда экан. Ўз ҳаёти давомида шунга ўхшаш, яъни ўзбошимча ҳаракатларнинг кўпини кўрган бу инсон бунақа ишларнинг натижаси нима билан якунланишини жуда яхши билади. Менга ўхшаган, ҳаётнинг аччик-чучугини тотмаган йигитларга эса гап бўлса, КИЗИК-

қизиқ воқеалар бўлиб турса... Қолгани билан неча пуллик ишим бор.

Замира опа бир соатга қолмай етиб келди: рангидан ранг қолмаган, гапираётган гапларини адогига етолмайди, ҳансираган. Зиёд ака уни шу ҳолича – хона ўртасида серрайиб турганича кутиб олди. Кейин бироз ўзини босиб, жойига ўтиб жойлашгач, жувонни ҳам ўтиришига таклиф қилди.

Маълум бўлишича, кечака эри Мақсуд ярим кечаси кўркиб-писиб, олазарак ҳолда кириб келибди ва ўзининг орқасидан милиция тушганини, кимнидир ўлдиришда гумон қилишаётгандарни айтиби.

- Тонггача вос-восларга ўхшаб, тўшакда қалтираб чиқди, - деди Замира опа. - Ҳаво иссиқлигига қарамай, эшик-деразаларни беркитиб қулфлаб олди. Жудаим кўрқкан. Даров кўчиб кетамиз, ҳеч ким қайга кетганимизни билмаслиги керак, деяпти. Ўзи ишдан бўшаб келиш учун кетди.

Биз зўр бериб жувонга гап нимадалигини, эрини у даражада кўрқитмаганимизни ўқтироқчи бўлдик-ку, бироқ натижаси бўлмади. Эридан унга ҳам юқсан кўринади ваҳима касали, бирор нарса қилинглар, у кўрқмасин, дейди бизларга. Бу борада бизнинг кўлимиздан нима ҳам келиши мумкин? Бунақа ҳолатларнинг барчасида одам ўзигина ёрдам бера олади, холос. Ваҳимаси асоссиз бўлгач...

Бир томондан олиб қараганда, Мақсуднинг ҳаракатлари бизнинг нақадар бўш ишлашимизни, ўз касбимизни яхши билмаслигимишни, маҳоратимиз етмаслигини билдириарди, ахир бор-йўғи у билан икки мартағина дуч келдик-ку, у эса аллақачон бизнинг кимлигимишни ҳам билиб қўйибди. Ҳар икки ҳолатда ҳам мен билангина дуч келган. Иккинчи ҳолатда эса фақат овозимнигина ўшиттан, холос. Эшикнинг орқасидан туриб, у мен эканлигимни билиши мумкин эмасди-ку...

Булардан келиб чиқадиган хulosса шу эди: биринчидан, Мақсуднинг хотираси жуда кучли. Иккинчидан, ҳамма ишни мен расво қилдим ва шундан келиб чиқадиган яна бир хulosса - касбий малакам жуда паст. Учинчидан, ортиқа ваҳима ҳам кўп нарсаларни ҳал қилиб юбориши мумкин экан. Устоз ўтиrolмай қолганида тўғри йўлдан кетаётган экан.

Аммо бу хulosalar билан вазиятни ўнглаб бўлмасди. Улар ўз йўлига ва энди кейинги шунга ўхшаш ҳолатларда ва амалий фаолиятимизда фойдаси тегиши муумкин, агар ҳаммаси яхшилик билан тугайдиган бўлса.

Зиёд ака бошини қашлаб, гўёки энди нима иш қилиш кераклигини ўйлаб ўтирганда (аслида эса у бундан сўнг нима қилиш кераклигини ўйлаётганий ўй, чеккадан қараганда шундай туюлишига қарамай қилиб қўйган ишларимиз учун шусиз ҳам сийрак соchlарини юлаяпти) менинг ўшитган, бўлган воқеаларни солиштириб, таҳлил қилишга киришдим. Мен учун негадир Мақсуднинг "мени қотиллиқда айблашаяпти" деган гапи қизиқиш ўйғотди. Унинг орқасидан кимнидир кузатса бу қотиллиқда гумон қилинайти дегани эмас-ку. Мақсуд буни жуда яхши билса керак. Эҳтимол гап бизда эмасдир... Бунинг остида бошқа маъно ётган бўлиши ҳам муумкин. Яна ўша гап – айби борнинг тиззаси қалтирайди, деганларилик Мақсуд ўзи билан милициядагилар қизиқаётганини англаб, қилиб қўйган айби ёдига тушиб қолгандир. Ваҳиманинг асосида ҳам шу ётган бўлиши мумкин. Мен ушбу фикримни Устозга маълум қилиш ва шундан келиб чиқсанча фаолиятимизни давом эттириш учун Замира опани кеткизиш тадоригига тушиб қолдим. Аммо булар иккиси икки етим кўзига ўхшаб бир бирларига умид билан боқиб ўтирадиларки, менинг гапларим қулоқларининг ёнларидан ўтиб кетаверди. Устоз Замира опани ёқтиришини жуда яхши билардим, аммо

уларнинг айни дамдаги ўтиришидан жувон ҳам Зиёд акага нисбатан эътиборсиз эмаслигини пайқадим. Аммо бу ҳолат мени қувонтирмади – азалдан жуда рашкчи йигитман. Эри бор жувоннинг мана шундай қилиб юришини сира ҳазм қиломайман. Ноилож, ўз фикрларимни тиниқлаштириб олиш, хulosalarimni давом эттириш ва бир тўхтамга келиш учун ташқарига чиқиб кетдим. Шундан ўзга чорам ҳам қолмаганди – Устоз менга ортиқа одамдек қараашлар қилаётганди.

Ташқариди – бино йўлагида нима қилишни билмай, у ёқдан бу ёққа бориб келиб турсам, кўшни хонада турувчи ҳамкасларимиз келиб қолишиди. Уларнинг орқасидан сурдарили кетавериш ниятим йўқ эдику, бироқ тунов кунги қотилликнинг очилган-очилмаганини билиши иштиёқи кўнгилга тинчлик беравермагач, ҳазилхузул билан уларнинг хоналарига кирдим.

Уша қотиллик масаласи негадир бошлиқ унча кўп эсламай кўйганди. Бўлмаса унинг ҳатто товуқ ўғирланса ҳам очилмагунча жойида ўтиrolмай қоладиган одати бор эди. Бу сафар эса худди ушбу жиноят қўшни вилоятда содир этилганда тинч, бамайлихотир, ўзининг майдада-чўйда саволлари ва муаммолари билан кўл остидагиларнинг асабига тегиб ўтиради. Айнан шу сабабли ҳам биз Устоз иккаламиз бекорчиликдан кимларнидир кузатиб, шаҳардан кўчиб кетишига сабаб бўлиб ўтирибмиз. Агар бошлиқ тапшириқлар бериб, ижросини қаттиқ туриб талаб қилганида бошимизга тушиб үтирган манави кўргуликлар йўқ эди. Аслидаку, буларнинг барчасини кўргулик, демаса ҳам бўлади. Аммо Устознинг буларни ўзига жуда яқин олиши ва асабийлашаётгани мени ҳам вазият жуда жиддий, чамаси, деган хulosaga бориб қолишимга сабаб бўлмоқда.

Бу икки нафар ҳамкасбимизга эргашишимдан яна бир мақсад, Мақсуднинг хотинига айтган гапларининг остида ростдан ҳам ҳақиқат борми, йўқми, шуниям бир текшириб олиш эди. Тўғри-да, бекордан бекорга йўлакда ўтганинг ўроғини, кетганинг кетмонини олиб ўтирганча, фойдали иш билан шуғулланган дуруст. Фойдала бўлмаган тақдирда ҳам, зарари тегмаса керак, деган ўйдаман.

Бу икки қария (милицияда 40 ёшдан ўтганинг қариялар бўлади. Худди армияда 20 ёшли йигит кексарган ҳисоблангандай) бошқаларнинг ишларига кўпам аралашавермайдиганлар хилидан эди. Шу сабабли ҳам уларнинг айни пайтда нима ишлар қилаётганини ҳеч ким билмайди, ўзлари билан ўзлари машгул, бирор билан ўртоқлашмайдилар. Назаримда, ўзларини бошқалардан юкорироқ ҳам оладилар. Тўғри-да, улар жуда ваҳимали бўлинмада – қотилликларга қарши кураш бўлинмасида ишлайдилар. Бизга ўхшаб транспорт ўғрилиги билан шуғулланмайди. Бу ёгини сўраб келсангиз, шаҳарда йилига 5-6 та ҳақиқий қотиллик содир этиладиган бўлса (қолгандарини шундай демаса ҳам бўлаверади – маст бўлиб ўртоғини пичоклаб қўйган, тўйда ҳамтовориги муштлаб бошини ёрган, ошинг шур деб хотинини жонига зуғум қилгандарни бу ҳисобга кўшмаса ҳам бўлаверади. Булар ўлишга ҳам, ўлдиришига ҳам арзимайдиган ҳолатлар), деярли барчасини бизлар кўплашиб очиб берамиз. Икки ўттада буларнинг гупириб юришлари ортиқча.

- Ҳа, - деди хонага қирганимиздан сўнг катта оператив вакил, қотмадан келган, пешонаси бироз кал бўлиб қолган Восит ака (лақаби Чалпаклигини айтганди). - Хонада ўтиравериб ҷарчадингларми? Орқалар ҳам қадоқ бўлиб кетгандир? Биласанми, кимнинг қаери кўп ишласа ўша жойи қадоқ бўлиб кетар экан. Фан буни

тасдиқлаган. Дейлик маймуннинг кети – дарахтнинг тенасига чиқиволиб ўтиришни яхши кўради-да, түяниг кўкраги ва панжалари. Сен, Зиёд иккаланларники ҳам маймуннидай гап бўлиб қолди, чамамда. Эртадан кечгача хонага кириволиб ўтирганларинг ўтирган. Шу бўлишларингда ҳеч иккапланмай штабга ҳайдаб юборса бўладиган. Шунга тайёр бўлиб қолдиларинг... Опервакил деганлари худди ёлғиз бўридан бўлиши керак – тинимсиз изланиши, ҳаракат қилиши ва санг-иб юриши лозим.

Чалпакнинг умумий биологияга йўғрилган оператив хизмат хусусидаги ярим чала илмий маърузаси шу ерга келганда узилди. Айни шу пайт унинг назари менга тушганди ва энсам қотиб тургани шундайгина нигоҳларимдан ифодаламоқда эди, чамамда, шу сабабли бас қила қолди. Тўғриси, унинг маймунлар тўғрисидағи мисоллари менинг таъбимга унчалар ўтиришмаганди. Агар ўрта милиция мактабида ўқиб юрган пайтларимда мактаб бошлигининг шахсий таркиб билан ишлаш бўйича ўринбосари бизни ҳайвонот боғига саёҳатга олиб чиқмаганида ва мен ушбу жонзотларнинг орқалари тўғрисида тасавурга эга бўлмаганимда, ҳатто хурсанд бўлишим ҳам мумкин эди. Бироқ баҳтга қарши мен ушбу жонзотлар хусусида бироз тасавурга эга эдим ва бу ҳолат мени қувонтирумади. Аммо бир нарсадан кўнглим тўлди: милиция мактабидан берилган ҳар бир сабоқ ҳаётда барибир ўз ўрнини топиб, фойдасини бериб келмоқда.

-Лекин ёлғиз бўрилар ҳам иккитадан бўлиб юрмайдилар, – эътиroz билдиридим мулоим қилиб. Бу пайтда улар ўз ўринларига ўрнашиб ўтириб олгандилар. Мен ўртада қаққайиб қотиб қолдим. Гумондорлар ўтирадиган – синавериб, михланавериб, минг ямоқ бўлиб кетган стуллардан бирига ўзимни ташламоқчи эдимку маймунлар тўғрисидаги гап иззат-нафсимни сақлаб туришми талаф қиласди.

-Бу буйруқ талаби. – Чалпак сиёсатдан олди. – Уни бузишга ҳеч кимнинг ҳаққи йўқ.

-Бўриларга тил теккизилмасин, - гапга суқилди Исом деган оператив вакилимиз. Унинг лақаби Пўстак эди. Сезганингиздек анча-мунча сержун йигит эдики, унинг олдида Устознинг жунлари номаъкул еб қолади. Маймун тўғрисидаги мисолни айнан мана шу кишига нисбатан келтирса жуда мос тушардики, бироқ бу ер ортиқча ҳазилнинг жойи эмаслигини жуда яхши англаб турганим сабабли тилимни тишиладим. Ахир уларнинг иккаласини ҳам тўпончаси бор, биз эса ҳали навбатчилик қисмидан олишга улгурмадик. – Тўғри гап тукканингга ёқмайди, деганлари чин, аслида. Иккалаларинг уч ойдан бўён бирорта натижага берганларинг йўқ, тўғрими?

-Аслида жуда кўп иш қилиб ташлаганмизку, сизларнинг хабарларингиз йўқ-да, – гапни усталик билан бошқа мавзуга буриб юбориш лозимлигини пайқадим. Ортиқча машмаша кимга керак, – Ўзларингиз тунов кунги қотилликни очдиларингизми? Негадир иси чиқмай кетди?

Минг ҳаракат қилмай, барибир гап танлашда адашгандим. Аслида бу ҳам бир санъат экан, сухбатдошнинг кўнглига тегмайдиган қилиб гапириш. Менга ўхшаган қишлоқдан, бунинг устига ҳатто туман марказидан ҳам 50 километр узоқлиқда, тоғнинг ичидаги жойлашган қишлоқдан чиқсан йигитларга бу санъатнинг барча қир-

раларини илғаб олиш ва усталик билан фойдалана билиш борасида озгина фаҳм етишмайди. Бўлмаса айни пайтда саволни бу тарзда кўймаслик лозим эди. Иккала ҳамкасбим ҳам мен томонга олайиб қаради. Шундагина уларнинг ёлғиз бўрилар эканлигига, бунинг устига оч эканига ишондим: кўзлари одамни ютиб юбораман, дерди. Улар бунақа қарашнинг ҳадисини жуда олишган. Ахир гумондорга мана шундай бақраймасанг ким ҳам ўз жиноятини тан олади. Ҳатто кечаси жойига сийиб қўйган бола ҳам эрталаб туриб, қилган ишини рад этиб, гапни оқшом иссиқ бўлгани, роса терлаганидан бошлайди. Ана шундай пайтларда ҳозиргидай – совуқ ва оч қарашлар қилиш лозимки, айбдорнинг тиззалари қалтираб кетсин. Айни пайтда эса менинг тиззаларим қалтирамади, бироқ барибир нигоҳларимни чеккага олишга мажбур бўлдим.

-Сен биздан ҳисобот талаб қиласяпсанми? – биринчи бўлиб Чалпак гапириди. – Унақа одам ҳали онасидан туғилгани йўқ... Бошлиқдан бошқа, албатта.

-Мақсад деган одамнинг қотилликка алоқаси борйўклигини текшириб кўрдиларингизми? – тўсатдан хужумга ўтдим мен. Йўқ, бу сиримизни очиб ташлаш эмасди. Мен ҳам эсимини еганим йўқ. Агар булар шу одам билан қизиқиб қолгудай бўлса, гапничувалаштириб юбормоқчи эдимки, ана ундан кейин бутун шаҳар бўйлаб Максад деганларини қидириб юраверардилар.

-Сен қайдан биласан? – ҳамкасларимнинг иккаласи ҳам бир овоздан шу саволни беришди. Шунда бу уларнинг асосий сири ва кейинчалик бирдан уришга олиб қўйган туз зотлари эканлигини англадим.

-Ишляпмиз,- дедим бамайлихотир. – Давлатнинг пулини бекорга еб ётадиганлар хилидан эмасмиз. Ахир биз ҳайвонот боғидаги маймунлар эмасмиз-ку.

-Биз бу Максад деганингни роса уч кун олдин, қотиллик содир бўлгани ҳамоноқ аниқлаганмиз ва кўлга олиш чораларини кўриб қўйганмиз. – Чалпак паст кетгиси келмай мақтанди. – Бир-икки марта сухбатлашиб ҳам келдик. Хозирча далилларимиз камроқлиги сабабли кўлга ололмай турибмиз, бор фактларга эса прокурор кўнмайди. Лекин далилни топамиз. Албатта топамиз, прокурор ҳам ўсал бўлиб қолади.

Мен ичимда ўзларинг ўсал бўлиб қолмасанглар гўрга эди, деб ўйладимку, лекин тилимга чиқармадим:


- Мана, сиз, Восит ака (албатта уни ҳеч ким сухбат чоғида Чалпак, деб чақирмайди. Ҳатто, назаримда, у ўзининг мана шундай иштаҳа қўзғатувчи, ажойиб лақаби борлигини билмайди), катта-матта оператив вакильсизку, лекин бир нарсани фаҳмига етмайсиз. Агар сиз у билан бир-икки марта сухбатлашган бўлсангиз, аллақачон жиноят изларини йўқотиш чораларини кўриб қўйган, яширинишга ҳам улгургандир.

Давоми келгуси сонда.



Вафо ФАЙЗУЛЛО

ЖОН ЙЎЛИНИ ЯШИРГАН АРМОН



Кетдим турналарнинг изидан
Шамол уясида ёрни қолдириб.
Афиф гунчаларнинг қони қизиган...
Ўзимдан сўзимни тондириб.


Тавба, юрагимни сўрайди очун,
Тош асрига узанган ёдим.
Одамови жийда ушлаган қамчи,
Кўнглингизга кирмаган додим.

Қайтаманми, билмадим ҳабиб,
Ой тушида менинг ўрним бўш.
Тонг оттунча Бухоро гарип,

Кунботтунча мендан айри хуш,
Хайр энди оқ ғозли кўча,
Зилзласиз қулаган девор...

Нигоҳингга олтин дош тушди,
Тонг уйғонди - кимё саодат.
Ёлворасан сен ўғил күшни,
Софинади гўзал ҳалокат.
Тегранг гуллар курган адован,
Яқин роҳга ачинмай кўйдинг.
На бир сир бор, на бир аломат,
Кимни сўйдинг, кимни ўлдиридинг?
Базмлардан гунглигинг безди,
Безди сендан аъроф чўллари,
Машъум туйғу ожиздай сезди,
Ўнгни тан олмайди сўлларинг.
Кўлмак теграсида елади
Жон йўлини яширган армон.
Сени ҳамон йўқ деб билади.
Замон, замон, яна бир замон...

Юрак сим-сим оғрип, дунё қоронгу,
Бир кўнгил изладинг сени тушунган.
Юрак сим-сим оғрип, тутдилар оғу,
Узилмай туриб ҳам кетдинг хушингдан
Айрилдинг етмасдан суюнч қушингга,
О, одам изладинг, истадинг бекор,



Қайдадир bemажол қулаган вафо
Сен кетиб борасан, яшайсан ночор,
Йилларинг соврилган, умринг бевафо,
Балки йўқдир меҳр, излайсан бекор.

Мордек судраласан, итдек инграйсан,
Чаёндек чақади аталган дўст-ёр,
Нега ўзинг билмай кун-тун тинмайсан,
Сенчун ҳеч бўлмаса битта одам бор,
Хар касни бўйлайсан, ул деб ўйлайсан.

Балки ака сенга, балкидир сингил
Онанг термулади оламлар оша,
Тушингга киради энг чиройли гул,
Киндик қонинг томған қирлар рошида,
Йиғлаб уйғонасан қани, қайда ул?

Омадинг келмайди, йўлинг ўнмайди,
Қасос олмоқликка етмайди сабот.
Сени армон билар, мардон билмайди
Наҳот бир лаҳзали нажот йўқ, нажот,
Ботирап чуқурроқ ханжарин ҳёт!

Юрагимнинг саҳросига чопдим яна,
Шаҳид кетган лолаларни топдим яна.
Ўз қалбимни ўз дардим-ла ёпдим яна
Баҳор кетди, баҳор кетди...

Очилмаган фунчамидинг хур малагим,
Юрагимга мил тортди-ку камалагим,
Тўнинг бошқа, кўнглинг бошқа капалагим,
Баҳор кетди, баҳор кетди...

Гунгсирадим, мунгсирадим ўлан қани?
Қаҳратонда қасам ичган гулхан қани?
Тирикмисан, келган қани, кетган қани?!
Баҳор кетди, баҳор кетди...

Хушу билан тирикчилик чалғитди тинмай,
Кун яқиндир, гуноҳ яқин ул кундан кўра.
Ҳидоятнинг кавкабида ҳазин, дудук най,
Ҳабиб излар, журми исён бўлгудек жўра,
Ҳақдан кўра, Ҳақдан кўра нимадир имлар.

Илҳом АҲМЕДОВ

Одам ўша, Ҳавво ўша, ўшадир мавлуд,
Янги-янги ранги рангиз сароб жимиirlар.
Ишғол этди дунни қавми, ўзи унут Лут,
Жазо бекор, номус анқо, гозий имиллар.
Оқдан кўра доф таққанлар кўтарган байроқ.

Бўғизланган зариф ишқнинг руҳида ёлқин,
Истиғфордан нажот йўқдай очилган рўза,
Иймонини замонига пуллади оқин,
Керилади дилни сўқир этиб сивизга
Сўздан кўра маънолироқ бешакл имло...

Иблискўнгил Ҳаққа қарши очганми уруш?
Ҳар шом офтоб эврилади ўғри бошига,
Хурриятнинг маҳзани бўш, давлати поймол,
Ким ишонар тонгтacha тун ичган ёшимга,
Шоҳдан кўра номаълум қул беради фармон.

Хушу билан тирикчилик чалғитди тинмай,
Ихлос билан кўзларимни боғлади жаллод,
Аросатнинг қўлларидан сипқараман май,
На хушёман, на маст-аласт, азалми шундай?
Ҳақдан кўра, Ҳақдан кўра нимадир имлар...

* * *

Мен нимадир демоқчи эдим...
Афсус қайтарибман сўзингни.
Билганини балки билдиридим,
Ким такрорлар менинг ўзимни.

* * *

Шундай донолар бор, кўзга илмайди,
Филча дардинг билан эмассан пашша,
Мен ҳам одамман-ку, тушун, биродар,
Рұксат олганим йўқ сендан яшашга.

* * *

Карвон кетиб қолди, нағмаси нолон,
Эртани эгаллади кечаги ёлғон.
Асрү учқур ва ҳур орзулар қани?
Ҳалол насибамиз наҳотки армон.

* * *

Жанг бошлайман десам ушладинг қилич,
Фуссани ардоқласам юбординг севинч.
Илдиз отсам ерда ойни кўрсатдинг,
Қўкка кетмоққа ҳам қўймайсан-ку ҳеч.



ТАШЛАНДИК

Хикоя

— Шодиқул, ҳо-о Шодиқул! — овозини барадла қўйиб
чақирди Искандар ака. Кейин бетоқат бўлиб дарваза-
ни итарди. Аммо дарваза мустаҳкам берк эди.

— Шодиқ-у-ул, ҳо-о Шодиқул Шўро...

Искандар ака аччиғи чиқиб, тоқатсизлик билан
Шодиқулни хаёлан сўкарди. Аслида бунга ҳукумат
бўлишни ким қўйибди ўзи? Юрaverгин эди ўша зав-
хозлигингни қилиб, касалхонадагиларнинг ризқига ше-
рик бўлиб.

— Шодиқул дейман-эй. Тура қолмайсанми? Дўм
деган бир марта чақирганданоқ лаббай деб чиқса...

Искандар ака Шодиқулни овоз бериб чақираверган
билан уйғота олмаслигига кўзи этиб, елкаси баравар
келадиган бетон тагдевор ёқалаб юрди. Аммо дераза-
ларнинг бирортасига кўли етмади. У кўча томонга ўтиб,
нимкоронгуликда оёғи билан пайпаслаб муштдек ке-
ладиган тош олиб олди-да, деворнинг одам бўйидан
юқорироқ кумшувоқ қисмининг уч-тўрт ерига дукилла-
тиб урди.

— Ҳа-а, ҳозир... — деган бўғлиқ овоз эшитилди ич-
каридан. Кейин ўртадаги деразанинг юқорисидаги туй-
нукча очилди. — Ким у?

Атроф қоронғу бўлса ҳам, Искандар ака туйнукчада
Шодиқулнинг шишинкираган башараси пайдо бўлган-
лигини сезиб, ижирфанди. Ювуқлими, ювуқсизми,
қарайверар экан-да.

— Тез бўл. Ювиниб чиқ. Гап бор.

— Айтавер-да.

— Бу ёққа чиқ дейман, зарил гап бор.

Искандар ака қайтиб давоза томонга йўналди.

Ярим тунда одамнинг дилини хуфтон қиласидиган
шунака хунук иш чиқиб тургандা, тонг отдими, отмади-
ми — нима фарқи бор? Бу ёқда бало тақалиб кептур-
маса, бошимга ураманми сени ярим тунда?

Дарваза сезилар-сезилмас қалқиди. Сўнг шарақ-
лаган овоз эшитилиб, дарча очилди. Тобора сўнаётган
шип-шип қадам товушлари кимнингдир узоклашаётган-
лигини билдириб турарди.

Оббо ярамас-эй. Юз-қўлини чайқамасдан эшик
очибди-да. Ё хотинимикан-а? Битта ёстиқдошнинг бо-
шини еб, ёшгинасига уйланиб олганига қаранг. Энди
туни билан... тўймайди-ю, бирор чақиргандага туриш
малол.

Искандар ака дўм чиққунчалик фурсатни ўтказиш
учун кўчанинг нариги томонига шошилмай ўтиб, носи-
ни тупурди. Кўройдин кечада на у томонда, на бу то-
монда одам қораси кўриниар бирор сас йўқ, фақат қаер-
дадир итнинг хургани кулоққа чалиниб қоларди.

Елкасига сочиқ ташлаб олган Шодиқул дом кўрин-
ди.

— Намунча? — деди у йддао билан.

— Ана уни қара.

— Нимани? Ҳеч нарса кўрмаяпман-ку.

— Яхшироқ қарагин. Ху ана, толнинг тагида, оқариб
турибди-ку.

Шодикул ака ошнаси кўрсатган томонга ҳар қанча синчиклаб қарамасин, ҳеч нарса кўра олмади.

— У нима эди ўзи?

— Бола.

— Бола?

— Ҳа, бола.

— Қанақа бола?

— Чақалок.

— Қанақа чақалок?

— Ким билсин қанақалигини, ишқилиб, чақалок-да.

— Тирик болами?

— Билмадим. Ўлик бўлса керак.

— Ёпирај. Бирор ташлаб кетганми?

— Шуни айтаман-да. Ўз кўзим билан кўрдим. Бир аёл ташлаб кетди.

— Қачон?

— Ҳозир. Томорқага сув очмоқчи бўлиб чиқаётган эдим. Аёл қораси кўринди. Кўлидаги тугунчани толнинг тагига ташлади. Кўзимга алвости-палвости кўриндими, нима бало, деб кўрқиб кетдим. Калимани қайтариб, хушимга келгунимча гойиб бўлиби. Индамай уйимга кириб кетаётган эдим-у, қизиқиш ўлсин, қайтаб бориб қарасам, узунчоқ тугун. Секин бир учини очиб қарасам бола.

— Юр қани.

— Бу, албатта, бирорта бузук аёлнинг иши. — Валдирай бошлади олдинга тушган Искандар ака. — Нега бўлмаса боласини ташлайди? Яна келиб-келиб менинг деворим тагига-я. Мелиса чакириб, ўша аёлни топтиришимиз керак.

— Мелисани аралаштириб нима қиласан?

— Топиб жазоласин-да.

— Хў-ўп, ана, топиб жазолайди. Қамайди. Э-э, оттириб юборади ҳам дейлик. Бундан сенга нима фойда?

— Ия-а?! — Искандар аканинг кўзлари қисилди. — Нима бало, тарафкашлик қиладиган бирорта одамдан гумонинг борми?

— Бе-э, кимдан гумоним бўларди?

— Шуни айтаман-да. Нега бўлмаса...


Искандар ака жимиб қолди. Тўхтаб, ошнасининг кўзига қаради. Сўнг иккала қўлини белига тираб, кеккайганича бошини ликиллатди.

— Хў-ў, бир йили, қаерданadir келиб қолган анави Шурага илакишанингга ўхшаб... а? Эсидан чиқиб кетган деб ўйлайсанми? Ҳечам-да. Ўша йили касалхонанинг ҳам, уйингнинг ҳам деворларига мих билан тилиб, катта катта ҳарфлар билан “Шодикул кўшув Шура” деб ёзиб чиқкан мен эдим. Билдинг?

Шодикул ака индамади. Нима ҳам дерди, ҳаммасига ўзининг лақмалиги сабаб. Жўра деб, одам куригандай, келиб-келиб шу аҳмоқча сир бериб ўтириби. У бўлса, бутун сирини элга достон қилиб юборди. Мақтанмай ўл-а... Шодикул ака қадамини тезлатди.

— Ўша дёворларни суватиб ташлаганинг билан, эл унутади деб ўйлайсанми? Йў-ўк, биродар. Одамларнинг оғзига лойсувоқ уролмайсан-ку. — Искандар ака ўзининг гапи ўзига нашъя қилиб, янада авжланди. — Ўтмишга лой чаплашга сендан бошқалар хўп уриниб кўришган-у, лекин халқнинг оғзига элак тутиш ҳеч кимнинг кўлидан келмаган-да. Аммо сен бало экансан-эй. Қандай қилиб бир думалаб дўй бўлиб олдинг-у, “Шодикул Шура”дан “Шодикул Шўро”га айландинг кўйдинг. Койилман-эй. Бор давлатингнй ишга соглан бўлсанг керак-а ўзинг ҳам? Бир йилда ҳам амал, ҳам одамларнинг оғизига қопқоқ урдинг, ҳам ўзингни ўнглаб олдинг.

— Энди... Шу гапларнинг мавриди эмас-да, Искандар, — Шодикул акаининг овози мулойимлашди. — У



вақтлар ёш эдик. Орадан қанча сувлар оқиб кетди. Ундан кўра, жувонмарг бўлган ўша гўдакнинг савобини олайлик. Бечора аёл ҳам мажбур бўлгандирки, шу ишни қилган-да. Шу... мелиса-пелиса деб ўтирамай, ишни ўзимиз ҳал қилиб кўя қолайлик, жўра. Майли, харажатлали мендан. Гўрковга ҳам ўзим айтаман.

— Ҳоо-оо, бир балоси бўлмаса... Сенинг бирор гапдан хабаринг бор-ов, — кўрсатгич бармоғини таҳдид намо силкитди Искандар ака.

— Нима гапдан хабарим бўларди? Қишлоқнинг шаънига доғ бўлмасин дейман-да.

— Қишлоқнинг шаъни эмиш. Ўша, қишлоқнинг шаънига доғ бўлаётганини топиш керак-да.

— Топганинг билан нима фойда, а, нима фойда? Бирор сенга раҳмат дермиди?

— Хў-ўй, — Искандар ака яна тўхтаб, қўлини белига тиради. — Ростдан ҳам ими-жимида қўмиб юбормоқчимисан?

— Агар топайлик деб тихирлик қиладиган бўлсанг, ўзим топиб бераман сенга ўша аёлни. Фақат органга билдирамайлик.

— Қанақа қилиб топасан?

— Сўраймиз, суриштирамиз.

— Ва-ха-ха-ха-ха! — Искандар ака кўзлари қисилиб, мириқиб кулди. — Билган “фалончи” деб кўрсатади. Ўша аёлнинг ўзи ҳам сенинг суриштиришингга “ҳа, бу менинг ишим” деб тан олади. Дарров топамиз-қўямыз, а?

Шодикул ака оёғи остида ётган тошни жаҳл билан тепиб юборди. Тош шағал тўқилган кўчада бир неча бор сакраб-сакраб анча нарига бориб тўхтади. Осоишта тун тошнинг тошга уриб чиқарган чак-чук товушини қаердадир сергак ётган итнинг кулоғига етказди шекилли, бўғиқ овозда ҳуригани эштилди. Унга жавобан қишлоқнинг бошқа томонидан иккинчи ит хурди. Учинчиси бир-икки акиллаб қўйди-ю, итлар овози тинди.

— Менга қара, мелиса чакирсанг ҳам ит билан излайдими? — деди Шодикул ака юзини ит овози келган томонга ўғириб.

— Шунақа бўлса керак.

— Шу... ўзимиз ит билан қидирсак-чи?

— Қани ўшанақа изтопар ит?

— Менда зўри бор, — деди Шодикул ака ошнасининг кўниш-кўнмаслигидан хавфсираб.

— Эплай оладими?

— Бўлмасам-чи. Бир ҳарбий кишидан сотиб олганман. Немис овчаркаси.

— Бўпти. Олиб чик, қани.

Ошнаси чиққунчалик фурсатда Искандар акани тури-туман томонларга етаклаган бир-бирига зид хаёллари тилини осилтириб турган итни кўрган заҳоти бўлинди.

— Ха, нега қаққайиб қолди бунинг?

— Бошла-да.

Искандар ака олдинга тушди. Шодиқул дўм унинг кетидан талпинган итининг бўйинбогидан маҳкам тутиб, эргашди. У итини толлардан бирига боғлади-да, нарироқда, Искандар ака бир учини қайириб очган, ариқ лабидаги тугунча устига энгашди. Кечани сутдек ёритиб турган тўлиной чақалоқнинг юзини оқартириб кўрсатар, бўйнидаги, эҳтимол, бармоқ излари бўлган учта доф қорайиб кўринарди.

— Айби нима экан-а бу бечоранинг? Бирорта боласизга бермайдими шуни? — деди Шодиқул ака.

— Шуни айтаман-да. Тирноққа зор оиласлар каммики, бирортасининг эшигига ташлаб кетса.

Шодиқул ака итини ечиб, тугунча томонга етаклади.

— Рекс, хид ол, Рекс.

Ит унга бир тикилиб, яна тескари қаради. Сўнг, эгасининг мақсадини тушунди шекилли, тугунчага яқинлашиб, уни ҳидлади-да, бир неча қадам бери келиб, Искандар акага қараб ириллади. Шодиқул ака бўйинбогни силтаб кўйди. Ит ер ҳидлаб, жойида бир айланиб олди. Кейин яна Искандар акага қараб талпинди.

— Э-э, бунинг ё ҳеч нарсани пайқамайди, ё ўзинг эзлай олмаяпсан. Менга бер-чи.

Шодиқул ака итининг тизгинини ошнасига тутқазди.

Искандар ака тарс ёрилиб кетаёзган ичини бўшатиш мақсадида зарда қилган бўлса ҳам, оғзидан чиқкан гапга эгалик қилиш учун боғични ушлади-да, энди ўзига парво қилмай қўйган итнинг, негадир, тескари томонга юра бошлаганини кўриб, ич-ичидан шодланди.

Ит уларни қишлок оралаб анча вақтгача етаклаб бориб, қийшиқ-мийшиқ пастқам пахса девор ва шохшабба билан ўраб олинган ҳовли оралиғидаги торгина тупроқ йўлкага бурилди. Ит шох-шабба томондан аллақандай шарпани сезиб, кулокларини динг қилиб, қотди. Кейин ўша томонга қараб ириллади.

— Хмм, кўрдингми? — Искандар ака шеригининг бикинига туртди.

— Секинроқ, — шивирлади Шодиқул ака. — Овозингни чиқарма.

— Нега энди?

— Жим-эй. Ана у ерда бирор борга ўхшайди.

Иккаласи тўхтаб, Шодиқул ака кўрсатган томонга қарашди. Шодиқул ака итининг ириллашидан хавотирланиб, тизгинни Искандар аканинг кўлидан олди. Ўн қадамлар чамаси наридаги шохтўсиқ томонда одам бўйи хода энгашиб, яна тиккайди.

— Шошма, яқинроқ келсин, — шивирлаган овоз эшилди ўша томодан. — Итидан кўркма. Ўзим ҳал қила-ман.

— Тўхташди-ку, — деди унга жавобан бошқаси паст овозда.

Хода ёнида одам қораси кўринди.

— Қамар, орқасидан чик, — буюрди хода томондаги киши баланд овозда. Сўнг ўзи шатир-шутир қилиб, шох-шабба устидан сакраб ташлаб.

— Ўлдик, — деди Искандар ака дўмга яқинроқ келиб. — Ана топган қилифинг. Ҳозир ўғри деб ушлаб

олишади.

— Қалтирама, — силтаб ташлади уни Шодиқул дўм.

— Юракдан ҳам бор экан-ку. Бўлгани бўлди энди. — У овоз чиқариб, йўталиб кўйди.

— Кел, келавер, полвон. Ўлдирмасам, сендан кутилмайдиганга ўхшайман.

Шох-шабба устидан сакраб ўтган кишининг овозидан Баҳри эканлигини танишди. Уларнинг орқарогидан калтак кўтарган яна бир эркак пайдо бўлди. Афтидан, бу Баҳрининг боя “орқасидан чик” деб буюрган катта ўғли Қамар эди.

— Тек тур, — деди Шодиқул ака бор овозда хурган итининг тизигинини силтаб. — Жим! Жим бўл, деяман!

— Ие, бу дўмниям етаклаб келаяптими, — деди Баҳри унинг овозини таниб. — Ҳой, Шодиқул ака, сиз аралашманг.

— Шайтонга ҳай бер, Баҳри, бу бечорада нима гуноҳ?

— Нима гуноҳ эмиш. Ўзиям бир-икки ой боқиб кўрсинг, бола ўстиришнинг нималигини тушунади.

— Нега энди сенинг болангни бу боқаркан?

— Туғдиргандан кейин боқади-да.

— Ҳой, Баҳри, — Шодиқул дўм уни шаштидан тушириш учун бироз овозини юмшатса-да, жўяли ҳеч гап топа олмади. — Ҳа, хў-ўп, бола сенга керак эмас экан, ўлдириб нима қиласдинг?...

— Нима-а? — Баҳрининг бақириғидан гўё қўшниси-нинг пахса девори-ю, ўзининг шох-шаббасидан тортиб, фарбга ёнбошлаган тўлинойгача титраб кетгандай бўлди. — У-ур муттаҳамни!.. — Жон ҳолатда Искандар ака ташланган Баҳрининг йўлини ириллаб тўғсан ит калтак зарбидан баттар ҳуриб, кутилмаган зарбдан ўзини йўқотиб кўйган эгасининг қўлидан чиқиб кетди. Баҳри унга чап берга олмаслигига ақли етиб, ўғлига қичқирди:

— Қамар, ур!

Искандар ака калтак зарбидан гангиган бошини химоя қилиш учун иккала қўли билан маҳкам қучиб, додлади.

— Вой боши-им! Мен сизларга нима қилдим?

Қамар унинг овозини таниб, яна уриш учун қайта кўтарган калтаги боши устидан қотди.

— Ие, — деди у ҳайратланиб. — Ота, бу Искандар ака-ку.

— А?

— Бу Салим эмас, Искандар ака-ку.

Шодиқул ака хушини йиғиб, Баҳри билан олишаётган итнинг тизгинини қоронгуда пайпаслаб топиб, жоннинг борича тортди. Ит ҳамон ирилласа-да, ҳар қалай, итоат қилиб, бироз тинчиди. Қамар калтагини тушириб, отасининг ёнига келди.

— Ота, бу кишини уриб нима қиласми? Ахир...

— Нари тур, — йўлини тўсаётган ўғлини силтаб ташлади Баҳри. — Ўшалар юборган-да. Тағин кўрқанидан ит етаклаб келганини қара. Бариир ҳаммасини ўлдираман. Мен аҳмок, тирик болани ўз қўлим билан юбориб ўтирибман-а.

Искандар ака Баҳрининг ҳамласидан паналаш учун ўзини Шодиқул дўм томонга олди.

— Шошма-шошма, — деди Шодиқул дўм, итнинг тизгинини ўз пинжига тиқилайтган ошнасига тутқазиб, Баҳрига яқинлашар экан. — Нима гап бўлди ўзи?

— Нима бўларди? Билмайсизми ўша Салимни? Худонинг берган куни ичади, кейин жанжал қилгани-қилган. Қизимга кун бермайди. Бугун ҳам учта жўраси билан келиб, ярим кечагача үлфатчилик қилишибди. Кейин яҳши қарамадинг деб, хўп дўппослабди. Қизим шўрлик иккита боласини етаклаб, изиллаб йиглаб келди. Бор, уйига ташлаб кел, ўзи боқиб кўрсинг, деб болаларни Қамардан бериб юбордим. Улар борса, фирт маст экан.

Шу кеча ҳамманди үлдираман деб, пичоқ олиб қувлапти. Қамар болаларни ташлаб қочибди. Келиб қолар деб, пойлаб үтирибмиз.

— Хе, жанжаллашмай...

Хўрз қичқирди, унга жавобан бошқаси жўр овоз берди, қишлоқнинг барча хонадонларидағи деярли битта сим билан тулаштирилган радиокарнайлардан чанг садоси эшитилди, бирор сония ўтмай, унга майин оҳанг уланди, элас-элас эшитилаётган итнинг хуриши, қайсири хонадондаги сигирнинг мўраб қўйишига дараҳтлар шохидатунаб бўлган қушлар сайроби қўшилиб, тун ниҳоясидаги сукунатни буза бошлади. Дикторнинг кулоққа зўрга чалинаётган овози тинди-ю, оркестр садоси янгради, сўнг хор ижросида айтилаётган қўшиқнинг дастлабки сўзлари аниқ эшитилди:

Ас-сало-ом...

Шодикул ака эсини танибдики, ҳар тонг ана шундай бошланади: уйуси батамом қочишига ултурмай, кўзини чала очган ўзбекнинг боласи ҳали ўз ота-онасига салом беришига ултурмай, худди ўша боланинг қулоғи остида азон айтилаётгандай:

Ас-сало-ом...

садоси янграйди. Ана шу “ас-сало-ом” садоси ҳаётнинг кундалик бисмилосига айланиб бораётгандай гўё.

Шодикул шу аснода димогига урилган қўланса ҳидан ижирганиб, унинг қаёқдан анқий бошлаганига тушуна олмай, ён-атрофга алантглади.

Кўча четидаги эски пахса деворда бир тартибда ёпиштирилган таппилар оқариб келаётган тонг шульксана сида дона-дона бўлиб қўриниб қолди. Дарчанинг очик турганлигидан хонадон соҳибаси анчадан бери йигилиб қолган гўнгни ҳозиргина деворга ёпиштириб бўлиб кириб кетганлигини англаган Шодикул дўм ошнасига ҳадиксираб қараб қўйди. Хайриятки, Искандар аканинг фикри-ёди битта нарса — итнинг қаёққа бошлаб бориши билан банд эди...

Ит ҳали дарвоза ўрнатилмаган уй олдида тақта тўхтаб, кулоқларини динг қилди.

— Ана! Ана! — деди Искандар ака ҳозиргина кўлига олган носкадисини шоша-пиша шимининг чўнтағига қайтариб солар экан. — Энди топди-ик. Энди топдик, жўра.

— Шумикин-а? — деди Шодикул ака шалвираб.

— Аниқ шу. Ота-она ўлиб кетган, тергайдиган киши йўқ, истаган номаъқулчилигини қиласеради-да.

— Мумкин, — деди Шодикул ака бутунлай бўшишиб.

— Барибири ўзимизнинг қишлоқдан чиқди-да, а?

Кутилмаганда ичкаридан хотин кишининг “Ҳозир, чиқаяпман”, деган овози эшитилди. Иккала изқувар бир-бирларига қараб, бақрайиб қолишиди. Нарироқ кетишини ҳам, шу ерда тураверишини ҳам билишмасди. Орқасидан излаб келаётганинги билгандай, Маликаси тушмагур ўзи “Мана, чиқаяпман”, деб үтириби-я. Хў-ўп, қилган номаъқулчилигини ўзи билгани билан, тан олмаса, бўйнига қўйиш осонми? Ит ит-да, нима учун айнан шу ҳовлига етаклаб келганлигини тушинтириб беролмаса. Аёл кишининг ёмони билан тенг келиб кўр-чи, ё қочиб қутуласан, ё ўлиб. Айтайлик, “Бола сеникими?” деб сўрадинг. “Ҳа” дейди. “Ярми сеникими-ку”, деб тухмат қилиб туриб олса, нима қиласан? Қайтангга, обрўйингни тўkkанинг қолади. Ҳалиям бўлса кечэмас. Эс борида бундан нарироқ кетиш керак.

— Искандар, — деди Шўро паст овозда, дашт томонга қараб интила бошлаган итнинг тизгинини тортиб, — Мана, топдик. Лекин... Ке, кўй, шу билан пачакилашиб үтирамайлик. Ҳалиям бўлса ўша гапим гап, ҳам масини ўзим бажараман...

— Нима-аа-а? — жиддий тортди кўзлари қисилган Искандар ака. — Шу касофатни деб, бекордан бекор

таёқ, еганим қолди. Мен буни шундай қўярмидим? Тавбасига таянтирасам, юрган эканман. Қилиб юрган ишларидан шундоқ ҳам раҳматлик Ҳалимнинг арвохи чирқиллаб ётиди.

— Бўлмаса... — Шодикул ака бўшашибди. Осмондаги ойни ерга тушишга кўндириб бўлар, лекин буни айтганидан қайтариб бўлмас. Ўр, бирам ўр, сил қилиб ташлайди.

— Бўлмаса, ўзинг гаплашасан.

— Гаплашаман ҳам.

— Чиқаяпман, — Маликанинг овози эшитилди ичкаридан.

Зум ўтмай сумкачасининг бандини билагидан ўтказиб олган Малика енгил ҳаракат билан уларга қараб кела бошлади.

— И-е, — деди ярим йўлда таққа тўхтаб. — Сизларку! Мен шерикларим деб ўйлабман. Ассалом. Келинглар.

— Хў-ў, қизгина, — деди иккала қўлини белига тираб, оёқларини кериб турган Искандар ака қовоғидан қор ёғилгудай бўлиб, унинг саломига алик ҳам олмай.

— Қачон ташлайсан шу ҳунарингни?

— А-а?! — Маликанинг қошлари чимирилди, кулгичлари текисланиб, юзи жиддийлашди. — Ташласам-ташламасам сизга нима?

— Қишлоқнинг юзини ерга қаратдинг-ку!

— Хо-оо-о, оп қилиб қолдиларми?

— Албатта-да, — деди Искандар ака шоҳ ташлаб.

— Бошқа қишлоқдан ўйинчи чиқмаганми?

— Улар ўз йўлига. Лекин биздан...

— Шошма, — деди итни қайрагочга боғлаб келган Шодикул дўм Искандар аканинг қўлини ушлаб, унинг сўзини бўлар экан. — Дўй-пўписа қўлмай, сал юмшоқроқ гапиргирин. Ахир, қиз бола деган номинг бор, бундок оп-номусингни ҳам ўйласанг-чи.

— Сизлар айтмасаларинг ҳам биламан, — қўлини силкитди Малика. — Еттита етимчанинг увол-савоби ҳам менинг бўйнимда. Ота-онаси жувонмарг кетди, деб бирор қайгуармиди?

— Давлат бокувчисидан ажралганлик нафақасини бераяпти-ку.

— Ўша берган қирқ сўмига рўзгор қилиб бўларканми? Етмиш сўм ойлигимни кўшганимда ҳам, бир ўзимга етмайди. Уларни едириш-кыйдириш керак, уйлантириш керак, ўқитиши керак. Шуларнинг ўзи бўларканми?

— Қариндош-уругларинг бор, бир томони юртчилик, биз ҳам қараб турмасмиз.

— Бизга садака керак эмас. Қариндошнинг биттаси Ҳамроқул амакимми? Ўз иниси бўла туриб, отамнинг иили чиқмасдан кўмишга қилган харажатларини қисатубириб олди-ку. Хайрият, отамдан пича заём қолган экан, ўшани бериб кутулдик. Яна қаратиш учун докторларгаям қанчадир берган экан, майли, бунисига розиман деб, бизга миннат ҳам қиласди. Ҳаммаям шу-да. Йў-ўқ, тирик эканман укаларимни миннатлик нон билан бокмайман. Сизлар оп қилсангиз ҳам, шу топганим ўзимга ҳалол.

— Бўлди, гапни чўзмай, индаллосига ўтиб қўя қол, — деди Искандар ака.

— Сен айт... айтмоқчи эдинг-ку.

Улар бир бирларига қараб колишиди. Бироннинг ўғрилигини билсанг, юрагинг сезиб турса-ю, ўз кўзинг билан кўриб, ушлаб олмагунингча “сен ўғрисан” деб бўлармиди? Даиліл-исботинг йўқ, қайтангга ўзинг тухматига чиқиб қолишинг ҳеч гап эмас.

— Қизим... — Искандар ака бироз юмшаган бўлса ҳам, гап топа олмай, чайналди. — Ана у... Энди-и, қишлоқчилик. Раҳматлик отанг билан қиёматлик дўст эдик.

— Шунинг учун кечакуун кундуз ҳолимиздан хабардор

бўлиб турасизлар-да, а? Ҳатто тонг отгунча уйимизни ит билан кўриклаб ҳам чиқасизлар.

Ўрнига тушган қочириқдан Шодиқул аканинг қоши сезилар-сезилмас чимирилиб кўйди.

— Гапни бўлмай тур-да, — деди Искандар aka мўйловини бураб кўйиб. — Хабар олишни-ку, унуганимиз йўқ. Лекин шу хулқингдан бироз ранжиб турибмиз-да. Ахир, дўм бобонг айтганидай, қиз бола деган номинг бор. Бирор у дейди, бирор бу.

— Э-э, нима деса деявермайдими!

— Ҳаммаси майлику-я.. Шу юришнинг яна бирор... бирор нарса ортириб олсанг, еттига етимчанинг устига...

Малика қақиллаб кулиб юборди.

— Вой амакилар-эй, — деди у қаҳқаси бироз сусайса ҳам, ҳамон кулгидан ўзини тия олмай. — Шундан хавотирдамиз денглар-а? Вой амакилар-эй. Агар шугина бўлса, ҳечам қўрқманглар. Отамнинг арвохини ўртага солиб қасам ичаманки, мен ўзимга мустаҳкамман. Лекин... — Малика жиддийлашди, — сиз ҳақсиз. Барibir бунга ҳеч ким ишонмайди. Иложим қанча, — у чуқур нафас олиб, уф тортиди. — Пешонамга эр битган бўлса...

— Ҳафа бўлма, қизим, азбаройи куонганимизданда, — деди ийиб кетган Шодиқул aka нима мақсадда саҳарлаб кўча кезиб юрганлари эсига тушиб, Малика-га сезидирмайгина ошнасига "кетдик" ифодасида кўз қисиб, ити томон йўналар экан.

— Ҳа-ҳа — унинг гапини маъқуллади Искандар aka.

— Бошларинг омон бўлса, худо хоҳласа яхши кунларга ҳам етасизлар.

— Раҳмат, амакилар, — деди Малика ёш йилтираган кўзларини артиб. — Уйга кирсаларинг бўларди. Бир пиёла чой...

— Йўқ-йўқ, қизим, бошқа сафар. Ҳали зарур ишларимиз бор, — деди Шодиқул aka дашт томонга талпинаётган итининг тизгинини маҳкамроқ тортиб, унга эргашаркан.

Малика ичкарига кириб кетди.

Орқадан патиллаган овоз эштилиб, шалаги чиқсан аравачали мотоцикл уларни кувиб ўтди-да, кўчанинг деярли охиридаги ҳовли олдида тўхтади. Собир сарикнинг ўртанча ўғли мотоциклдан сакраб тушиб, ичкарига кириб кетди.

— Ҳа-а? — истехзоли илжайди Шодиқул aka. — Айттолмадинг-ку.

— Қасам ичиб ўтирибди-ку, ишонмай бўладими?

— Ҳа-ҳа-а, — масхараомуз хиринглади Шодиқул дўм.

— Ана шунаقا, бирорад. Ҳар кимдан гумон қилаверганинг билан, бетига очиқ айтишнинг ўзи бўлавермайди.

Улар мотоциклинг ёнидан ўтаётгандарига ичкаридан Собир сариқ, орқасидан кампир, ҳозиргина ичкарига кириб кетган ўғли Нурмат ҳамда унинг қайнотаси билан қайнотаси кўринишди. Улар ўз ташвишлари билан бўлиб, ёнгинаридан ит етаклаб ўтиб кетаётгандарга аҳамият беришмади.

Нурмат тепкини босди. Мотоцкл пир-пир этди-ю, ўт олмади.

— Ана улар ким эди? — деди улардан анча нарига ўтиб кетган "изкуварлар"га энди кўзи тушган Нурматнинг қайнотаси Бегимқул мотоциклинг кажавасига ўтраётиб.

Собир сариқ орқасига ўгирилди.

— Шоди дўм билан Искандар-ку.

— Ия, хукумат ит етаклаб юрибдими? — деди Бегим aka.

Оббо, барibir таниб қолишди-да, кўнглидан ўтказди Шодиқул дўм. Унинг кулогига кудаларнинг мазах гап-

лари аниқ-аниқ эштилиб турарди.

— Саҳарлаб нима қилиб юришибди экан?

— Қиладиган бошқа иши бўлмагандан кейин.

— Ўзи жавраб ҷарчаса, итини ҳурдиради-да...

Мотоциклинг париллаб ўтлганидан бошқа гаплар эштилмай қолди.

Оғзига ўнг келганини мана шу саводсизлар ҳам қайтариб ўтираса, деворнинг ҳам кулоги борлигидан кўрқмаса, за-ап қизиқ замонлар бўляяптими. Бурунги, ана у Нурматдай мўйлови энди сабза урган ўспирилик пайтидаги вақтлар бўлганда-ку, бунақа гаплар учун уччаласининг ҳам тилини сугуриб олиб ё пешонаси-нинг қоқ марказидан қарсиллатиб оттирган, ё авахтада чириттириб юборган бўларди-я...

Ит уларни жўрттага овора қилмоқчидай, ҳамон бирор хонадонга дадил кириб бормай, кўчанинг сўнгидаги унчалик кенг бўлмаган майдон олдидан ўта бошлиди. Майдончада ўрнатилган уч-тўртта қийшик-мийшик устуну, икки чеккасида футбол ўйини учун дарвоза вазифасини ўтовчи қўшалоқ тўсиннинг айтмаса, уруғлик лавлагипояларнинг ўйиб ташланганлигини кўриб, бу ерни стадион эмас, колхоз хирмонжой деб ўйлаш мумкин эди. Эгаси кўчиб кетган ҳовлидай ҳолатда бўлиб турган мактабнинг стадион томонидаги деворининг бир неча жойларидан тиргак кўйилган эди.

Ит йигирма қадамларча юриб, мактабнинг олди томонига ўтай деганда қуёш ерда нималар бўлаётганини ҳеч кимга билдиримай пойламоқчи бўлгандаи, рўпарадаги тоғ чўққисидан бир мўралади-ю, барир-бир ўзини сезидириб кўйганлигини тушуниб, секин-секин бошини кўтара бошлиди. У бир тўда ўқувчилар олдида Усмон муаллим билан мактаб директорига дағдаға килаётган Тўра бригадирнинг муомаласидан уяландай, кип-қизарип кетганди.

— Айтиб қўяй, — дерди Тўра бригадир кўлини таҳдиднамо силкитиб, — болаларингиз бугун ҳам кечагидай ишлайдиган бўлса, масалангизни тўппа-тўғри райкомга кўяман.

— Сал андиша қилсангиз бўларди, Тўракул, — деди Усмон муаллим. — Ҳеч бўлмаса, ўқитганимизнинг хурматини қилинг.

— Ўқитган бўлсангиз ойлигингизни олгансиз, — жеркиб ташлади уни Тўра бригадир. — Мен сизларни томорқамга обориб ишлатаётганим йўқ.

Усмон муаллим унга жавобан нимадир демоқчи бўлиб оғиз жуфтлади. Лекин директор уни гапиргани кўймай, кўлтиғидан олиб, нарига етаклади. Шодиқул дўм билан Искандар aka директорнинг гапини эштишмади.

— Мени ҳам тушунинг-да, Мухтор aka, — директорнинг гапини эштиб бўлган Усмон муаллимнинг овози барадла чиқарди. — Кичкинам сариқ бўлиб, бир ойдан бери касалхонада ётиби. Онаси бошида. Болаларга қарайдиган одам йўқ. Ҳеч бўлмаса, тушликка чиқсан вақтимда бир бориб ҳабар олиб келмасам, қанака ота бўлдим?

— Бу ёқда план деган гап бор, касал-пасалингга қарамайди, — деди Тўра бригадир иккала кўлини шими-нинг чўнтагидан чиқармай. — Менинг ўрнимга бир кун планёркага бориб кўринг, кейин биласиз. Далада по-мидор чириб кетаяпти-ю, бу киши боласини пеш қилади. Ўшанинг баҳонасида хотинингиз ҳам ишдан қочиб ётиб олгани етар.

— Онаси бирга ётмаса, касал болага ким қарайди?

— Беш яшар бола ўзини-ўзи эплай олмайдими?

Усмон муаллимнинг юзи газабдан гезарди. У директорни силтаб ташлаб, Тўракул томонга интилди.

— Садқай...

Директор унинг қўлидан маҳкамроқ ушлаб, яна ни-

маларнидир тушунтира бошлади...

— Э-э, кўйсангиз-чи, Мухтор ака, — тутака бошлади Усмон муаллим. — Нимадан кўркасиз бунча? Олса битта директорлигинизни олади-да, шунга шунчами? Сиз ҳам раҳбар бўлиб, бундай мактаб учун курашинг-да. Ўзингизниям, мактабниям, муаллимларниям, болаларниям тоза оёқ ости қилдингиз-ку. Муаллимлар-ку, майли, шўрлик болаларнинг айби нима? Эрта баҳордан экишга ёрдам берса, чопигига чикса, йигим-теримда қатнашса, пилласига ёрдам берса... Ҳали у ёқда пахтаси ҳам бор, икки ой худонинг паноҳида кетамиз кўрпа-тўшагимиз билан. Янги мактаб куриб беришнику, хаёлларига ҳам келтиришмайди. Колхознинг фермаси ҳам шу мактабдан минг марта яхширок. Хеч бўлмаса, ремонтига тузукроқ қарашсин шу колхозингиз, кейин келиб бизга дўқ қилсин. Мана, ўқиш бошланганига ҳам икки ҳафта бўлди, стадионнинг аҳволи ҳамон бу, лавлаги уруғ, сабзи уруғдан бўшамайди. Аввал ўшани ийғиштириб олсин.

— Сизга қолган эмас, — деди сигарет тутаётган Тўракул. — Вақти-соати етса, ўзимиз ийғиштириб оламиз.

— Сенларга қолса ҳаво ширр этгунча ҳам тураверади.

— Керак бўлса, қиши билан ҳам туради, — деди Тўра бригадир кўзларини лўқ қилиб...

Ит сертупроқ кўчага чиқиб ўнгга, Искандар аканинг ҳовлисига борадиган томонга бурилди.

— Бу ит дегани бизни айлантириб юраверса, бекордан бекор санқи́верамизми? Ҳалиям бўлса менинг айтганимни қиласайлик.

— Йўқ, — деди Искандар aka қатъий. — Топмасак, қўймаймиз. Аввал бошданоқ сенинг гапингга кирмслигим керак эди ўзи.

Шодикул aka индамади. Билганини қилсин.

Чўл томонга элтубучи йўл ёқасида гараж қоровули Ҳошимнинг хотини ўн ёшлар чамасидаги ўғли ва ундан каттароқ бўлган икки қизи билан турарди.

— Эрталабдан бу ерда нима қилиб ўтирибсизлар, келин? — деди Шодикул дўм уларнинг саломига алик олиб.

— Машина кутиб ўтирибмиз.

— Йўл бўлсин?

— Чўлга. Ишлагани. Корейслар пиёз қаздиргани ҳар куни шу ердан одам олиб кетаркан.

— Ўзимизникиларгаям ҳашарчилар керак-ку. Шуларга ёрдам берсаларнинг бўлмайдими?

— Буларнинг фирром-да, яхши ҳақ бермайди. Корейс ўзи обориб, ўзи келтириб қўяди. Тушликда гўштлик овқат қиласи, қилган ишингга қараб пулини нақд тўлайди. Яна ҳар иш кунингга катта одамга иккитадан, болаларга биттадан совун, бир пақирдан пиёз беради.

Шодикул aka унга қилган таклифидан пушаймон бўлиб, индамади. Нима ҳам дерди — Хосият келин ҳақ гапни айтаяпти.

Миниб келаётган велисопедидан тушиб, Шодикул дўм ва Искандар aka билан кўришган Аброр муаллими кўриб, Хосиятнинг қизлари ўринларидан туришиди.

— Ҳа, прогулчи, — деди Аброр муаллим қизларнинг каттасига. — Бугун ҳам мактабга бормайсанми?

“Прогулчи” миқ этмади.

— Бормайди, — жавоб берди унинг ўрнига онаси.

— Нима, ўрнида мен ўқийманми?

— Керак бўлса, ўқийвер. Болаларнинг ўқит. Ҳамма катталар билан муаллимларнинг болаларини ўқитавер. Биздан бариб ўқимишли одам чиқмайди.

— Нега унака дейсиз, янга? Агар қизингиз прогул килмаса, синфдаги аълочи ўкувчи бўлади.

— Бу яхши ўқиган билан биз ўқитолмасак-чи?

— Нега ўқитолмас экансиз?

— Нега-а, нега-а?... Дафтар йўқ, деб бир хархаша қиласи, китоб йўқ, деб бир хархаша қиласи. Магазинда бўлсаки, олиб берсам. Шаҳарга тушиб ахтаргани менда пул қани? Яна ҳали катта мактабга кириш учун ҳам фалон пул керак дейишади...

— Дафтар ҳозирча бўлмаса, кўпайиб қолар. Китобни мактаб бераяти.

— Бо-а, ўргилдим. Увадаси чиқиб кетган битта китобни Сайднинг қизи билан иккаласига берибди. Бир кун буниси обориб дарс қиласи, бир кун униси.

— Ҳа, энди, янга... — Аброр муаллим гап топа олмай, чайналди. — Энди... Шу йил шунақа бўлди-да. Келаси йил яхшиланиб қолар.

— Гўрда яхши бўли. Йилдан-йил баттар бўлса бўлятипи, беҳтар бўлган эмас. Буниси ҳам майли. Ана у раз-двачи муаллиминг бўлса ҳар дарсда пўрма кийиб келасан деб қистар эмиш.

— Янга, шу битта пўрма дегани нима? Беш-ўн сўм қаерларда қолиб кетмайди?

— Беш-ўн сўм. Оласан беш-ўн сўмга. Кеча дадаси бозорга тушиб келди. Энг арzonи ўттиз-қирқ сўм дейди. Ўшаниям буни размери йўқ эмиш. Оёғига киядиган ҳалиги тапичкасининг ўзи саккиз сўм экан-а. Бунинг устига патпели, ручкаси, қалами, мактаб пўрмаси, яна бир нима балолар. Бундай ҳисоблаб қарасанг, битта болани мактабга сал одамшавандароқ қилиб юбориш учун кам дегандан юз сўм кетаркан. Менда шунча пул қани? Сенларнинг ойлигинг кўп. Болаларнингга истаган нарсасини олиб бериб, ўқитаверасанлар.

— Янга, битта форма бўладиган бўлса, мен ўзим директорга айтамай, қистамайди. Борсин.

Хосият тумшайиб, юзини тескари ўғирди.

— Яна етим болаларга ёрдам учун уч сўмдан олиб келинглар, деган эмиш. Ўша тирик етимларингни давлат бокиб ётиди-ку, етимдан баттар қишлоқ болаларидан ёрдам сўрагани нимаси. Анави куни бўлса, сувга чўкаётгандарни қутқариш учун пул сўраган эмиш. Товба қилдим, товба қилдим-эй, чўқадиган сувнинг ўзи бўлмаса, кимни қутқарди булар.

Аброр муаллим бир оёғини велосипедининг педалига кўйиб, минишига ҳозирланди.

— Хачча, Мунира билан Сойибагаям айт, боришин. Форма масаласини ҳал қиласириб бераман. Мен энди кеч қолмай борай, ўнинчиларни ишга олиб боришим керак.

У велосипедининг ёғсираган педалини ғичирлатиб “изкувар”ларни кувиб ўтди-да, мактаб томонга қараб кетди.

Ит бўлса тупроқ йўлда аниқ-тиниқ билиниб турган ёлғиз калиш излари устидан борарди. Аёл қишлоқни бир айланниб келиб, дашт томонга чиқсан, кейин ана шу тарафга бурилганига иккаласининг ҳам ақли етди. Иккаласи ҳам нега энди унинг бир қадамгина йўлдан ўтмай, шунча жойни айланниб келганлигига тушуна олишмади.

Искандар аканинг ҳовлиси ёнидан бошланувчи тош кўчага етишганида калиш излари йўқолди. Аёл дашт томонга ўтмай, шу ердан қайтиб қишлоққа кирганлигини сезган Шодикул аканинг кўнгли бироз таскин топди — афтидан, у Искандарни уйидан чиққандай ўрган, кўркиб кетганидан нима қиласини билмай, қўлидаги тугунчани ташлагану қочган. Нарироқда пойлаб турган. Буларнинг ит етаклаб кеаётганини кўриб, қишлоқ оралаб кетган, изини йўқотиб, бизни лақиллатган-да, айланниб келиб, яна боласини олиб кетган. Қанийди шундай бўлиб чиқса. Искандар минг чирангани билан ҳеч нарсани исботлай олмай, тилини тишлаб қолаверган бўларди.

Ит эгасини судраб келиб, ўзини Искандар аканинг эшигига урди. Эски шалок дарвозанинг бир тавақаси гийкиллаб, бироз сурилди.

— Бунинг ўзингга ўшаш фирт аҳмоқ экан-ку, — жаҳли чиқди Искандар аканинг. — Шунча жойни айланиб келиб, яна менинг уйимга тақалади-я.

— Шошма, — Шодиқул ака бирдан хушёр тортиб, кўзлари кенгайди. — Айтгандай, ўзларидаги ҳам қиз бор-а?

— Эсинг жойидами? — бакирди Шодиқул ака. — Битта эрдан безор бўлиб келиб ўтирибди-ку.

— Ит билади, ҳаммасини билади, — деди Шодиқул дўм кўрсатгич баромогини бигиз қилгани ҳолда. — Қани, кирсин-чи, кўрамиз бу ёғини.

Искандар аканинг ҳай-ҳайлашга қарамасдан Шодиқул дўм эрк берган ити дарвозанинг гийкиллатганича кўпроқ суриб, ичкарига кирди-да, супанинг пастидаги вайиш остида кўйилган эски тахта каравот чеккасида ҳолсиз ўтирган жувонга ташланди. Шодиқул ака икки оёгини маҳкам тираб, кучининг борича тизгинни тортиди. Шоира чинқириб, каравот устига сакраб чиқди, лекин тик туришга мажоли етмай, ўтириб қолди.

— Сен... сен.. Ана у бола.. — ғўлдиради Искандар ака кўзлари ола-кула бўлиб.

Шоира миқ этмай, иккала қўли билан юзини бекитди-да, бошини ҳам қилди.

— Бола... Ана у бола... сеникими? — деди Шодиқул ака ўзи ҳам ишонмай, Шоирага қараб ириллаётган итини тортар экан.

Шоира ўша ҳолатда ўтирганича бошини сарак-сарак қилди.

— Гапир. Бўлмаса ҳозир талайди, — деди Шодиқул ака.

— Меники...меники — деди қўрқиб кетган Шоира кўзлари жавдираб.

— Ҳа-а, падаргинангга лаънат-а! — Искандар ака иккала қўлини мушт қилиб силкитар, қизини дўпослаб, оёклари остига мажақлаб тащлагиси келар, дунё кўзига тор кўриниб борарди. — Падаргинангга лаънат-а. Бир марта юзимни ерга қаратганинг етмасмиди-я!

Бундай бўлиб чиқиши Искандар аканинг-ку, хаёлига келган эмас, Шодиқул дўм бўлса, қишлоқдан кимни айтсанг ишонган бўлар, лекин бир шапалоқнинг қасдиға ўзига ўт қўйиб, бадани каштага айланган, устига устак, ажабтур ѹигит умрининг бекордан бекор қамоқда ўтиб, у ёқдан бемаҳал ўлиги қайтишига сабаб бўлган мана бу беандиша сарқитга қайси эркак зоти қўл узатиши мумкинлигини тасаввуринга сифдира олмасди.

— Мана, топди-ик, — деди у кесатиб. — Энди сазойи қиласмизми?

— Шодиқон, балогинангни олай, Шодиқон, — ялина бошлади Искандар ака. — Мен аҳмоқ бошданоқ сенинг гапингга кирмадим-а. Кел, шуни айтганингдай қиласмизлик.

— Хо-о, шунча сарсонимни чиқариб, эндими?

— Айланай, Шодиқулжон. Ахир сен элбошисан. Бу гапларнинг бир учи келиб келиб ўзингга ҳам тақалади-ку.

— Менга бунинг касофати тегиб бўлган. Ўшандаёқ хайфсан беришганди.

— Қишлоғимизнинг шаънига...

— Қишлоқнинг шаънини ўйлайдиган одам етти маҳалла гашиттириб ногора қоқмасдан олдин ўзига қарайди-да.

— Юзимни ерга қаратма, жон жўра.

— Сенда юз қолганми? — итини етаклаб эшикка йўналган Шодиқул дўм шунча вақтдан бери ичидаги ўрган бор аламини чиқарди. — Ерда ётган ўз зурёдинг эканлигиники билмасанг

ЯШАМОҚ АСМАДА

ФРИДАЛИК

ЎХШАГИМ КЕЛАДИ...

Қани энди бўлсан Ширин ё Лайли,
Бўлсан Тўмарисдек ёвкур, сершиддат.
Юрт учун жонимни берайин майли,
Яшамоқ аслида фидолик албат.

Ўхшагим келади Бибихонимга,
Нодира назмида шеърлар ёзолмам.
Зулфия мактабин кўзимга суртиб,
Бир шеърхон меҳрини дилдан қозонсам.

ТЎРТАНИЛАР.

Дунёда кимгадир бойлик, тахт керак,
Фарибу мунисига тўқис баҳт керак.
Учинчи бировлар тирноққа зордир
Кимдир ўзи соғу, фарзанди хордир.

* * *

Сотқинларни шаксиз қарғиш уради,
Бу дунё абадий борин кўради.
Хиёнат қилдими номардлар, Ватан,
Сенга етолмасдан йиғлаб ўтади.

* * *

Кўнглингдан фамларинг ҳайдагин, дўстим,
Дунё яралмаган ғамдан, аламдан.
Сен ўзинг ярату олға юр, мағрур
Беиз кетма асло ёруғ оламдан.

**Шоҳида МИРЗАЕВА,
Жizzah туманидаги
16-мактаб ўқувчиси.**

НУРИЛЛОХ**"Лисон-ут-тайр" ни ўқиб**

Гар ўнгимда қалб янглиг бир чүнг тош уйғонса боққым йўқ,
Бу олам аро бошқа бир қуёш уйғонса боққым йўқ,
Кўрдим-ку, ёр ўшал бедод, дуст кун сайин бегонадир,
Исо тонгига тўргт қибла нурга чулғонса боққым йўқ
Қачон ерга оёқ қўйдим, ҳанузки кўкка муҳтоҗман.

Осмон на шамс ва на кавқаб, ва на моҳ учун яралган,
Замин на-да, уммон учун, на-да тоғ учун яралган.
Қат-қат синоат яралмиш олис сайдерлар қадар,
Қалб учун яралган, аммо бу қалб доғ учун яралган.
Мен шу қалбни куйдиргучи бебадал ўтга муҳтоҗман.

Кошки йитмаса баҳорим, синмаса бошимдаги тож,
Хазон бўлсан гулшанг кўм, гар гул бўлсан гулханг соч.
Очиқ оят деб осмонни, шамсни, ҳилолни кўрсатмай.
Асли ҳайрат водийсида бўлмадим ҳайратга муҳтоҷ,
Жавзога эҳтиёжим йўқ ва на-да, ҳутта муҳтоҗман.

МАНДУЛШИК ЭНГ УЛУФ-ШИДДАТ - КУ, Ё РАБ...

Бас, койима, қуш тилига ҳавас қилма, - деб, - эй, башар!
Қоп-қора парда ичинда асли оғият сўз яшар.
Кирда қолган қизғалдоқни қўйдирар самум жунуни,
То тириклик шами билан қисмат шамоли ўйнашар.
Нетай, чорасизман бунда, ўшал ҳудхудга муҳтоҗман.

ҚУЛБА

Фамзададир кўнгил сингари,
Тун қўйнида қоп-қора сийрат.
Ичиди сир - бу кулба гарип,
Ичиди сир - бу кулба тийра.
Асрларки, маҳлукот мурдик,
Асрларки, занжиман ҳамон.
Кечмишимни бўз каби судраб,
Айланаман кулбани нолон.
Кўкли дунё айлануб сарсон,
Ой ўртантган каби бесамар -
Шу кулба гирдида бемакон
Рухим - ерда булғанган қамар.
То бу кулба мангу бебаёт,
Зулмат ва жаҳолат шоҳиди.
Бунда яшар энг олий жонзор,
Ой нурига қўшилган ҳиди.
Мудом йиелаб ёлбордим Ҳаққа,
Устимдан кўлмасин азозил.
О, коинот сарвари ҳаққи
Мени бу кулбадан халос қил.
Кетай, фақат кетайин бадар,
Хур тонгдан ўзга тонг овутмас.



Қайтмайин то қиёмат қадар,
Мени бу кулбага ёвутма.
Кулба тийра, дил азасидан,
Фам келтирмиш дил топган ўлим.
Унинг қонли деразасида
Титрар олий жонзотнинг қўли.
Тамуғ сари элтгучи фамми -
Кулба фами - сўнгти йўқ ҳасрат.
Раббим! мендан асра одамни,
Раббим!.. мени одамдан асра.

**ИЗСИЗ ҚАТА**

Ким у шафқатсиз сайёд, кўнглимга қилич солди?!
Қатл этди севгимни - солди қора ўлимга.
Бошимдаги мусаффо осмон қорайиб қолди,
Кўлимда қолди ҳилол - қоқ иккига бўлинган.
Мен севгимни кўрмадим, кун эдими, ё тунми,
Фақат илгадим элас, хурлар тушиб фалакдан.
Бахтсиз куннинг ёмғири билан ювди севгимни,
Кафан қилдилар унга оқарган камалакдан.
Йигламадим бу лаҳза, чекмадим оху фарёд,
Гарчи ғавғо кўтарди жинлар садрга тушиб.
Ётар эдим чалажон, ётар эдим бемурод,
Билмас эдим бу қатл қайси дунёнинг иши.
Тан бундоқ қолармиш жон бақога қилса риҳлат,
Билмасдим, шаҳид кўнглим бутми энди ё нобуд.
Ҳайлот, видо сингари оғир ул шафақ узра
Кемадай сузиб кетди гулдан ясалган тобут.
Сезмас эди она ер осмоннинг ярасидан
Зардоб томарди чак-чак - изсиз қатл излари.
Ётар эдим бемурод, сайёллар орасида
Бошим кесилган эди, ҳайрон эди кўзларим.

Бани мардумга чоҳ дунё, жилвакорсан,
Илдаоси кўкни ёргучи дилдорсан.
Не кўзгусан, Ҳақ ёдидан адаштирган?
Бир бағри тош керак сенга, ёбуз ёрсан!
Хастай гирёнман, менга бардош керак.

Шамсга ётман бир ноёб нури толам деб,
Ётман дентизларга қатраи жолам деб.
На ўтда аёнман, на сувда - сўз ожиз.
Мен ҳам олам ичра оламман оламдек,
Менинг ҳам тийра кўнглимга күёш керак.


Керакмас, нурсиз шон бўлса умрим менинг.
Бу кўйи жовидон бўлса умрим менинг.
Ўнгингда оламдек комрон бўлсаму,
Киши билмас хазон бўлса умрим менинг,
Бу айём ичра на тахт ва на тож керак.

Бир дард бордир, мудом сенга малол келар:
Одам изидан одам - хастаҳол келар.
Ҳас қолмагай беҳудуд гулхан ичинда -
Сендан келса, охир, ўти завол келар.
Оқибат Ҳақ шамолидан фаррош керак.


Сенким, азал макри бедод чарх бўласан,
Ўқиб билсам, аламимга шарҳ бўласан.
Кўнглим тўфонида сузар Нуҳ кемаси,
Кўнглим каби кўз ёш тўксам, гарқ бўласан.
Дунё, сени гарқ этмакка кўз ёш керак...

KEMA

Кўрмай қолди Шимол ва на Шарқ билди,
Ул фоже кечадан Фарб огоҳ эмас.
Шиддатли тўлқинда йитди - ғарқ бўлди —
Денгизнинг тубига чўкли бир кема.
Ҳижрон дентизида оҳ уриб мунгли,
Оппоқ елканларга урганча тўшлар,
Оппоқ қанотлари қорайиб тундек,
Мангуга кузатди уни оққушлар.
Кема қай замонда топмишибди завол?
У қайси дентизда йитди, эй Худо!
Нилуфаргулларга сунниб беҳол,
Ул номсиз кемани эслайман мудом.
Кун - денгиз, тун эса дентизнинг қаъри,
Видо кечасида ютдимми қонлар.
Орзум оққушлари қолди мустарив,
Қалбим чўкиб кетмиш аллақачонлар.
Соҳилга чикмоққа етмайди ҳолим,
Тун қаърида қолган озурда хасман.
Дентиз тубидаги кема мисоли
Бир умр Оллоҳга етмасман...



Ортиқ қайтурмагай мендан безорман,
Кечар осон ки, қай кўнгилда озорман.
Мендан сир кўрмайди дўсту фамхорлар,
Мен-да, сир кўрмасман аҳди бозордан.
Кўлимдан туттунча узлатта ёрлар
Ҳам баломан ўзим, ҳам гирифторман,
Ўзимдан безорман!



Бир суруд бағримни ўртайди ҳоло,
Тордир томирларим - бағриқон вола.
Нурдан музроб айлаб куй чалар олам,
Жоним пардасидан чиқар бу нола:
Ҳеч шак ўйқ, қатлингни кўрмайди дорлар,
Ўзим сенинг бошинг боғланган dorman,
Ўзимдан безорман!

Етти қатдир осмон, ер етти қатдир,
Ҳар қат ҳар қатра ёш учун шафқатдир.
Ва лекин жон учун тонг машаққатдир,
Одамман — ўзимни севарман қаттиқ,
Дард кулбасида тинч ётар беморлар,
Армон ҳужрасидан чиқсан беморман,
Ўзимдан безорман!

Мангулик тоғларни айлайди горат,
Вафосиз жиссиминг бу бир ишора.
Гарчи ҳаёт - жангҳоҳ, мен жигарпора
Мангулик - энг улуг шиддат-ку, ё раб!..
Шафақ ҳар шом мени бағрига чорлар,
Азал шаҳид кеттан тан ичра хорман,
Ўзимдан безорман!

Дил ёнади, ёли юзимда ўйнар,
Сояи азми ер юзинда ўйнар.
Бу на бало базми, кўзимда ўйнар?!
Худойим, ўзимни ўзимга кўйма,
Ўзингдан айроман, ўзинта зорман,
Ўзимдан безорман!..

* * *

Ой сайри... На осмон сайри у,
На тун, на каҳкашон сайри у,
Ой сайри - умрлик қасди жон,
Умрлик зимистон сайри у.
Мени кун-кунида ўлдирма,
Мени ой сайрида курбон қил.

Ойдинда ҳилолдай бир дилдор
Тикмиш ўз нуридан гўзал дор.
Ўшал дор ҳажрида ётибман
Шамс тифи остида ярадор.
Мени кун-кунида ўлдирма,
Мени ой сайрида курбон қил.

Бори дун ғанимга ўхшайди,
Оташ ҳамдамимга ўхшайди.
Ҳилолни "уч кунлик" дедим, у
Минг ийлилк ғанимга ўхшайди.
Мени кун-кунида ўлдирма,
Мени ой сайрида курбон қил.

Дил ерда, дил оғат устида,
Дил йиғлар қабоҳат устида,
Мен осмон остида ётибман,
Пешонам жароҳат устида.
Мени кун-кунида ўлдирма,
Мени ой сайрида курбон қил.



БУГУНГИ ДОСТОН ТАМОЙИЛЛАРИ

Достон жанри ўз тараққиёти давомида қатор ўзгаришларни бошдан кечирди. Бу ўзгариш ва янгиланишлар бугун ҳам давом этмоқда. Чунончи, Истиқолол арафаси, ундан кейинги йиллардаги ўзбек достончилигида ижтимоий фикрлаш тарзи хусусий, реал воқеа-кечинмалар тасвирига ўрин бера бошлади. Романтик кўтаринки оҳанг аниқ, реал ҳаёт манзаралари билан алмашди. Энди якка, алоҳида шахс ҳаёти, ўйлари воситасида давр руҳини акс эттириш мумкинлиги лирик достонларда ҳам ўз тасдиини топа бошлади.

XX асрнинг 60-70 йилларида яратилган достонларда қаҳрамон ўз ҳатти-ҳаракатлари билан фаоллик кўрсатган бўлса, 80-90 йиллар достончилигининг қаҳрамони ички кечинмалари-нинг фаоллиги билан намоён бўла бошлади. Шунинг учун бўлса керак, давр руҳини муаллиф шахсияти, муаллиф "мен" и орқали ифода этувчи лирик достонларни салмоли ортди.

Тўлан Низомнинг "Гиря", Икром Отамуроднинг "Сен", Салим Ашурнинг "Атиргул" достонлари шулар жумласидан. Уч авлодга мансуб бу уч шоир достонларида умумий муштарак жиҳатлар мавжуд. Бу муштараклик энг аввало, туйғу ва кечинмаларнинг фаоллигига кўринса, иккинчидан, ҳаёт ҳақиқатини борлигича, бўймай-бежамай акс эттиришларида намоён бўлади.

Тўлан Низом достончилик борасидаги катта тажрибага эга ижодкор. "Гиря" асари унинг ижодидаги етук достонлардан бири. Бу асар композицион қурилиши жиҳатдан ҳам эътиборин тортади.

"Гиря" достонини шоир умр йўлдошининг вафоти муносабати билан ёзган. Қирқ кунлик мусибат тасвирига бағишиланган бу асарда муносабатларнинг самимийлиги, мусибат руҳининг залвори сезилиб турди. Марсия давомида шоир фожеий ҳолатини, кечинмаларни тасвирлар экан, ёзалаётган шакл мусибат кўламини тўла акс эттиришга ожизлик қилаётганини сезади ва турли-туман жанрларга мурожаат қила бошлади.

Маълумки Алишер Навоий гирянинг, яъни йигининг турли хил кўринишлари мавжудлигини "Муҳокаматун лутфатайн" да эътироф этиб ўтади. Йигламоқ, инграмоқ, синграмоқ, сиқтамоқ, ўқирмоқ, инчкимоқ кабиларни форсисда гиря сўзи билан ифодалайдилар. Бошига мусибат тушган одам бир хилда йигламайди, албатта. Руҳий жараённинг маҳсулни бўлган бу қайгу тамойили турли ҳолатларда турлича бўлади. Шу боис Тўлан Низом қалб изтиробини турли шаклларда (маснавий, мусаллас, мурабба, мухаммас) тасвирлайди ва бу усул ўзини оқлади.

*Водариф иқболим забуими чунон,
Дунёдан юз буриб, кулбамга чўқдим!
Қоним сиёҳ бўлди, қалбим сиёҳдон,*

Қирқ кун мушкулотин қоғозга тўждим!

Шоир гиря давомида Навоий, Бобур, Фузулий, Машраб, Муқимий каби шоирларнинг дарчил, ҳасратли ғазалларига мухаммас боғлайди, улуғ шоирларнинг ғазалларидан ҳамдардлик туяди. Фожеа кўнгил тубида чўкиб ётган туйғуларни жунбушга солади, тасаввурдаги кўналғасиз изтироблар туғёни ассоциатив равища моддийлаша бошлайди.

Лирик жанрлар уйғуллиги воситасида достон ёзиш анъанаси ўзбек адабиётида қадимдан давом этиб келмоқда. Бу усулнинг етук намуналаридан бири Хоразмийнинг "Муҳабатнома"сидир. Моҳият эътибори билан лирик достон ҳисобланган бу асарда шоир даврнинг муҳим руҳий - маънавий қиёфасини чизади. Шоир кўнгил кечинмаларини, воқеликдан олган таассуротларини тўлароқ баён этиш учун турли хил жанрларга мурожаат қиласди. Фазал, маснавий, мадҳ, муножот, нома, қитъа шунингдек, фард каби қатор жанрлар бирлашиб яхлит достонни юзага келтиради.

Замонавий достончилигимизда эса бу анъана кучайиб боряпти. Эркин Воҳидов "Руҳлар исёни" достони билан шу усулнинг ажойиб намунасини яратган бўлса, Икром Отамуроднинг "Сен" достонида бу ҳол ўзига хос тарзда намоён бўлди.

"Сен" достони ихчам ҳажмга эга бўлиб, мумтоз достончиликнинг ҳамд, наът, муножот каби шаклларини ёдга солади. Шоир қалб кечинмаларини вазн ва туроқланиши эркин бўлган қоришиқ жанрда баён этади.

*Тўқилади кўнглунг яфроқлари моҳ,
Еллар шиквасида йироқдан-йироқ.
Уч нуқталар-сўлғингина оҳ,
Уч нуқталар-титроқ.*

Икром Отамурод талай шеърларида бўлганида каби достонида ҳам муайян сўзларга поэтик салмоқ юклайди. Бунда сўзлар чўзилган, сиқилган, синдирилган шаклларга киради ва шоирнинг поэтик мақсадини ифодалашга хизмат қиласди.

*Ёлғизлик - сен каби сукун...
Ёлғизлик - сен каби хушрӯй...
Ёлғизлик - сен каби маъюс...
Ёлғизлик - сен каби...*

"Сен" достонида эпиклик белгилари: бирор-бир детал, ҳодиса, факт муҳим ўрин тутмайди. Шу боис лирик қаҳрамон ҳолати ихчам ва сиқиқ сатрларга жо бўлади. Шоир композици-

он яхлитликни сақлаш мақсадида мактуб шаклидан ҳам фойдаланади. Лирик қаҳрамон муайян кечинмалар изҳоридан сўнг мактубга, яъни объектив координат кутби ҳисобланган “сен”нинг хатига эътибор қаратади. Ва шу асосда яна кўнгил манзаралари баёнига ўтади.

Адабиётшунос И.И. Грибушин шеърий жанрларни тасниф этишда субъектнинг обьектта муносабати асосий қоида сифатида қабул қилиниши лозим, деган фикрларни ўтрага ташлайди ва “мен”, “биз” обьект, “сен”, “сиз”, “у”, “улар” обьект қисмлардир, деган холосага келади.

Бизнингча, бу холосани лирик асарларнинг жанрини тайин этишда эмас, балки “мен” ва “сен” муносабатлари ни ойдинлаштиришда қўллаш мумкин. Демак, “Сен” достони “мен” руҳий оламидаги ўзгаришлар силсиласини кўрсашиб асосига курилган.

60-80 йилларда яратилган достонларда, асар мавзуидан қатъий назар, даврнинг ижтимоий-сиёсий муаммоларини кўтариб чиқиши удумга айланган эди. Тўлан Низом ва Икром Отамуродларнинг муваффақияти шундаки, улар бу “удум-“га амал қилишмайди. Интим характердаги асар табиати ҳамиша ҳам публицистик оҳангни кўтаравермайди.

“Сен” достонининг лирик характеристери сиймосида биз курашчанликни, фаолликни, ижтимоий тоялар ташиш хислатини кўрмаймиз. Бу лирик қаҳрамон дардил ҳислари, маҳзун кечинмалари, безовта туйғулари билан намоён бўлади.

Қалбим томирлари илинган

ройши, хоҳиши музтардир.

Софинар хотирлар гурунгин,
армонлар гурунгин истайдир.

Икром Отамуроднинг “Янги достони ифорли... шеъриятта тўла”, -деб ёзди Йўлдош Эшбек.

Лиро-эпик достонларда характер шаклланиш жараёнида кўрсатилса, лирик достонларда шаклланган ҳолда намоён бўлади. Салим Ашурнинг “Атиргул” достони лирик қаҳрамони ҳам шаклланган характер. Шу боис биз бу қаҳрамонни воқеа-ҳодисалар гирдобида эмас, балки ўйлар, фикрлар куршовида кўрамиз.

Руҳий изтироблар куршовидаги лирик қаҳрамон ўз характеристини шакллантирган ижтимоий мухитни, даврни, ўз қалбини, ундаги сезимларни аёвсиз тафтиш қиласди.

Олма Даражат, мунгли ҳофизим,
Минг бир томиримдан кўкарган бурғу.
Халиқимни пайқамай қолди ҳофизам,
Юрагим - заминга санчилган ургу.

Салим туйғулар самимиятини сақлаш мақсадида изчил қоғияланниш тартибида ҳамиша ҳам амал қиласвермайди. Достонда туроқланиш тартиби ҳам бир хил эмас. Шоир ихчам ҳижоли сатрлардан чўзиқ чўзиқ мисраларга зўрикишиз, табиий ўтаверадики, бу ҳол унин шеърларига ҳам хос хусусият. Қоришиқ вазн Салим услубини белгилайдиган кўриниш. “Атиргул” достонида ҳам шу вазндан самарали фойдаланади.

Умуман бугунги ўзбек адабиётида жанрларнинг синтезлашуви достон тимсолида равшанроқ намоён бўлятичи, юқорида кўриб ўтилган достон намуналари буни мантиқан далиллайди.

Шавкат ҲАСАНОВ,
филология фанлари номзоди



Нурали МИСИР

АЙТ...

Шамга ўзин уриб куйган
Висол лаззатларин туйган
Парвонадек бўлолмасам,
Оёғингта бошим кўйиб
ЎЛОЛМАСАМ, ўлолмасам,
Айт, мен нетай,
Айт, мен нетай?!

Лайлосининг сочин силаб
Саҳроларда кулган йиглаб
Ишқ куйида ўша Мажнун-
Девонадек бўлолмасам,
Тизларингта юзим кўйиб
Сўлолмасам, сўлолмасам,
Айт, мен нетай,
Айт, мен нетай?!

Севгилим, сен кимни сўйдинг,
Бехудага ёниб куйдинг,
Ўша ваъдалари буткул
Ёлғонадек бўлолмасам,
Чин суйсаму юрагингга
Йўлолмасам, йўлолмасам,
Айт, мен нетай,
Айт, мен нетай?!

Кўксимдан кўк тутун равон
Муҳаббатни куйлаб ҳамон,
Шодонадек бўлолмасам,
Ўқсишларим совутмакни
Билолмасам, билолмасам,
Айт, мен нетай,
Айт, мен нетай?!




ЯНА...

Яна юрагимга мих урди армон,
Софинглар айлади кундузим тийра.
Тун эмас қўёшнинг ўрнини олган,
Қоп-қора пардасин ёйган хотира.

Аламлар шамоли силаб сочимни,
Хаёллар довули мени муз этди.
Ҳижронинг лашкари кирди бостириб,
Кунларимга бир-бир ўт кўйиб кетди.

Юрагим қонидан тикдинг чимилиди,
Умидим жонидан тикдинг-ку рўмол.
Жойимни жаннатдан тилагин энди,
Номимни бир бора тилгинантга ол!



Икром ОТАМУРОД

Баланд ташмаса манзилнинг
түшиси. Баланд ташмаса
биз умидга олиб кетсан
биз умидга олиб кетсан...

ФАНГИНГ

УМИДИ

Достон

*Ишқ баҳрида дури васл истаманг, эй аҳли дард,
Кўнглунгиз ул нақд ёди бирла хурсанд айлангиз.
Алишер Навоий.*

— Қай манзил сафарига йўл олдинг, умид?

— Армонга...

Бўлмаса, маниям бирга олиб кет!..

— Қай манзил сафарига йўл олдинг, армон?

— Умидга...

Бўлмаса, маниям бирга олиб кет!..

* * *

Анинг умидига боғланди хаёл,
Васлин висолига чоғланди хаёл,
Йўлларнинг доғига доғланди хаёл,
Софиниб-соғиниб тўкилди дилим.

Чарх уриб ўйлари ўйлантиради,
Руҳимни кўкларга бўйлантиради,
Канглумни канглумга сўйлантиради,
Софиниб-соғиниб сўқилар дилим.


Еллар пичиридан пайғомлар кутиб,
Ишонч шевасига бағрини тутиб,
Қамарсиз тун ўтиб, шамссиз кун ўтиб,
Софиниб-соғиниб букилар дилим.

Жоним риштасида тўзимлар тўкин,
Гуллайди қарогим дийдаси ўқин,
Зорига интизор қайрилиб бир кун
Софиниб-соғиниб ўқилар дилим.

Анинг умидига боғланди хаёл,
Васлин висолига чоғланди хаёл,
Йўлларнинг доғига доғланди хаёл,
Софиниб-соғиниб тўкилар дилим...

* * *

Не малакким қилур ҳолимни забун,
ул - хуршида жамол, ул - нарғиз нигоҳ?!



Ул малак - канглумда хўрсинган сукун,
ул малак - канглумда томир отган оҳ!

Мажзуб чилвирлари тўқийди таъбир,

кўзларимга йўллар чангани кўмиб.

Ул малак - канглумда гуллаган сабр,

Ул малак - канглумда фарсада умид.

Давворнинг синиқ тошлари ғич-ғич,

Руҳим қонларига соч ювар ёл-ёл.

Ул малак - канглумда музайин соғинч,

ул малак - канглумда лолагун хаёл.

Дариф тутган васли қирмизи куроқ,

раво кўрган ҳажри маҳзун тасаввур.

Ул малак - канглумда зумуррад сўроқ,

ул малак - канглумда армон деган ҳур.

Не малакким қилур ҳолимни забун,

ул - хуршида жамол, ул - нарғиз нигоҳ?!

Ул малак - канглумда хўрсинган сукун,

ул малак - канглумда томир отган оҳ!

* * *

Хилол мужгонлари - шамшир,

хилол гесулари - дор.

Маним умидимни кесгин-эй, шамшир,

маним умидимни осгин-эй, дор!

* * *

Настарин баргига йилтирайди нур,
настарин мўғжасига шивирлайди сас.

Маним умидима бойлангин-эй, нур,
маним умидима жойлангин-эй, сас!

* * *

Дераза рахини чертади ёмғир,
дераза рахидан бўйлар қалдирғоч.
Маним умидимни кўклат-эй, ёмғир,
маним умидимни кўклат-эй, қалдирғоч!

* * *

Ёбон кунжларига тўшалар кўклам,
ёбон кунжларида ниш урар майса.
Маним умидима яшна-эй, кўклам,
маним умидима яшна-эй, майса!

* * *

Юзин оинасидан таралган нурлар
кўзларимни қамаштиради.
Минг ишва, минг карашма йўрлаб
йўлларимни адаштиради.

Юзин оинасида икки барқ
чақнашлари сеҳрангиз ҳайрат.
Мени ҳижронига қилиб фарқ
истигно бирла яйрап.

Юзин оинасига фунча дудоглар
менгзайди лаъли шаккарга.
Суманларнинг бағрини доғлаб
насимлар чиқади шикорга.

Юзин оинасида обрўлари ё
паришон ҳолима ташлайди каманд.
Нисорига дилим маҳлиё,
нисорига дилим занжирбанд.

Юзин оинасида саф тортган пайкон-
жоним қасдига чоғланган тир.
Анинг пойида жон берар, жон,
жоним анга боғлангандир.

Юзин оинасидан таралган нурлар
кўзларимни қамаштиради.
Минг ишва, минг карашма йўрлаб
йўлларимни адаштиради...

* * *

- Дунё, умид қандайин асрор?
- Дилингдан сўр, дилингдан.
- Дунё, умид қандайин зарра?
- Дилингдан сўр, дилингдан.
- Дунё, умид қандайин жавҳар?
- Дилингдан сўр, дилингдан.
- Дунё, умид қандайин рақам?
- Дилингдан сўр, дилингдан.
- Дунё, умид қандайин сас?
- Дилингдан сўр, дилингдан.
- Дунё, умид қандайин чашма?
- Дилингдан сўр, дилингдан.
- Дунё, умид қандайин жовид?
- Дилингдан сўр, дилингдан.
- Дунё, умид қандайин шажар?
- Дилингдан сўр, дилингдан.
- Дунё, умид қандайин ранг?
- Дилингдан сўр, дилингдан.
- Дунё, умид қандайин ҳақир?

- Дилингдан сўр, дилингдан.
- Дунё, умид қандайин фалат?
- Дилингдан сўр дилингдан.
- Дунё, умид қандайин куш?
- Дилингдан сўр, дилингдан.
- Дунё, умид қандайин равиш?
- Дилингдан сўр, дилингдан.
- Дунё, умид қандайин чечак?
- Дилингдан сўр, дилингдан.
- Дунё, умид қандайин сифат?
- Дилингдан сўр, дилингдан.
- Дунё, умид қандайин узо?
- Дилингдан сўр, дилингдан.
- Дунё, умид қандайин толиб?
- Дилингдан сўр, дилингдан.
- Дунё, умид қандайин оҳанг?
- Дилингдан сўр, дилингдан.
- Дунё, умид қандайин риша?
- Дилингдан сўр, дилингдан.
- Дунё, умид қандайин дайро?
- Дилингдан сўр, дилингдан.
- Дунё, умид қандайин партав?
- Дилингдан сўр, дилингдан.
- Дунё, умид қандайин карам?
- Дилингдан сўр, дилингдан.
- Дунё, умид қандайин итоб?
- Дилингдан сўр, дилингдан.
- Дунё, умид қандайин суврат?
- Дилингдан сўр, дилингдан.
- Дунё, умид қандайин кавкаб?
- Дилингдан сўр, дилингдан.
- Дунё, умид қандайин калом?
- Дилингдан сўр, дилингдан.
- Дунё, умид қандайин ошиқ?
- Дилингдан сўр, дилингдан.
- Дунё, умид қандайин курсат?
- Дилингдан сўр, дилингдан.
- Дунё, умид қандайин насим?
- Дилингдан сўр, дилингдан.
- Дунё, умид қандайин ўй?
- Дилингдан сўр, дилингдан.
- Дунё, умид қандайин макон?
- Дилингдан сўр, дилингдан.
- Дунё, умид қандайин савол?
- Дилингдан сўр, дилингдан.
- Дунё, умид қандайин жавоб?
- Дилингдан сўр, дилингдан..

* * *

Дилингдир - умид тарзи,
умид - дилинг тарзинда.

Дилингдир - умид арзи,
умид - дилинг арзинда.

Гар умид дилдан бўлса мосуво,
гар дил умиддан қолса бегонасираб.
Унда умид - букчайган қувоб,
унда дил - қувраган қувра.

Гар умид дилга тўқса озорин,
гар дил умидга ўтказса жабр.
Унда умид - хиёнатлар бозори,
унда дил - гуноҳлар кўмилган қабр.

...Дилингдир - умид тарзи,
умид дилинг тарзинда.

Дилингдир - умид арзи,
умид - дилинг арзинда...

* * *

Бошим тепасида тун
тұхтади. Дараҳтларга илди чодириң.
Бир суқунат олади тин,
бу сукутта тилин ботириб.

Тийрамоҳнинг нигин гуллари -
хазонлар түзғииди чаппа, рост.
Дараҳтлар неча бор туллади,
дараҳтлар неча бор кийди зар либос.

Баркашин бошига чамбарак қилиб
шом еган ой кўрсатар бастин.
Осмон жоми нурларга тўлиб,
тут чачвони сийрилар аста.

Интизор кўзларим термулар мунгли,
чўзилган қўлларим етмайин ранжир.
Куйган канглум, кул бўлган канглум,
армонларинг тизилган зинжир.

Тоқатдан тўқилган канглум ёзуғи,
вужудим тоқатдан йўғрилган кулоҳ.
Канглум - тоқат озуғи,
тоқат ризқи - вужудим, илло!

Йўллар паймони морорлар мискин,
соғинч - синиқ коса, тилак-да гариф.
Канглум - ришталари паришон эпкин
анинг умидини юрар ахтариб.

Анинг умидида бағрим-ай, кабоб,
анинг умидида жоним-ай, тилик.
Руҳим симиргани залил изтироб,
Канглум - лолаи нўъмонин кули.
Рухсорин яширган хушрўй гул -
сабрнинг гайбури бағримни ўяр.
Юлдузлар - соchlари ёйилган сунбул,
тун - күшлари тарқ этган уя.

Дилимда титрайди, тўлғанади рой -
ойнинг шуълалари элаган мушк.
Анинг умиди - энг ҳазин чирой,
анинг умиди - энг муғойиб ишқ.

Бошим тепасида тун тұхтади.
Дараҳтларга илди чодириң.
Бир суқунат олади тин,
бир сукутта тилин ботириб...

* * *

...Ўсиб борар анинг умиди...
Ўсиб борар анинг умиди,
мен анга етолмайман.
Мен анга етолмайман,
ўсиб борар анинг умиди...
Зотан, умидлар кичраяр
вақт ўттан сайин,
вақт ўттан сайин
каптаради
умидларни еб хотирашар.
Не ажабким,
бўйинсунмас сира хотирашарга,

хотирашарга ҳеч бўлмагай емиш
фақатгина анинг умиди.
Дайролар қайрангларга дўнар
тобора,
тобора
қайранглар кўпаяр
дайроларни ямлаб.
Кунлар тиним билмай
елиб,
югуриб,
чопар тунларга ризқ бўлиш пайида.
Тунлар - насибаси эрур кунларнинг.
Ўтар йўлаги - яқин масофа,
узоқ масофа - ўтар йўлаги...
Аслида, умид -да ёлғиздир,
ёлғиздир мұқтадир бул хилқат.
Ўсиб борар анинг умиди,
мен анга етолмайман.
Мен анга етолмайман,
ўсиб борар анинг умиди...
...Кўпчилик нигоҳи тушадиган
кatta кўчаларда, кўпчилик ўтиб, қайтадиган,
ишини битирадиган катта кўчаларда
баданлари яғир симёочларнинг.
Хою ҳавасларга ишқибоз
майда,
фирибгар,
енгил,
ўткинчи,
учар,
лўттибоз,
ёлғон умидлар қалашган
эълонлар, хабарлар, ундовларнинг
ямоқ кўйлакларини киявериб
баданлари яғир симёочларнинг.
Аслида, умид-да ёлғиздир,
ёлғиздир мұқтадир бул хилқат.
Ўсиб борар анинг умиди,
мен анга етолмайман.
Мен анга етолмайман,
ўсиб борар анинг умиди...

* * *

Кўришиш висолми ё кўришмаслик?!
Кўришиш ҳижронми ё кўришмаслик?!
Кўришиш соғинчми ё кўришмаслик?!
Кўришиш армонми ё кўришмаслик?!
Кўришиш умидми ё кўришмаслик?!

Аслида, умид-да ёлғиздир,
ёлғиздир мұқтадир бул хилқат...
Ўсиб борар анинг умиди,
мен анга етолмайман.
Мен анга етолмайман,
ўсиб борар анинг умиди...

...Хув-в,
ана,
боши хам,
сарнитун кетаётган аёл
эҳтимол умид қурбонидир,
умид излаб кетаётгандир эҳтимол,
эҳтимол умид тўсат-тўсат
ситам бергандир унга,
озурда айлагандир синдириб дилин эҳтимол,
эҳтимол умиддан умид ахтариб юргандир?!

Нима бўлганда ҳам,
хув-в,
ана,
боши ҳам,
сарнигун кетаётган аёл
умид излаёттани рост.
Йўл танобин олган шошқалоқ поезд
чўлу биёбонга тушириди уни
ва
кўзғалди
бепарво, бефарқ,
итдан қочган тулкидай бўб,
шитоб билан шошқалоқ поезд.
Шошқалоқ поезд
кўзғалди
нафасидан қочиб изгирин.
Хув-в,
ана,
боши ҳам,
сарнигун кетаётган аёл
гирдига кўз ташламас,
ёнверига қайрилишни хушламас,
шовқин солиб югураётган
шошқалоқ поезд бўлмас хаёлин...
Хув-в,
ана,
боши ҳам,
сарнигун кетаётган аёл умид излайди.
Топармикан ишқилиб,
топармикан ҳайҳотдай
чўлу биёбондан умид?!
Аслида, умид-да ёлғизdir,
ёлғизdir муктадир бул хилқат...
Ўсиб борар аниг умиди,
мен анга етолмайман.
Мен анга етолмайман,
ўсиб борар аниг умиди...
Ўсиб... борар... аниг... умиди...

* * *

Дилим сахросида бир оҳ саргардон,
дийдаси қовжираф кезади.
Кўксига пойини тираган гардон
менинг юрагимни эзади.

Дилим сахросида бир оҳ рисолат
умидин елларга тизади.
Мўстар нигоҳлари зойил хисолат
менинг юрагимни эзади.
Дилим сахросида бир оҳ дили хун,
куриган ёвшандай тўзади.
Фироф заҳи бағрин ўртаган Мажнун
Менинг юрагимни эзади.
Дилим сахросида бир оҳ чирқираб
суқунат мулкини бузади.
Унинг нолалари маҳзун зирқираб,
менинг юрагимни эзади.
Дилим сахросида бир оҳ муқаллар
дардларин расмини чизади.
Жовид хотифидан тўкилган кадар
менинг юрагимни эзади.
...Менинг юрагимни эзади...
.....дилим сахросида бир оҳ.....

.....дилим сахросида бир.....
.....дилим сахросида.....
.....дилим.....

* * *

Кантлуга шафқат қойими қўниб,
хиромоним келсади бир кун...
Ҳасратлар, аламлар заҳроби тўниб,
дилгинам, тутдайин тўқиларди-ку...

Бир кун...
сўзлагайдир дилгинам тўлиб,
бир кун...
хиромоним тинглар сел бўлиб....
Кунларнинг нақадар узунлигини,
тунларнинг нақадар бепоёнлигини,
умиднинг бардошли, тўзимлигини,
йўлларнинг бешафқат, беомонлигини,
дилгинам, ҳижронкуш кунлари кўп бор,
англаб етганини айларди изҳор...

Дунёнинг у билан тайинлигини,
алдоқчи тушларнинг турмуши товои,
анинг умидсиз қийинлигини,
анинг умидсиз ночор, нотавон
дилгинам, ҳижронкуш кунлари кўп бор
англаб етганини айларди изҳор...

Жамоли ёдидин жизлондек куйиб,
анинг умидига ён бераман, жим.
Мен — анинг даллиси, дилимни ўйиб,
дилимнинг руҳида оқар соғинчи...
Бир кун ...
сўзлагайдир дилгинам тўлиб,
бир кун...
хиромоним тинглар сел бўлиб...
Кантлуга шавқат қойими қўниб,
хиромоним келсади бир кун...
Ҳасратлар, аламлар заҳроби тўниб,
дилгинам, тутдайин тўқиларди-ку...
Бир кун... сўзлагайдир дилгинам тўлиб,
бир кун...
хиромоним тинглар сел бўлиб...

* * *

Анинг умидида ўтди бугун ҳам,
Шамс танини ёқди уфқда.
Умидимнинг тутунларидан
армон сизар лахта ва лахта.

Менинг қайсафар ўйларим куяр,
юрагимда азоблар нақши.
Фамларимга лабини кўяр
холсизгина ёнбошлаб оқшом.

* * *

- Қай манзил сафарига йўл олдинг, умид?
- Армонга...
- Бўлмаса, маниям бирга олиб кет...
- Қай манзил сафарига йўл олдинг, армон?
- Умидга...
- Бўлмаса, маниям бирга олиб кет...



ИЖМАНӢ КУТДИЛАР

неларни кӯзлаб...

Туркистоннинг биринчи генерал-губернатори К. П. Кауфман ўлка маорифини ўрганиб чиққач, ерли ахоли-ни руслаштириш учун Н. И. Илминскийнинг Қозон та-тарларини руслаштириш борасидаги фаолиятини Тур-кистонга татбиқ қилиш мақсадида уни Тошкентга так-лиф қилди. Илминский араб, форс, турк тилларини анча мукаммал билган, Захириддин Мухаммад Бобур-нинг "Бобурнома" асарини 1857 йилда Қозонда нашр эттирган туркшунос эди. У Қозон диний академияси-нинг профессори, туркий халқларни руслаштиришга қаратилган маориф тизимини ишлаб чиққан, татарлар-ни руслаштиришда катта тажриба орттирган эди. Тур-кистон ўлкасида очила бошлаган "рус-тузем" мактаб-лари ҳам Илминский тизими асосида вужудга келган эди. Русиянинг мустамлака Марказий Осиё халқлари маорифига муносабати аниқ эди: Волгабўйи, Урал, Кавказ, Кримдаги туркий халклар маорифи тизимига қўллаган руслаштириш сиёсатини Туркистон халқлари маорифи ҳам тадбиқ қилиш. Бу сиёсат Русия маориф вазирлигининг 1869 йилдаги низомида ишлаб чиқил-ган бўлиб, бу низом рус миссионерларининг раҳнамо-си Н. И. Илминский фаолияти заминида вужудга кел-ган эди. 1869 йилда Кауфман Қозонда Илминский билан учрашиди. Илминский Тошкентга келмади. Шу билан бирга фон Кауфман таклифини ҳам ерда қолдир-мади: Русия империяси манфаатлари учун ўзининг энг ишончли шогирдлари ва издошлари Н. Остроумов, М. А. Миропиев, Н. А. Вокресенский, И. М. Софий-скийларни Тошкентга юборди. Уларнинг ҳаммаси 1879 йилда очилган Туркистон ўқитувчилар семинариясида ишладилар ва ўзларини устози Илминский эътироф этган Туркистондаги православ динининг миссионер-лари деб ҳаракат қилдилар. Бу семинария ўлкада бир-дан-бир ўқитувчилар тайёрлайдиган ўкув муассаси эди. Унинг биринчи директори этиб Н. Остроумов тайинланди. 1883 йилдан 1901 йилгacha Остроумов, у бошқа ишга ўтганлиги муносабати билан М. Миропиев, Н. Вокресенский, И. Софийскийлар галма-галдан директорлик қилдилар, 1901-1917 йиллар давомида яна Остроумов раҳбарлик қилди. Умуман, семинарияда Ил-минскийнинг миссионерлик руҳи — буюк давлатчилик шовинизми ҳукмрон эди. Ташкил этилажак рус-тузум мактаблари учун миссионерлик руҳи билан суорил-ган ўқитувчилар тайёрлаш семинариянинг асосий мақ-сади эди. 1879 йилда семинариянинг тантанали очи-лишида Туркистон ўкув юртлари бош инспектори А. Л. Кун қўйидагиларни таъкидлаган эди: семинарияда ерли ахоли болалари ҳам ўқитилиди, аммо мусулмон дини ўқитилмайди.

Илминский Остроумов ҳақида қўйидагиларни ёзди: "У Қозон диний академияси курсини тутатган, у ерда татар ва араб тиллари бўйича менинг ўқувчим бўлган, Мұхаммад дини таълимоти, "Куръон" билан яхши таниш. У қалбан ва илман миссионер. Менинг маъри-фатли дўстим Остроумов миссионерлик инсонпар-варлик асосида факат ҳалқ маорифидагина мустаҳкам асосга қўйиш мумкинлигини яхши тушунади".

Дарҳақиқат, илоҳиёт магистри, Қозон диний академиясининг миссионерлик бўлими доценти Н. Остроумов Илминскийнинг ўнг кўли эди. Н. Остроумов анча билимли шарқшунос бўлган, аммо бу билан, академик И. Ю. Крачковский таъбири билан айтганда, "ilmga эмас сиёсатга хизмат қилди". Н. Остроумов умриниг охиригача рус колонизаторларининг ўлка халқларини руслаштириш сиёсатини оғишмай амалга ошириди. Унинг 1883 йилда ёзган қўйидаги сўзлари Русия мустамлакачиларининг Туркистон маорифи соҳасида амалга оширган сиёсати моҳиятини тўла ифодалайди: "Рус-ларнинг мусулмонларга бўлган муносабатини белгилашда давлат ушбу масалаларини эътибордан соқит қил-маслиги керак: мусулмонлар таълимига муносабатда ўзимизнинг манфаатимиз биринчи ўринда турмоги керак. Биз мусулмонларга нисбатан ҳар жиҳатдан - факат жисмоний жиҳатдан эмас, айниқса, маънавий-ахлоқий жиҳатдан ҳам устунлик мавқеига эга бўлиши-миз керак".

Аммо рус мустамлакачилари бундай руслаштириш сиёсатини амалга ошириш жараёнида маълум тўсик-ларда дуч келдилар.

Ўлкада давом эттаётган исёнлар, ҳалқ озодлик ҳара-катлари, маҳаллий зиёлилар, шариат дин пешволари-нинг норозиликлиари уларнинг ниҳоятда эҳтиёткорлик билан иш олиб боришлиарни тақозо қиласи эди. Шу боис фон-Кауфман ва унинг атрофидагилар бу сиё-сатни босқичма-босқич олиб бориш тарафдори эдилар. Шу мақсадда эски мактаб ва мадрасаларни эъти-борсиз ҳолица қолдириш, маҳаллий аҳоли билан зид-диятга бормаслик учун диний ақидаларга қаттиқ тег-маслик, ҳатто диний мутаассибликни қўллаб-қўлтиқлаш сиёсатини олиб борди. Маҳаллий аҳоли болалари учун рус мактаблари ташкил қилиш, она тилини рус алиф-боси асосида олиб бориц, миллий маданият, миллий маънавият ва адабиёт бўйича иложи борича маъльумот бермаслик, маҳаллий миллат болаларини ўз та-рихидан узокда сақлаш масалаларида Кауфман билан Илминский қарашлари жуда мос келар эди.

1870-1880 йилларда Туркистон ўлкасида мустам-лакачилик сиёсатини мустаҳкамлаш, Русия империя-

сига сидқидилдан хизмат қилувчи кичик амалдорлар тоифасини тарбиялаб етишириш, ўлкада Русиянинг руслаштириш сиёсатини амалга ошириш учун рус-тузем мактаблари оча бошладилар. Ўзбек маърифатпарварлари дастлабки рус-тузем мактабларини кўллаб-кувватладилар, ўзлари катта саъй-харакат билан бундай мактабларни очишга бош-қош бўлдилар. Сатторхон Абдуғаффоров, Инъомхўжа оқсоқол, Шарифхўжа қози, Фурқат, Муҳиддинхўжа қози, Сайдрасул Сайдазизов, Рожий Марғониий, Комил Хоразмий, Исҳоқхон Ибрат кабилар бундай мактабларнинг ҳомийлари, ўқитувчилари, ҳатто фахрий нозирлари ҳам бўлдилар. Бунинг объектив сабаблари бор эди.

Усули ҳижо методига асосланган маҳаллий ибтидоий мактаблар тараққиётдан шу даражада орқада қолган эдики, ҳалқ болалари бир неча йил ўқиш давомида зўр-базўр оддий саводга эга бўлар эдилар ("Мехробдан чайён" романидаги Солиҳ Маҳдум мактабини, С.Айнийнинг "Эски мактаб"ини эсланг). Марказий Осиё мустамлакага айлантирилгандан кейин генерал-губернаторлик шариат қонун-қоидаларининг қай даражада бажарилишини, болаларнинг мактабга боришини, ахлоқини назорат қилувчи раислар, муҳтасиблар лавозимиини бекор қилди. Бунинг устига, маҳаллий мактабларни иқтисодий таъминлашда озми-кўпми ёрдами тегиб турган вақф ерлари мулкларини ҳам рус маъмурлари ўз назоратига олди, факат диний мақсадларга ажратилган қисмигина қолдирилди. Натижада, маҳаллий мактабларда факат диний илмларгина ўқитила бошланди. Дунёвий билимларни ўқимоқчи бўлганлар рус-тузем мактабларига қатнашга мажбур эди. Бу тадбир миллий мактаб таълим мини йўқа чиқарди. Бусиз ҳам маҳаллий мактаблар тубдан ислоҳга муҳтож эди. Табиийки, генерал-губернаторлик маҳаллий ҳалқ маорифини ривожлантиришин, ҳаёлига ҳам келтирмади. Факат ҳукумат тасаруфидаги рус ва рус-тузем мактабларига жуда кам микдорда маблаг ажратиларди, холос. Эски маҳаллий мактаблардаги биргина руҳоний таълим-тарбия билан Ватанни ривожлантириб бўлмас эди. Ўзбек мутафаккирлари рус-тузем мактабларини тарғиб-ташвиқ қиласар эканлар, факат миллат манфаатларини кўзда тутдилар. Бу даврда ҳалқ фарзандлари учун замон талабларига нисбатан жавоб бера оладиган бошқа дурустроқ ўкув муассасаси йўқ эди. Бу ҳақда Сатторхон Абдуғаффоровнинг куюниб ёзган сўзларига эътибор беринг: «ўрусиya тилини ўрганиб, аларнинг китобларида ўзлари топқан илмлар ва бошқа ҳалқдин ўрганган илмларини бизлар ҳам билиб, тириклигимизга нафи етадургон илмларни бизлар ҳам ўз фойдамизга жорий қилур эдик... Мен ҳар вақтда мусулмонларни ўз фойдамиз учун русия тилини ўрганмоқлигинг зарур эканлигини баён қилур эдим. Ул вақтларда Ҳўқанд ҳалқи ўшандоқ улуғ ишнинг фойдасини чандони фаҳмламас эдилар. Зуъмхол(мутаассиб-У.Д.) муллалар ҳам менинг ҳайриятимни қилмас эдилар. Аларга барча янги тартиблар бегона ва ваҳшӣ кўринур эдилар. Алар ул аҳволларда дарвоҷе яхши ва ёмонни(нг) фарқига бормас эдилар».

Баъзи бир тадқиқотчилар, тарихчи олимлар мустамлакачилар томонидан очилган бу мактабларни кўллаб-кувватлаган, ўзбек фарзандларини ушбу мактабларга даъват этган маҳаллий зиёлиларни қаттиқ коралайдилар, ҳатто сотқинликда айблайдилар. Отабоболаримиз бўйнига бундай оғир, аммо ноўрин айбларни кўйишдан бир оз бўлса-да ўзимизни тийишимиз керак!

Агарда Инъомхўжа оқсоқол, Шарифхўжа қози, Муҳиддинхўжа қозилар рус босқинчиларининг малайлари ёки уларга сотилган бўлганларида, 1892 йил Тошкентда юз берган миллий озодлик ҳаракатининг - "Вабо қўзғолони" нинг раҳбарлари сифатида таъқиб қилиниб, Тошкентдан бадарға-сурган қилинармидилар?! Генерал-губернаторликнинг муассиси "Туркистон вилоятининг газети"нинг 1883-1892 йилларда муҳаррир ёрдамчиси ва таржимони Сатторхон Абдуғаффоров шу ҳалқ озодлик ҳаракати туфайли умрининг сўнгги 8-9 йилни ишсизликда, дарбадарлиқда ўтказармиди?

Хонликлар даврида ва ундан кейин ҳам илм-маърифатдан бебаҳра бўлиб келайтган ҳалқ тақдири ўзбек зиёлиларини қаттиқ ташвишга солаётган эди. Улар рус ва рус-тузем мактабларидан ўз ҳалқи манфаатлари йўлида, маҳаллий аҳоли фарзандларини илм-маърифатли қилиш йўлида фойдаланишга, уларни чор ҳукуматининг қабиҳ ниятларига зид келадиган йўлга астасекинлик билан буриб юборишга ҳаракат қилдилар ва бунга қисман бўлса ҳам эришдилар.

Тўғри, бу мактаблар маҳаллий аҳолидан юксак малякали мутахассис ёки кенг маълумотга эга бўлган кишиларни тарбиялаб етишириш мақсадини ўз олдига кўйган эмас, бундай бўлиши мумкин ҳам эмас эди. Академик В.В.Бартолд маълумот беришича, у ердаги ўқитиш шу даражада саёз эдики, буни ҳатто рус зиёлилари ҳам эътироф этар эдилар: "Вилоятдаги рус-тузем ва соғ русча мактабларидан ҳеч бири русча ёзиш ўқида турсин, ҳатто тўғри ўқий оладиган бирорта ҳам маҳаллий ҳалқ қишинини етиширгани йўқ".

Рус-тузем мактабларида ўқитиш савиясининг бу давражада паст эканлигининг асосий сабабларидан бири мактаб иқтисодий базасининг ниҳоятда ночор аҳволда эканлигидир. Давлат ҳар бир рус-тузем мактабининг барча ҳаражатлари учун бир йилга бор-йўғи 700 сўм ажратар эди, холос. Бундай мактабларнинг кўпли маҳсус мактаб учун курилган бинога эга эмас эди, балки бадавлатрок кишиларнинг ижарага олинган ҳовлисига ёки уйининг 2-3 та ортиқча хонасига жойлашган эди. Булардан ташкари, русча ва ўзбекча синф ўқитувчилари деярли баравар ишлашларига қарамай, русча синф ўқитувчисига нисбатан ўзбекча синф муаллимига жуда оз микдорда маош берилар эди. Шунинг учун ҳам бундай ўкув юртлари раҳбарлари ҳукумат маъмурияти олдига ўзбек синфлари муаллимлари маошларини ошириш масаласини кўйган эдилар. 1887 йилда Самарқанд ва Фарғона вилоятлари ҳалқ мактаблари назоратчиси П.В. Прилежаев ўз ҳисоботида кўйидаги фикрларни баён қилган эди: «Мукофот учун белгиланган 100 сўми мулланинг маошига кўшиб бериш маъқулдир. Ана шундагина бир йиллик маоши 220 сўм бўлади. Шундай қилинса, бу вазифага энг яхши кучларни жалб этишига имконият туғилади. Акс ҳолда яхши муллалар моддий жиҳатдан кўпроқ таъминлайдиган мадрасани ташлаб, оз ҳақ тўлайдиган рус мактабларида ишлашга у қадар муҳтож эмаслар». Баъзи жойларда рус-тузем мактаби очиш, унинг зарур эҳтиёжлари учун маҳаллий аҳолидан пул йиғар эдилар.

Рус-тузем мактаблари давлат эътиборидан шу давражада узоқ эдики, бу мактабларнинг ўзбек гурухларини факат биргина дарслік билан таъминлаш масаласи 30 йилдан кейин ҳал этилди. Рус-тузем мактаби дастлаб 1873 йилда Чимкентда очилган бўлса, бундай мактаблар учун атоқли мутафаккир Сайдрасул Сайдазизов "Устоди аввал" алифбо дарслигини 1902 йилда нашр эттириди.

Буларнинг ҳаммаси тасодифий ҳол эмас, аксинча, рус сиёсатдонларининг эҳтиёткорлик билан, ўйлаб амалга оширган тадбирлари эди. Чунки Илминский ўзининг Туркистондаги гумашталарига шундай таълим берар эди: "Ерли халқ орасида бизнинг учун фойдали ва ҳеч бўлмаганда, зарарсиз кишилар русча тилни тутилиб, уялиб гапирадургон, русча ёзганда бир мунча хато билан ёзадургон, бизнинг губернатордан эмас, стол бошлиги (мирзо)-миздан ҳам кўрқадургон кишилар бўлиши лозим".

Лекин шунга қарамасдан, ўзбек маърифатпарварлик ҳаракатининг атокли намояндалари, истиқлол, миллий озодлик учун курашган, жадидчилик ҳаракатида фаол иштирок этган мутафаккирлар Сайдрасул Сайдазизов, Нозимахоним, Ҳамза, Абдулла Авлоний, Абдулла Қодирий, Чўлпон, Боту, Мирмулла ҳамда Мирмуҳсин Шермуҳаммедов ва бошқалар шу рус-тузем мактабларидан етишиб чиқдилар.

Хатто Русия империяси даврида ҳам, шўролар империяси даврида ҳам умри қамоқларда ўтган, Туркистон Мухторияти ҳукуматининг раиси ўринбосари адвокат Убайдуллахўжаев ҳам рус-тузем мактабини тутгатган. Маълумки, Сатторхон Абдуғаффоров 1873 йилда Чимкентда очилган илк рус-тузем мактабининг биринчи ўзбек ўқитувчisi эди. XIX асрнинг 80-йилларида ёк у рус-тузем мактабларининг асл моҳиятини жуда тўғри тушунган, унинг мустамлакачилик, шовинистик моҳиятини, ерли аҳолини руслаштиришга қаратилган сиёсатни кескин, очиқ фош қилган, ушбу мактабни миллий тарбия заминида ўзgartириш, аста-секинлик билан мустамлакачилар ниятига зид йўлга солиб юбориши усуllibарини ишлаб чиқсан эди. 1888 йилда Тошкентда Туркистон ўлкасидаги рус ўқув юртларидағи муаллимларининг I қурултойида Кўқон шахридаги рус мактабининг фахрий нозири сифатида Сатторхон ҳам иштирок этди. (Сатторхон Абдуғаффоров 1879-1886 йилларда Кўқондаги рус мактабининг фахрий нозири лавозимида ишлаган). У ушбу қурултойда чор маъмурларининг маҳаллий аҳолини мажбуран руслаштириш сиёсатини кескин қоралади ва рус мактабларига маҳаллий тил ва мусулмон динидан дастлабки маълумот берувчи муаллимлар жалб қилиш кераклигини таъкидлади: "Рус мактабларига мусулмон муаллимлари киритилиб, унга ерликларнинг болаларини маҳаллий тилда, жойига қараб, сарт ёки кирғиз тилини ўргатиш ҳамда мусулмон динидан бошлангич таълим бериш вазифаси юқлатилса, у вактда маҳаллий кишиларнинг бу мактабга нисбатан ҳаммага маълум ва ҳамма таъкидлаётган ишончсизлиги тутгатилган бўлур эди".

Туркистондаги рус-тузем мактабининг биринчи ўзбек ўқитувчisi Сатторхон Абдуғаффоровнинг бу оқилона фикрлари қурултой раиси, руслаштириш сиёсатининг Туркистон ўлкасидаги ашаддий намояндаларидан бири М.А. Миропиевнинг кескин қаршилигига учради. У Русия маорифи вазири Д.А. Толстойнинг "Туркистон ўлкасидаги давлатга қарашли мактабларда мусулмон дини ҳам, мусулмон тили ҳам ўқитилмаслиги керак" деган низомига ёпишиб олган ҳолда Сатторхонга қарши ўзининг шовинистик қиёфасини кўрсатувчи, умуман рус маъмурларининг Туркистон ҳалқларини руслаштириш сиёсатини ифодаловчи қўйидаги фикрни баён қилишдан уялмади: "Ўз динида мутаасибликнинг мавжудлигини инкор қилувчи мусулмонлар-

га ишонмаслик керак".

Губернаторлик маъмурлари рус-тузем мактабларида ислоҳот ўтказиб, унинг ўзбек синфларида таълим-тарбия ишларини бир оз бўлса-да, миллийлаштиришдан, В.В. Бартолд сўзи билан айтганда: "Маҳаллий халқа ўз она тилида кўпроқ маълупот беришдан ва бу билан маҳаллий халқни руслаштириш ишига зарар етказиб, маҳаллий адабиёт ва маданиятнинг қаттиқ ўрнашиб қолишидан кўрқар эдилар".³

Бу мактабларни очишдан рус маъмурларининг кўзда тутган мақсадларидан қаттий назар, ерли аҳолининг кўзи очилиши мумкин, деган ташвишга уларни безовта қилган, ҳатто бундай мактабларни очмаслик, ерликларни иложи борича маърифатдан, маънавиятдан узоқда сақлаш кераклигини қайта-қайта таъкидовчилар оз эмас эди. Ўзбек, форс, араб тилларини, адабиётини анча мукаммал билган, ўзбек мутафаккирлари Ҳавоий-Умидий, Ҳўжажон қози Рожий, Фурқатлар билан яқин алокада бўлган, шарқ қўләзмаларидан катта коллекция вужудга келтирган ва Санкт-Петербург Шарқ қўләзмалари институтига топширган, 20 йил давомида Россиянинг Қошгардаги консули лавозимида ишлаган, миссионер Н.Остроумовнинг яқин ҳаммаслаги Н.Петровский рус ва рус-тузем мактабларининг очилишига кескин қарши чиқсан эди. У 1887 йил 23 июня Н.Остроумовга йўллаган мактубида Туркистон ўлкасида биринкетин очилаётган рус ва рус-тузем мактабларидан ташвишланиб, қўйидагиларни ёзди: "Ҳамма ерда очилаётган мусулмон мактаблари (Рус-тузем мактаблари кўзда тутилмоқда-У.Д.) нима ўзи? Маънилик ишми ёки бехуда ишми? Ҳўжакўрсингами ёки жиддий нарсами? Билишини истардим. Биринчиси тўғри бўлса керак, деган хавотирдаман. Агар мактаблар олдиндан кўзланган максадсиз, оқибат нимага олиб келишини ўйламасдан очилаётган бўлса, уларни очмаслик маъкул. Кейин бориб пушаймон бўлиб қолмайлик".

Рус босқинчларининг бу фаолияти XIX асрда ёк рус сиёсатдонлари томонидан режалаштирилган эди. Бу ҳақда Русия маориф вазири Д.А.Толстойнинг 1870 йилда ёзган сўзларига эътибор беринг: « Бизнинг ватанимизда яшовчи барча бегона (рус бўлмаган) ҳалқларнинг маълумотли бўлишининг охирги мақсади, шубҳасиз, уларни рус ҳалқи билан бирлаштиришдан иборат бўлиши керак».

Мана шундай ўта оғир шароитда ўзбек мутафаккирлари рус-тузем мактабларини ўз мақсадларига бўйсундиришга ҳаракат қилдилар. Шуни алоҳида таъкидлаш керакки, Сайдрасул Сайдазизов XIX асрнинг 80-90 йилларида етишиб чиқсан, муаллимлик қилган, ўзбек педагогики тарихида усули савтия методига асосланган "Устоди аввал" номли биринчи барқарор алифбо дарслигини яратган, ўзбек педагоглари орасида ўқувтарбия соҳасида дастлабки ислоҳот ўтказа олган методист олим ҳамдир. Унинг "Устоди аввал" алифбо дарслиги таъсирида XX асрнинг биринчи чорагида товуш методига асосланган жадид мактаблари учун ўнлаб алифбо дарслклари яратилгани маълум.

Улугбек ДОЛИМОВ,
ЎзМУ доценти,
филология фанлари номзоди

СҮЗ МҮЖИЗАСИНИ АНГЛАШ ЙҮЛИДА

Герменевтика – бадий асарни тушуниш ва тушунтириш асоси

Олимларимиз **“талқин”** сүзини ўз илмий фолиятлари жараёнида күп күллайдилар. Табиии тарифтеги соҳасида ҳам, гуманитар-ижтимоий фанлар соҳасида ҳам бу сүз ўз спецификациясига мос равишда күп ишлатилади.

Гарчи **“талқин”** атамаси ўзбек тилидаги фалсафа, эстетика ва адабиётшуносликка оид лугат китобларидан маҳсус илмий истилоҳ сифатида ўрин олмаган бўлса-да, умуман **“интерпретация”** атамаси ёки русча **“толкование”** сўзининг муқобили ўлароқ тушунилади. **“Талқин”** сўзи герменевтика (матн талқини назарияси) таълимотида ислоҳий мазмун касб этади. Зотан, герменевтика фарбда икки хил: 1. матн талқини назарияси ва амалиёти; 2. замонавий фалсафадаги оқимлардан бирни маъносида изоҳланади.

Адабий талқин назарияси, бадиий матнни тушуниш ва тушунтириш методологияси сифатида адабиётшеноислик соҳасида хусусийлашганда герменевтика ўз фалсафий-назарий имкониятлар кенглигини намоён қилади. Бироқ бу таълимот шаклланиш жараёнини кечираётганлигини ҳам назардан қочирмаслик лозим.

Чунончи, немис олимлари герменевтиканни айни фалсафий тушунчанинг тараққиёт босқичларидан келиб чиқсан ҳолда ўз моҳиятига мувофик қўллайди. Бошқалар эса, масалан ҳатто англиялик, американлик олимларнинг аксарияти герменевтиканни оддий “**интерпретация**” маъносига ишлатади.

Ижодкор қалами остидан чиққан ҳақиқий санъат намунаси — мўъжизакор бадиий асар — матн-дир. Матн йўқ жойда тушуниш ва тушунтириш, талқин ва таҳлил хусусида гап бўлиши мумкин эмас. Матн обьектив оламнинг субъектив инъикоси, тушунчалар ифодасидир. Бадиий асар матни — талқин обьекти. Адабиётшунос ва мунаққид шу манбани талқин этади. Ҳар қандай бадиий асар ўз субъекти (ёзувчиси, ижодкори)га эга бўлганидек, ҳар қандай илмий тадқиқотнинг ҳам ўз субъекти (ёзувчиси-тадқиқотчиси) бўлади. Демак, иккиламчи бир обьект юзага келади. Қолаверса, ижтимоий фан соҳасининг энг муҳим хусусияти ҳам шу — яни ғоялар ҳақида ғоялар, сўзлар ҳақида сўзлар, матнлар тўғрисида матнлар ёзилади. Танқидлар танқид,

КИЗАСИНІ

**КИТАЙСКИЙ
ЯЗЫК**

ИУЛИДА

Ийн асарни тушуниш ва

иши асоси

Бадий асар матнини түгри, ўз ҳолича, ҳеч қандай мағкұравий-сиёсий таъсирларға берилмасдан

дай мағкурабий сисий тасвирларға берилмәсдан тушуниб олиш натижасыда, унда тасвирлланған воқеа-ходисалар, хис-түйгулар тұғри ва ўз ҳолища илмий тилга күчади.

Тушуниш бир томондан матн мөхиятнини, иккинчи томондан талқын этувчининг маънавий дунёси ва билимини кўрсатади. Тушуниш икки қирралидир. М.М. Бахтин ибораси билан айтганда, “**диологично**”, унда иккита онг, икки субъект иштирок этади. Тушунтириша эса бир онг, бир субъект ўзини намоён қилади.

“Тушуниш”, “түшүнтириш”, “түшүнишдан олдинги ҳолат” герменевтиканың эң мухим ислохлари ҳисобланади. Тушуниш талқын жараёни нинг ижодий натижасидир. Талқын — тушуниш ва түшүнтириш жараёни.

Гарчи жуда кўп ўзбек адабиётшунослари герменевтиканинг қайсиdir принципларини ўз илмий фаолиятларида кўлласалар ҳам, ўша фикрлаш тарзи, гипотезалари, таққослари, таққослаш, хукм ва хулоса чиқариш усулларининг қайсиdir жиҳати герменевтикага дахлдорлигини хаёлига ҳам келтирмайдилар.

Чunksиз яқингача диалектик метериализм фалсафасидаги гносеология — билиш назариясини чукур ўрганганимиз ҳолда герменевтика — матн талкени таълимотининг жаҳон илм-фанидаги атамасидан ҳам аскар ҳолатларда бехабар қолдик. Шу сабаб ўзбек адабиётшунослиги ва адабий танқидчилигида бу атама онда-сондагина учрайди.

Ўзбек илм-фанида, адабиётшунослигида герменевтиканинг тутган ўрни ва ишланиш доираси, албатта, қониқарли эмас. Жаҳон адабиётшунослиги ва адабий танқидчилиги бадиий асар матнини тушуниш-тушунтиришда, талқин қилишда муайян принципларга амал этади. Герменевтика асосида иш кўрилганда матн моҳияти сохталаштирилиб, қандайдир ўткинчи мағкуравий манфаатларга курбон қилинмайди. Бадиий асарни ҳар ким ўзича, ўз дунёкарашига мос билими ва ҳаётий ажрибаси дараҷасида тушунади, ҳис этади. Асарда йўқ нарса изланмайди, бор нарса беркитилмайди. Лозим ўрин-

да бутун диққат-эътибор муаллиф шахсиятига ёки асар яратилган тарихий шарт-шароитга ёхуд муйян қаҳрамон дунёсига қаратилади.

Умуман, бу адабий-назарий таълимотининг қатор афзалликлари борлиги шубҳасиздир.

Герменевтиканинг жаҳон фалсафаси, эстетика ва адабиётшунослигидаги ўрни ҳамда таъсир доираси жуда кенг. Унинг батафсил тавсифи фалсафий тадқиқот учун маҳсус мавзу бўлади. Зотан, бадиий матн обьект бўлса, уни нафақат адабиётшунос, балки, оддий китобхон ёки қандайдир ижодкор-санъаткор ўзича, муаллифнинг ўзи ёки унинг энг яқин кишиси (умр йўлдоши, фарзанди, котиби) ўзича талқин қилиши мумкин. Муаллиф ноҳақ танқидларга жавобан асарини ҳимоя қилиб, ўз бадиий-эстетик гоясини, образлари моҳиятини ёки маълум бир баҳсли эпизодларни изоҳлаши мумкин (Масалан: Абдулла Қодирий ва Сотти Ҳусайн баҳслари). Ижодкорларга ҳамроҳ шахсларнинг талқинлари (Масалан: Эккерман “Гёте билан сұхбатлар”, Ҳ. Қодирийнинг “Отам ҳақида”, З. Сайдносированинг “Ойбегим менинг” ва ҳ.к.) чуқур илмийлик ва назарий умумлашмалардан кўра кўпроқ хотиралар, оиласиий-маиший фактларга асосланган бўлади.

Фикримизча, бугун ўзбек адабиётшунослигига жаҳон илм-фанидаги энг илгор назарий-фалсафий мезонлардан истифода этиб, фарб ва шарқ адабиётшунослигини синтезлаштириб, ўзига хос фундаментал йўлга чиқиши учун имконият пайдо бўлди. Чунончи XX аср ўзбек адабиётшунослиги ва адабий танқидчилигига маълум бир ёзувчининг шахсий ҳаёти, дунёқараши ва тушунчалари, аниқ бир асари ва унинг қаҳрамонлари турлича талқин килинди. Бу хилма-хил муносабатлардаги талқин ва таҳлиллар аксар ҳолатларда жамият ҳаётидаги сиёсий ўзгаришлар билан ҳамоҳанг келди. Мабодо муйян ёзувчининг аниқ бир асари устидаги тадқиқотлар ўткинчи сиёсий мақсадларга йўналтирилмаган, тоза илмий моҳиятли бўлса, албатта, улар адабиётшунослик ва адабий танқидчилигимиз тарихидаги қийматдор асарлар қаторидан ўрин олади.

Ўтган юз йиллиқда шундай чуқур илмий талқинлар мавжуд бўлганидек, афсуски, бирёклама файриймий, вульгарлашган ва субъективлашган “ilmий мақолалар” ҳам майдонга келди. Абдулла Қодирий, Абдулҳамид Чўлпон, Фитрат ва бошқа машҳур ижодкорларнинг ҳаёти, дунёқараши, асарлари ва қаҳрамонлари хусусида ёзилган илмий асарларда ўша ҳолат кўзга ташланади.

Хуллас, адабиётшунослик яқин ўтмишда методологик жиҳатдан марксизм-ленинизмга таянган бўлиб, ўша ижтимоий-сиёсий ғоя таназзули билан методология ҳам тарихга айланди. Демак, адабиётшунослик методологик жиҳатдан янгиланиши лозим.

Дунё адабиётшунослигининг диққат марказида турган герменевтика таълимотининг илфор тажрибалиридан назарий-методологик асос сифатида фойдаланиш мумкин

Баҳордир КАРИМОВ,
филология фанлари номзоди

ТҮЙҒУЛАР ТАСВИРИ

Бир жиҳатдан ҳозирги замон бошловчи шоирiga қийин. Чунки, кейинги ўттиз-қирқ йиллар миёнасида миллий назмда маъни ва мазмун борасида кўп ўзгаришлар бўлди: бармоқ вазнининг янги имкониятлари очилди, фарб, япон адабиёт таъсирида ноанъанавий оқимлар юзага кели. Хулласи калом, назмнинг “усул” сандиги ва “бармоқ теккизилмаган” ташбеҳлари қолмади ҳисоб. Шундай замонда ўзгачароқ сўз айтмоқ мушкулдир.

Ҳозирги давр бошловчи шоирiga бир жиҳатдан осон. У ўрганишга, таъсирланишга, холоса ясамоққа қийналмайди. Ва ўз тажрибаларини шу аснода ишончли ўтказади. Биз XXI аср авлоди деганда шундай қисмат эгаларини тушунамиз. Эътиборингизга шеърлари ҳавола этилаётган шоира шу авлод вакилларидан бири. Мусаллам баёнга эмас, даставвал түйғулар тасвирига диққат қиласи. Унинг шеъриятида воеабандлик билан тасвир уйғунлашади: чиройли фикрлаб, мухтасар шаклда ёзади, баландпарвозликни, “ялтир-юлтири”ни хуш кўрмайди. Унинг наздида, чумоли ва девнинг “руҳий жуссаси” бир хил. Яъни ишқига яраша...

Шеърдан завқу шукух олиш, бирор маъни укиш имкониятини муштариға қолдирган ҳолда Мусалламга мashaққатли йўлда омад тилаймиз.

Баҳром Рӯзимуҳаммад

* * *

Чумоли у ёқдан бу ёққа юрап,
Оёғи дунёнинг кўзларин очар:
Эй, дунё! Бағринг кенг,
Кўкрагинг баланд.
Ногоранга ўйнар
Бу она замин.
Лек сенга ачинаман,
Гарчи бир заррангта
Келмасам-да тенг.
Оқни-оқ кўраман
Қорани-қора!

Совуқ хона...
Жунжикади ҳатто Қородам,
Деворлари етмиш қават муз.
Тишида бардошни
тишлаб яшайди,
Юрак шаклидаги
икки ҳиссиз Тош.



ЎТТИЗ БИР НИГОҲДА

Ўттиз йил мунгайиб қолар ортимдан,
Дунёни яқинроқ үқийман бироқ.
Умримни энг тоза япроқларида,
Хайқириб ётади минг битта сўроқ.

ХАЛҚНИ УЙГОТГУВЧИ ШЕЪРИЯТ

(Омон МАТЖОН шеъриятига бир назар)

Йигирманчи асрнинг биринчи чорагига келиб Туркестон халқлари ижтимоий-сиёсий ҳаётида Европа мамлакатлари таъсирида бирмунча янгиланишлар сезила бошлади, бўй албатта, жамият турмушининг узвий бўлғи саналмиш адабиётга ўз таъсирини ўтказмасдан қолмади. Хусусан, шеърият модернизация жараёнини бошдан кечирди. Бу чоғда новаторлик тарафдори Абдулхамид Чўлпонни эсламасдан иложимиз йўқ. У анъанавий назмдаги бир хиллик жиҳатларини танқид қилиб чиқди. У шарқ анъаналари ҳамда фарб янги шеърияти синтезидан пайдо бўладиган янгича йўналиш таклиф этди. Унинг назарида ўзбек шеърияти замонавий турк шеъриятидан андоза олмоғи жоиз эди. А.Чўлпоннинг Тавфиқ Фикрат услубидан кўп таъсирларнганини айни кунда фарб адабиётшунослари таъкидламоқдалар. Ҳақиқатан ҳам Чўлпон турк тилини пухта билар ва турк шоирлари асарларини аслиятда ўқир эди. Бундан ташқари у русчани ҳам билган. Пушкин, Александр Блок асарларини чукур ўрганганд. В.Шекспир асарларига маҳлиё бўлганлигини биламиз. Шу аснода у шеъриятни шакл жиҳатдан бирмунча ўзгартириди.

Уша вақтлардаги яна бир иқтидорли шоир Усмон Носир рус шеърияти ошуфтасига айланди. Уни бежиз “Шарқ Лермонтови” дея атамаган эдилар. Уша икки шоирнинг кучли таъсири остида араб, форс шеъриятидан асрлардан-асрларга мерос сифатида ўтиб, такомиллашиб бораётган аруз вазни ўрнини бармоқ вазни эгаллади. Бу адабиёт оламида бемисл ҳодиса ўз навбатида эстетик қарашлардаги кескин ўзгариш эди.

Шеърият шу вақтларда шакл жиҳатидангина янгиланмади. Балки мазмунан ҳам ўзгарди. Дейлик, мумтоз шеъриятда “ҳак”, “Ёр” каби тушунчалар устуворлик касб этган бўлса, XX асрнинг 30 йилларидан бошлаб назм сиёсий тус касб этди. “Халқ” тушунчасига кўп ургу берилди. Чўлпон “халқ дengиздир” деди. Бу билан у хурриятта ишора қилди. Худди шу замондан бошлаб шоирлар халқни турли-туман йўллар воситасида уйғотмоқда жаҳд этдилар. Аммо, ўтган асрнинг 37-йилидан токи 1956-йилгача чўзилган қатағон инерцияси вақтинча бу усулни чеккага суриб ташлади.

Ўтган асрнинг олтмишинчи йилларига келиб вазият бирмунча мўттадиллашиди. Етмишинчи йилларда эса Россия шеъриятида Евгений Евтушенко, Андрей Возне-

неский, Роберт Рождественский овозлари сарбаланд бўлди. Худди шунингдек, русийзабон қозоқ шоири Ўлжас Сулеймон туркӣ назмда инқилоб ясад юборди. Улар озодлик жарчилари эдилар. Назм саҳнасидаги бу овоз танҳо қолмади, кўшни юртларда ҳам акс-садо берди. Худди шу маънода Эркин Воҳидов, Абдулла Орипов, Омон Матжон каби пешқадам шоирлар ўзбек шеъриятини баланд мақомга олиб чиқишидаги сабабни тушунмоқ мумкин. Бу миллий назмнинг ичкарисидан эмас, балки ташқаридан бошланди. Кейинчалик, юқорида номлари зик этилган рус шоиларининг шеърлари ўзбекчалаширилгани сўзимизнинг тасдигидир.

Демак, ўзбек шеъриятидаги ўтган асрнинг етмишинчи йилларидаги ўзгаришлар ўзининг туб илдизларига эга ва бир жиҳатдан бу янгиланишлар ўша Чўлпон, Носир саъй-ҳаракатининг бевосита давомидир.

Э.Воҳидовнинг “Ўзбегим” қасидаси миллатни уйғотиш йўлидаги илк ҳаракат бўлди. А.Орипов “Ўзбекистон ватаним маним” дея ҳайқиаркан, кўпчилик янги замон бошланганини илғади. О.Матжон эса шу икки пешқадам шоирга эргашди.

О.Матжоннинг илк китоби 1970 йилда ёруғлик юзи ни кўрди. Ўн йил мобайнида эса у адабиётнинг пешқадам вакилига айланиб ултурди. Бунга боис ижтимоий-сиёсий вазиятнинг етилиб бораётгани эди. Бу авлод шеърият деганда воқеликка муносабатни тушунди ва ижод тамойили шу асосда шаклланди.

“Шеърим — менинг муносабатимдир. Шу муносабатнинг ўзи фақат менинг шахсий бисотимнигина эмас, кимларнинг манфаатлари учун қандай ҳукм чиқараётганимни ҳам аниқ намоён қиласди. Манфаат деган сўзга алоҳида ургу беришнинг ҳожати йўқ бу ерда. Чунки манфаат деганда шу аснода ё ўзимнинг ёки ёнимдаги кишининг ахвол руҳиятини назарда тутмокдаман. Чунки кўмак, эзгулик “хув фалон томонда!” деб йўл кўрсатиб коладиган диспетчер эмас. Аслида ўша сифатларнинг мужассамидир”, деб ёзган эди Омон Матжон 1981 йили.

Алалхусус, шу тариқа шеъриятга соғ санъат нуқтai назаридан ёндашилмади, балки, воқеликка муносабат миллат манфаати учун кураш деб тушунилди ва табиийки, назм бадиий мақоланавислик билан уйғунлашиб, қоришиб кетди. Ноънавий усул эса бу назм ибтидосида “абстракт” дея баҳоланди.

Ўзбек халқи чор Россияси истилосидан сўнг зулм остида эзилди. Большевиклар замонида эса ниқоб ўзгартирилди, холос. Шоирлар ана шу воқеликни тўғри тушундилар. Шу аснода халқ уйғонса, оёққа турса зулм чекинади, ҳуррият рўй беради, деб ўйладилар. Бинобарин, “халқ” тушунчаси асосий эътиборда бўлди. Гоҳо халқ ўтмиши улуғланди “Навоийдек бобом бор”, гоҳо халқ ожизлигидан куйиниш сезилди.

“Қачон халқ бўласан, эй сен оломон?”. Шоирларнинг наздида фақат ва фақат халқ воқеликни ўзгартирувчи куч эди. Э.Воҳидов, А.Орипов, О.Матжон — учала шоир “халқ” атамасини асбтракт тушунчадан реал воқелик мақомига чиқардилар.

Омон Матжон ёзадики:

*Лекин бир халқ мудраб, ётинқираса,
ҳар кимга ўз тинчи ёқинқираса,
Шоирлари қўрқиб босинқираса,
Халқин ким уйғотар,
Саволим шулдир??*

Боя айтганимиздек, халққа мурожаат руҳидаги публицистик назм собиқ Иттифоқдош жумхуриятларнинг деярлик барчасида юз кўрсатди. Қозоғистонда, Қирғизистонда, Грузияда, Украина, Белоруссияда... Бироқ, Болтиқбўйи республикалари шеърияти сал ўзгачароқ эди. Болтиқбўйи шоирлари замонавий немис, француз шоирларидан усул ўргандилар.

Ўз салафлари қаторида О.Матжон шоирнинг фуқаролик бурчига ургу берди. Шоир халқини миллий уйғотишдан ҳайиқмаслик жоиз, деганояни илгари сурди. Яширмаслик лозимки, унинг коммунистларга бағишлиган шеърлари ҳам анчагина эди... У тузумни йўқ қилиш эмас, балки Ленин замонидаги каби адолатли тамойилга олиб келмоқ керак деб ўйлади ва худди шу нуқтада қаттиқ янгишиди. Негаки, аслида тузумнинг ўзи бир тасодиф эди ва жаъмики нуқсонларга тузум шакли нобоплиги боис эди.

Шундай бўлса-да, Омон Матжон шеърияти миллий адабиётимизда олға силжиш сифатида ардоқлидир. “Менга Ўзбекистон — илҳом париси, унинг қувончлари, унинг дардлари” деб ёзган шоир ҳақиқатан ҳам миллат дарди билан яшади, қалам тебратди ва “Дилимнинг рангини гул билса бўлди, Менинг кимлигимни эл билса бўлди” дейа ўз-ўзини овунтириди ҳам.

О. Матжон шеърияти — очиқ шеърият эмас. Шоир рамз тимсоллар орқали гапиради. Сирларини образларга беркитади. Инчунун, шоир шеърларида “куёш”, “ёнаётган дарахт”, “нур”, “ёғду” сўзлари кўп учрайдиди, шоир озодликни шу образлар воситасида куйлаган эди. Дейлик, “Ёнаётган дарахт” асарини олайлик. Шоир рамзий маънода ватанпарварни ёнаётган дарахтга қиёслайди:

Дарахтлар ёнмоқда бугун дунёда .

Ёниб, ўзгаларни уйғотмоқ не баҳт.

Дўстларимдир барча ёнаётганлар.

Юрагимдир ёнаётган Дарахт.

Ўша замон пешқадам шоирларининг севимли ва ишончли усули табиатдан муқояса олмоқ эди. Яъни инсон феъл-авторига она табиатдан улги қилинади. Табиат деганда дарахтлар, қушлар, мовий осмон, юлдузу кўёш ҳамда қадимий иншоотлар назарда тутилади.

Дейлик, шоир Ичон қалъани томоша қиласди, хароба аҳволдаги Дишон қалъани кузатади ва буни яхлит инсон сифатида кўз ўнгига келтиради. Одамзоднинг ташки қиёфаси қариши, дард-изтиробдан буришиб кетиши мумкин. Аммо, у юрагини соғлом асраромоги шарт. Шоир шу ҳикматни қаламга олиб холоса чиқарадики:

*Машхурдир бирининг номи очунда,
Бири нураб ётар бесамар, бешон...
Халқининг устивор руҳи-зўр даҳо
Мангулик топгандир Ичон қалъада,
Уни бузмасин деб минг турли бало
қалъа қурилгандир Дишон — далада.*

“Ичон” Хоразм шевалари сирасига кириб “ичкари” деган маънони ифодалайди. “Дишон” эса “ташқари” демакдир. Шоир ўша икки тушунчани матнда келтириб, зидлашув усулидан унумли фойдаланади ва холоса чиқарадики:

*Дейман асл ҳикматни бобонгдан ўрган,
Асраромони ўрган Ичон қалъани.*

Бунаقا зидлаштирув, қаршилантириш усулини Э. Воҳидов ҳам (“Гарчи шунча мағрут турса ҳам, пиёлага эгилар чойнак. Шундай экан манманлик нечун, Кибру ҳаво нимага керак?”), А. Орипов ҳам (тилла балиқча ҳақидаги шеърини эслайлик) қўллаб кўрган. Бу учала шоир ижодиёти бир нуқтада кесишиади: бу нуқта халқни уйғоқликка чорлаш билан изоҳданади.

Мухтасар йўсунда айтганда, О.Матжон дунёни халқ ўзгартиради, қабилидаги қаттий фикрда эди. Халқ уйғондими демак, ҳаммаси рисоладагидек бўлади. XX асрнинг 70 йилларида майдонга чиқсан “халқ” тушунчasi ўзликни англаш қонуниятига чамбарчас боғланиб кетгани билан қадрлидир.

Охир-оқибат Омон Матжон дунё эврилишларини тўғри тушунади ва қисқа ифодалайди:

*Боқдим жаҳон шина, маъноси турли-турли,
Бир бошдаги туфони, гавғоси турли-турли.
Бу не мангу бозордир, савдоси турли-турли,
Ваъдаси бир либосда, вафоси турли-турли.*

Тарихдаги турланишларни тушунгани сайин шоир реал фикрлай бошлайди ва шунинг баробарида аввалги қарашларидан қисман воз кечади. Аммо, барибир, бу шеърият ўша XX асрнинг 70-йилларидағи зиёлилар кайфиятининг бадиий талқини сифатида илм аҳлига қадрлидир.

Ўғилжон ПАНАЕВА,
Урганч давлат университети.

Ашурали БОЙМУРОДОВ

МЕХРДАН

ЁПИНЧИК ТУНЛАРИМ

СОФИНЧ

Онам Ўғилой Күшназар қизи хотираасига

Тикондек санчади айрилиқ,
Лаҳзалар тұхтамас қайрилип.

Мен нечун айрилиқ ҳақында
Сизга сүз айтмадым яқында?..

Софинчга айланған борлигим,
Құнглымда меҳрға зорлигим...

Дардимга бир таскин излайман,
Болалик дамларин әслайман.

Сиз ила ўттан ҳар күнларим,
Меҳрдан ёпинчиқ тунларим

Хаёлдан нур янглиғ кетмайды,
Минг құлым чўzsам-да етмайды.

Оҳ, нечун аввалроқ сезмадим,
Фарзандлик қарзимни узмадим?..

Ўзимни оқлашга чора йўқ,
Менингдек бағри минг пора йўқ.

Ҳамиша равон деб ўлимни,
Билмасдим бешафқат ўлимни...

Рост буқун дунёнинг сўzlари,
Фақат кеч очилгай кўzlари.


Фироқда дард чеккан ноламен,
Онасин йўқотган боламен...

Кўксимга осмонлар кулаган,
Юлдузлар мен каби йиғлаган.

Кўнгил ҳам меҳрдан яралгай,
Унданда қатра нур таралгай.

Йўқотган қуёшим қайтмасму,
Болам деб бир сўзни айтмасму?..

Шеърларга кўчириб онгимни,
Хотира уйғотар тонгимни.



Руҳингиз дилимда ёнадир,
Мен учун энг азиз Онадир !

Тонгларни уйғотар ёдингиз,
Бу шеърни асли сиз ёздингиз.

ЖИСМИМДА ЖОН ҚИЧҚИРАР

Висолга чанқоқ дилим, ишқингизда ёнаман,
Тун пардасин йиртгали гүёки тонг қичқирап.
Тушимда севиб сизни тушимда қувонаман,
Саҳар қўзим очсаму жисмимда жон қичқирап.
Дунё менинг танимга санчилган бир ниш бўлди,
Фақат тушда севилмоқ бу қандайин иш бўлди,
Дунё тамом тескари - ёз чилласи қиши бўлди,
Сарғайтириб юзларим фасли ҳазон қичқирап.
Минг ўлиб, минг тирилмоқ ошиқларга одатдир,
Аллоҳга илтижолар ёлғиз бир ибодатдир,
Айрилиқ ҳам баязида хузурбахш, саодатдир,
Яшашга қайт дегувчи янги замон қичқирап.
Саҳар қўзим очсаму жисмимда жон қичқирап

МУҲАББАТИНГ ЁЛГОН БЎЛДИ

Сенсиз, малак, танда жоним фигон бўлди,
Ваъдаларга вафоларинг гумон бўлди.
Ой ёғудусин йўқотгандек тунлар хира,
Ётганларим пар тўшакмас, тикон бўлди.

Кўнглим сендин айри тушиб ором билмас,
Нечун ёрим муҳаббатинг ёлғон бўлди?
Бу ҳолимни ҳеч кимсага айтиб бўлмас,
Ич-ичимда дардим мангубон бўлди.

Хижронингда куйган фарид бу юракка
Олам гүё ёғудуси йўқ осмон бўлди.
Бедор ўтган кечаларим сенсиз бўзлар,
Дил ситами буқун мингта достон бўлди.

Келарму деб йўлларингта термуламан,
Нечун биздин олис кетмоқ осон бўлди.
Ашур қалбин асир этган нозли дилдор,
Муҳаббатинг ёлғон бўлди, ёмон бўлди.



Ашурали Боймуродов 1957 йилда Бекобод туманида туғилган. 1979 йили Жиззах Давлат педагогика олийгоҳини тамомлаган. "Дил сўzlари", "Табиат сехри", "Садоқат" номли шеърий тўпламлар муаллифи, Ўзбекистон Ёзувчилар уюшмаси аъзоси. Хозирда Бекобод шаҳар газетасида ишлайди.

ЭЛИМ ДЕБ, ЙОРТИМ ДЕБ ЁНИБ ЯПЛАШ КЕРАК!



МУАССИСЛАР:

Ўзбекистон Ёзувчилар уюшмаси,
«Камолот» ёшлар ижтимоий ҳаракати**Жамоатчилик кенгаши раиси:**

Абдулла ОРИПОВ

Жамоатчилик кенгаши:

Алланазар АБДИЕВ

Абулқосим МАМАРАСУЛОВ

Аҳмад ОТАБОЕВ

Йўлдош СУЛАЙМОН

Аҳмад УСМОНОВ

Фармон ХУДОЙБЕРДИЕВ

Ботир УБАЙДУЛЛАЕВ

Сирожиддин САЙИД

Бош мұхаррир

Абдуқаюм ЙЎЛДОШЕВ

Масъул котиб

Акбарали МАМАСОЛИЕВ

Таҳрир ҳайъати:

Одил ЁҚУБОВ

Собир ЎНАР

Хожиакбар ШАЙХОВ

Абдусайд КЎЧИМОВ

Абдул Фани ЖУМАЕВ

Вафо ФАЙЗУЛЛО

Йўлдош ЭШБЕК

Faффор ҲОТАМОВ

Луқмон БЎРИХОН

Ёшларнинг адабий-ижтимоий журнали 1982
йилдан чиқа бошлаган.

© "Ёшлик" № 2 (184) 2002 й.

Ушбу сон "Ёшлик" журнали таҳририятининг
компьютер марказида сахифаланди.Сахифаловчи: **Саодат ТЎЛАГАНОВА****МУҚОВАМИЗДА:****1-бет:**

Ўзбекистон фахри

Муҳаммадқодир АБДУЛЛАЕВ.

3-бет:

Мунаққид, адаб, таржимон

Иброҳим ФОФУРОВ.

4-бет:

Истебъодди ёш хонанда

Муродбек ҚИЛИЧЕВ

A. Жумаев фотолари.

Манзилимиз: 700000, Тошкент, Жавоҳарлаъл-Неру, 1-уй,
Телефон: 133-40-83
Босишига 20. 03. 2002 йилда рухсат берилди.
Коғоз формати 60x84 1/8. Нашриёт хисоб тобоги 6,0.
Индекс 822 ISSN 0207-9137 Буюртма № 25

МУНДАРИЖА**НАСР**

Исмоил ШОМУРОДОВ.

Икки изкувар. Қисса. 7

Илҳом АҲМЕДОВ.

Ташландиқ. Ҳикоя. 24

НАЗМ

Гўзал БЕГИМ.

Мен севмоқ истайман дengiz товушида... 4

Вафо ФАЙЗУЛЛО.

Жон йўлни яширган армон. 23

НУРИЛЛОҲ.

Мангалик энг улуг шиддат-ку, ё раб... 31

Нурали МИСИР.

Айт... 34

Икром ОТАМУРОД.

Анинг умиди. Достон. 35

Мусаллам БОНУ.

Кўксимда очилиб боради ранглар. 43

Ашурали БОЙМУРОДОВ.

Меҳрдан ёпинчиқ тунларим. 47

ТАРИХНИНГ ЎҚИЛМАГАН САҲИФАЛАРИ

Улугбек ДОЛИМОВ.

Нимани кутдилар неларни кўзлаб... 39

МУНОСАБАТ

Шавкат ҲАСАНОВ.

Бугунги достон тамойиллари. 33

АДАБИЙ ТАНКИД

Зулфия ПАРДАЕВА.

Ёшлар насида бадиши меъёр. 1

БИРИНЧИ УЧРАШУВ

Шоҳида МИРЗАЕВА.

Яшамоқ аслида фидолик... 30

ТАЛКИН

Баҳодир КАРИМОВ.

Сўз мўъжизасини англаш йўлида. 42

ТАҲЛИЛ

Ўғилжон ПАНАЕВА.

Халқни ўйғотувчи шеърият. 45

Журналдан кўчириб босилганда "Ёшлик"дан олинди
деб изоҳланishi шарт.

А. Навоий номидаги кутубхона босмахонасида чоп
этилди, X. Сулаймонова № 33 уй.